

# ქიქობია

1981 5

652/3  
1981/3

67





# ქოჩოსი

ლიბერატორულ-მხატვრული და  
საზოგადოებრივ-პოლიტიკური  
ჟურნალი

საქართველოს მშვიდობა კავშირისა  
და აჭარის განყოფილების  
ორგანო

გ ა მ ო ც ე მ ი ს 23-ე წ ე ლ ი

5

რა მშენიერი ზღვა გვაქვს, აჭარა,  
რა მთმაჯალი, ძვირფასი შუღით...  
ქალაქი—ჩვენი ქვეყნის დანჯარა  
აღმოსავლეთით და დასავლეთით.

1981

სექტემბერი  
ოქტომბერი



გ ა თ უ მ ი

## ნოვარში დაბეჭდილია

ჭაბუა ამირეჯიბი	3	კრონი (ახალი რომანის ერთი თავი)
მამია ვარშანიძე	30	ლექსები
ალექსანდრე სამსონია	37	შალვა, ჩემო სისარულო... (მოთხრობა. გაგრძელება)
ლალე თოთაძე	60	ლექსები
ღამით ნაცვალაძე	62	საქართველო გეორგიევსკის ტრაქტატის ეპოქაში (გაგრძელება)
ზანა სისარულიძე	69	ლექსები
გუგუღი გაბისონია	71	„შენ სომ ჩემი ცის ვარსკვლავი იყავ“...
რაულ მამალაძე	71	სვეტიცხოველი (ლექსი)
გიორგი შაინიძე	71	სხალთა (ლექსი)
ზინა კომანიაძე	75	ლენინის სახელობისა...
სუჯად ჩიჩაძე	78	„ხელის“ წიგნები
ვანტანტ ავლაგდიანი	86	ახალგაზრდული ხმები
	91	მედუზა
	92	გასულ ორ თვეში

გარეკანის მე-2 გვერდზე — „აჭარელი მევენახეები“. მხატვარი **შოთა სოლუაშვილი**.

გარეკანის მე-3 გვერდზე — „ხათუნა“. მხატვარი **თამაზ ჯალაღანია**.

ჟურნალი გააფორმა **ავსიანდილ ლომაიაძე**

ტექნიკური ხელმძღვანელი **უშუანა ღარიბია**.

02/1/11

# სკრინი

ახალი რომანის ერთი თავი

უგზოზე მივდიოდი. წყვილი იყო. სარწყუნისის\* ბოლოს და მირკნის\*\* და-  
დევს გარიურაჟის წინ იცის ღამემ ასე ჩაკუმეტება. მალე უნდა გათენებულყო.  
დრუბული გაიფანტებოდა, მზიან, კაშკაშა დღეს დაიჭერდა. ვიცოდი, მაგრამ მაინც  
იმ ღამეზე ვფიქრობდი, ხვალინდელ მზიანს რომ უნდა მოჰყოლოდა — ალბათ იმა-  
ტომ, რომ ბნელოდა და გზებსაც კარგა ხნის აცდენილი ვიყავი. აღლონდა მივ-  
ყვებოდი: ხეები ბარისკენ მირბიან, ბარში შდინარეები დიან, მდინარეებთან სოფ-  
ლები ან ნასოფლარებია და გზებიც.

თავხვდნი და ურცხვნი შეიქნენ მონგოლები. საკუთარი ძლევა მოსილების  
რწმენით არიან ეგეთნი. ირწმუნებდნენ, მაშ როგორ იქნებოდა — მთელი აზია  
მამულად და საძოვრად ისე დაიპყრეს, დამარცხებისა არა იცოდნენ რა. ჩვენც ხომ  
თავდაჯერებულნი ვიყავით, ქართველნი, ორი საუკუნე და მეტიც. უძლეველობით  
იყო... სადღაა თათართ უძლეველობა!.. მაგრამ ჯაბნობისაც არაფერი ეტყობათ ჯერ.  
ე-პე, რამდენი მარცხი უნდა იწვნინონ, სანამ ეჭვი და შიში შეუჯდებათ, მკლავი  
მოუსავლებათ და თვალის ჩინი უმტყუნებთ... არა, ახლანდელი შემართება მათი —  
გაჭირვებისა და დაუძლურებისა ჩანს. ურცხვობა და თავხედობა ამით თუ გაუმძა-  
ფრდათ. სხვათა დასაშინებლად სჩადიან განზრახ და თავისთავსაც ეტრაბანებიან,  
შეძრკალ გულს იმაგრებენ — ყაჩაღთა ბრბოში იცის ასე ზოგ-ზოგმა... ფიცის  
გამტეხნი, მწამლველნი, მუხანათურად მმალველნი რომ არ ვიყავით, ამაღ გვცემდ-  
ნენ პატივს და ომში შემართებისათვის უფრო. ახლა თავად სწამლვენ, ღალატით  
კლვენ და ფიცის სიმტკიცისაც არა იციან რა — ესენი სპარსთაგან ისწავლეს.

უშიშრობისა არ იყო სანადიროდ წვევაზე თანხმობა ჩემი; განჭვრეტისა იყო  
და გულმაც მითხრა — სათრეველად, საამხანაგოდ ვუნდოდი, ავს არაფერს მიპირე-  
ბდნენ... ჩვენი ქალების მწყურვალნი არიან თათარნი ერთობ, მაგრამ იქ, ლოჭინზე  
მაინც რანაირი თვალები ჰქონდა იმ დიაცს — ნლობის მომგვრელი და საქციელიც  
ისეთი... თავად შეიწვია იმ ნაოხარ ეკლესიაში ჩარდოგ-ნონი და სხვათაც ხომ  
თავად უხშო მერე.

\* თებერვალი.  
\*\* მარტი.

საქ. სპ. სპ.  
საქ. სპ. სპ.  
საქ. სპ. სპ.

...სინათლე მოსალოდნელზე ადრე დავინახე — შორიახლოს ცეცხლის ალი  
ციმციმებდა. ნათელის დანახვას უფრო გვიან და სხვა მხარეს ვვარაუდობდი და  
სულ სხვაგან კი წავაწყდი! შორიდანვე გავარჩიე, ცეცხლს ვიღაც უჯდა, მივუახ-  
ლოვდი, კუნძზე კაცი თვლემდა. თვალი მომტაცა: სხეულის იგურდივ ბურუსის  
ძარაოსავით რამ ერტყა, როგორც წმიდანებს ადგათ ხოლმე თავს სხივი შარავა-  
ნდი, მაგრამ ამას ბურუსისა ერტყა, აკი ვთქვი. წყვდიადს გავხედე, იქნებ ჯანდი  
დგას-მეთქი; არაფერი, ყინვისაგან წამოგდებული თხელი ბორაყი იყო, ძლივსა ჩან-  
და.

იქვე, გასწვრივ, ძალიან გრძელი, ვრუ კედელი გასდევდა ქვითკირისა და კარ-  
გა მაღალიც. არც კუთხე უჩანდა სადმე იმ სიბნელეში, არც თავი და ბოლო. ვრ-  
თადერთი კარი ჰქონდა დატანებული რკინისა, ცეცხლი იმ კართანვე ენთო.

ეს ნაგებობა თბილისის შემოგარენში არასოდეს მგულებია.

მიველ, კაცს თავზე წავადექი. დავხედე და იმ იგურდივ შემოვლებული ბუ-  
რუსისა თუ შარავანდისა ნასახიც აღარსად იყო. ვიფიქრე, — მომეჩვენა-მეთქი.  
ისეთი გუმანი დამიდგა, რომ ამ კაცმა, ფერდობზევე მომკრა თვალი, იქნებ, უფრო  
ადრეც, და კვლავინდებურად კი თვლემდა. კარგა ხანს ვიდექ. არ განძრეულა,  
მარტო სუნთქვა იგრძნობოდა მისი — ბეჭების ღინჯ, გამოწომილ ძვრასა ვხედავ-  
დი. ფთილივით თმა ჰქონდა, ხორბლისფერი — ისეთი, ვითომ უფრო ხშირი არც  
როდისმე ჰქონია. იმ სიცივეში თავშიშველი იჯდა, ტანი ჩოხა-ახალუხისა და ფე-  
ხი წინდა-ქალამნის მეტი არაფერი ემოსა. იმდენად სიფრიფანა რამ იყო ის დამ-  
ხვდური, რომ გამიკვირდა, — სიმკვირვალის დანახვაც შეძლებულა-მეთქი.

— კაცი მოვედი... ამ წყვდიადში. ამომხედე მაინცა!

გვიან გამომელაპარაკა:

— კაცი მულამ აგრე მოდის — წყვდიადში, გათენების პირს, სარწყუნისის  
მიწურულს, ხანდახან მირკნის დამდეგს... ის კაცი, მძლე! — მკაფიო, ხავერდოვანი  
ხმა ჰქონდა.

— ისევა სთვლემ? ამომხედე-მეთქი, გზა უნდა გკითხო.

შემათვალეირა, კვლავინდებურად ჩაქინდრა თავი და მითხრა:

— მე სულა ვარ და სულა ვთვლემ. თქვენ ბობოქრობთ — კაცთა მოღვმა, სა-  
ნამ ხართ და ფხიზლობთ. ჩამოჯექი, სითბოზე მეწვიე. უწინაც მწვევიხართ — ზო-  
გი სითბოზე იყო, ზოგი სუსხზე. არ გეცოდინება.

ცნობისმოყვარეობამ შემიპყრო, საჭურველი განზე გადავდე. ქვა იღო, ჩამოვ-  
ჯექი, ხელისგულები შევითბე და, — აბა, რასა და როგორ მეტყვის მეთქი, ვკითხვე:

— ვინა ხარ და რასა იქმ აქა?

— მკურნალი ვარ. ეს ქსენონია. — თავი ქვითკირის ბალავრისკენ გაატოკა.

— რომელ სენსა ჰკურნავ?

— ყველანაირსა და არც რომელს.

— ეგ — როგორ? — შევდიმე.

წამით თვალი თვალში გამიყარა და მითხრა:

— მოსახდენს ვახდენ!

— მოსახდენსა? — ჩავილაპარაკე უფრო იმისთვის, რომ აზრს ჩაეწვდომოდა  
და დავძინე: — მაგისას ვერაფერს მიგიხვდი.

— ჰო, ვერ მიხვდებოდდი.

ორივენი ვდუმდით. გული გამიწვრილდა და ვკითხვე:

— რა გქვია, როგორ მოგმართო?

— კრონი მქვია.

— ევ სახელი არსად გამიგონია.  
— მარტო მე მქვია... აქა, თორემ სხვაგან, რა ვიცი, იქნებია.  
ვერ მოვისვენე. ფულურომ იცის, უეჭველად ხელს შეგაყოფინებს, მიზიდულობა აქვს. ევ არის, ველი თუ ვიწროა და ხელი ვერ შედის?!. შიშიც იცის ფულურომ, — მოზიანე არა იყოს რა შიგაო.  
— ამ ყინვაში კარგი პატრონი ძაღლს არ გამოაგდებს... — სალაპარაკოდ როდი ვთქვი, ისე ვთქვი.  
— ეს ორი კვირაა, შუაღამის მერე გამოვდივარ და ვზივარ.  
— რას უზიხარ?  
— აკი გითხარ, სარწყუნისის ბოლოა, ამ დროს მოდის ხოლმე ის კაცი. დამხვდურმა გაიღიმა. ეს პირველი გაღიმება იყო, რაც მოველ.  
— უფავლოა, ხან ორას წელიწადში ერთხელ მოდის, ხან ორსა და სამსა ამდენს იგვიანებს.  
ჰოლო-მეთქი!.. სხვას რას ვიტყვოდი.  
— ბევრი გყავს?.. სნეული, — რკინის კარზე მივანიშნე.  
— ბევრი. სულით გვემულთა ქსენონია.  
— ამ ქრისტეს ტირილსა თუ სოცვა-ვლექტაში ხელთათვის ვისღა მოუცლია, სახსარს ვინ იღებს?  
— მიწა, მოსავალი, რასაც დატოვებენ თათარნი ჭირნახულისას, ამათი საზრდელიც ის არის.  
— სულით გვემულთაგანაც ანგარებენ? — გულწრფელად აღმომხდა.  
კრონმა ჩაიღიმა, აღარაფერი უთქვამს, მაგრამ მე არ მოვუსვენე:  
— უწინაც მწვევისხართო, ზოგი სითბოზე იყო და ზოგი სუსხზეო — ევ როგორღაა?  
— იმათი გითხარ, მძლე კაცებისა.  
— აკი, თავად მწვევისხარო?! — სიცილით მივუგე.  
— უწინ სხვები იყვნენ. ახლა შენ მოხველ და მეწვიე კიდეც. — თავდაც გაიღიმა, კვლავ მოიღუშა, მიყურა, თავი ჩაქინდრა და დასძინა: — რაკი მოხველ, სანამ იცოცხლებ, კიდევაც მოხვალ. ი სუსნი და სიმძიმილი მოგიყვანს. ის სხვებიც ვერე იყვნენ. იქნებ, მომავალ სიცოცხლეშიც მძლედ მოგავლინოს განგებამ — მაშინაც მომინახულებ ხოლმე. ავრეა.  
ახირებული სახელი ერქვა, ახირებულებს უბნობდა. მარღვები ამეშალა და უკმეხად ვკითხე:  
— იცი კია, ვინა ვარ და საიდან მოვდივარ?!  
— უფლისწული გიორგი ხარ, მეფე დიმიტრი თავდადებულისა და ბექა ჯაფელის ასულის — ნათელას ძე. მანდედან მოდიხარ. საქართველოს მეფედ კურთხევითვის მოგიყვანეს თბილისს თათრებმა. ბოლოს სად გაგიყვანს განგება, ეგეც ვიცი. შენზე ადრე მოხულებიხაც წინასწარ ვიცოდი ხოლმე ყოველივე. ვინც შენს შემდგომად მოვა — მძლე, იმათიც მეცოდინება, ყველაფრის მკურნალი ვარ-მეთქი.  
სწორედ საკვირველი ვინმე იყო კრონი. იყო-მეთქი, ვამბობ, რადგან წარსულს ვიგონებ, თორემ ევ კაცი საერთოდ არასოდეს ყოფილა, ან დასაბამითვე იყო, დღესაც არის და უკუნისამდე იქნება!.. სიტყვას მისას და ნათქვამის არსს მძაფრი, გულის-მომგვრელი და გაუგებარი უფრო ეთქმოდა, მაგრამ ფიქრის აღმძვრელი და სასაუბროდ წამქეზებელიც იყო სწორედ ამიტომ... როგორ და საიდან უნდა სცოდნოდა ჩემი ვინაობა! სანადიროდ ვიყავ, ერთი აზნაურივით მეცვა. მე ისა ვკითხე, — ახლა, დღეს, საიდან მოვდივარ-მეთქი.

...რადაც იყო ისეთი იმ დიაცის ჩაღმებებსა და ჩრდილიანი წამწაშების ხაშ-  
ხაშში... არშიყი ქალები სხადიან აგრე — ალერსიან თვალს გესვრის, გულსწყურს  
ჩაგტაცებს, თვალთერებას დაუწყებ და იმასაც ეგ უნდა: იმისთვის შემოგციცინა  
და შემოგციცინა, რომ კარგა მნახოსო: იცის, ვნების მოძვერელი გარეგნობა აქვს,  
თავს უეჭველად მოგაწყურებს... ეგ არის, უგერგილოდ სხადიოდა. ამით მივხვდი,  
მეძავი არ უნდა ყოფილიყო. ხელოვნება აკლდა, უნამდვილობა დასთრევდა, მაგრამ  
ხვენს მპყრობელთ იმდენი სიფაქიზე სადღა ჰქონდათ, მაგნაირები ეგრძნოთ. კინა-  
ღამ საჭურველით დაერივნენ ერთმანეთს. ისევ დიაცმა იმარჯვა, ჩარდოვს ანიშნა,  
— შენ წამოდი, შენ მინდიხარო. მიტრიალდა, იმ ნაოსნარ ეკლესიისკენ გასწია. ჩა-  
რდოვს ასე ახდელი მიწვევის მოლოდინი ვით უნდა ჰქონოდა?! იმის ბრჯვე პირი-  
სახეს სინარულის ელდაღა აკლდა!.. ხმით რომ გამეცინა, ბელდე და იჩუ ისე ჩამა-  
ფრინდნენ თვალეში, ვითომ მძიმე რამ დანაშაული ჩამედინოს. უარყოფილი მამა-  
კაცის მზერა იყო მათი მზერა და ისეთი, უდანაშაულოზეც რომ შეუძლია ჯავრის  
აძოყრა...

არა, რანაირად მიდიოდა დიაცი! წარმტაცი იყო, ეშმაკის კერძი, და მდებრი,  
ჭეშმარიტი მდებრი. მძლავრი სხეული ჰქონდა, მაგრამ მოხდენილი და სხარტი,  
თითქოს, პირდაპირ მიწიდან ამონახეთქი. ეგეთი დიაცი არც ფესმძიმობაში დაგო-  
ხჯდება: ნაყოფისთვის მოიხამს, მოიდოვლათებს, მოძრგვალდება, მაგრამ მაინც  
მძვენიერ ფესმძიმედ წარმოძიდება. პაპაჩემმა ბექამ ყრმობაში ფილოსოფიის  
მოდღვრად იყალთოელი ბერი მომიჩინა: იმ იოანემ ჩამაგონა, — დიაცის ყველა  
საქციელი მისი მოძაული შვილიერებიდან ზოდისო. მას აქეთ დამჩემდა, ყველა  
დიაცი ფესმძიმედ წარმოძიდება სოლმე და ისიც, რომ ახალგაზრდა ქვრივის  
დახახვა მაფორიაქებს, დაუოკებელ ვნებასა მგვრის, ვითომ ცისქვეშვთს ვიღაც  
აკლია და მისი მოყვანა მსოლოდ მე მევალებოდეს...

ქალი ეკლესიაში შევიდა, მიიძალა. ჩარდოვმა ბრტყელ სახეზე ხელისგულა  
ჩამოიხვა, სუფრას დააცქერდა, გაირინდა. ახლა მსლებლებს დაუთათხანა, — ე  
მაგ მწვადებს ეშველება რამე თუ არაო! იმედი მისცეს, — მალე იქნებაო. კიდეც  
შეყოვნდა ჩარდოვ-ნოინი, მერე ალბათ გადაწყვიტა, — ნატრფიალევზე უკეთეს  
გემოს ჩავატან სორცსაო, და ეკლესიისკენ გასწია.

...— ეგენი ვინდა არიან? — მძლენი, — ვკითხე მკურნალს კარგა ხნის ღუძი-  
ლის შემდეგ.

— მძლენი? — კრონმა ეჭვით შემომხელა, ალბათ, იფიქრა, — რანაირად უთხ-  
რა, რომ მიხვდესო, და განაგრძო: — ხანი, ვისი ნათქვამი სიმართლის იქნო სხვა  
სიმართლე დევს, იმ სიმართლის წიაღში კიდეც სხვა და ყველა ერთად სიკეთეს  
მსახურებს. მძლენი არიან ჩუბინი თვალისა და გამჭრიახი გონების მქონენი, საჭირო  
საკეთებლის მიძგებნი და მხნედ მოქმედნი, ჟამთა სინალხის მბრძოლნი და ცეკუი-  
თა ძლევამოსილნი — მეფენი იქნებიან, მხედართმთავარნი, მერჯულენი თუ ერის-  
კაცნი ვიეთნი — ვინაც ცხოვრების დიდი თუ მცირე ნაწილის წარსამართავ სა-  
დავეთა ხელდება ილო თავს და მართებულად ირგუნა განგებისაგან. მძლენი მდა-  
ბიოთაგან მოდიან უმრავლეს და კეთილშობილთაგანაც ზოგნი, მაგრამ ესენი უფრო  
არიან გამოჩინებულ ჟამთააღმწერელთაგან მოხსენიებისა გამო.

სევდამ დამრია ხელი, ყრმობითვე მქონდა შემოჩვეული სინანული, რომ სხვა  
ზოდიაქოს ქვეშ ვიყავ შობილი და დიდთა საქმეთა აღსრულება არ მეწერა.

კარგა ხნის შემდეგღა ვთქვი, თითქოს თავი მეძართლებინოს:

— დრო და ვითარება თუ შეესწრო, ჯაბანიც მძლეა მაშინ!

— დრო მუდამ და ყველასთვის მუხთალია, ხოლო ვითარება — შეუსაბამო, —



მომიგო კრონმა, — უამი კაკანათია, კაცი — მარად შინ გაბმული მფრინველი, მაკ-  
რამ ესე მარტივ კაცთათვის არის. მძლეუთათვის: ისინი თავად ნადირობენ დროსა  
და ვითარებაზე. მძლენი არიან და ამაღ მოინადირებენ კიდევ.

მის ნათქვამში რაღაც არ მომეწონა — ალბათ, სიმართლე. იქნებ, ქვეშევცნეუ-  
ლად იმ მძლე კაცებისა შემშურდა, მათი უპირატეხობა მეთაკილა და გულფიცხად  
ძივებენ:

— აწმყო წარსულ თაობათა ნაღვაწად ითქმის, მკურნალო. რა ყოფა მოგვინა-  
დირეს იმ კაცებმა?!. უცხო თესლის უღელი, დაბეჩავებული რწმენა და ზნეობა,  
ხორცისა და სულის მჭვარტლით მოფენილი მიწა?! ამაოდ დაშვრნენ ეგ შენი  
მძლენი, ვერ აღგავეს ბოროტება!..

— მისმინე, უფლისწულო! — სიტყვა ჩამომართვა კრონმა, იყუნა და ისევ  
თავჩაქინდრულმა, იმავე აუძღვრეველი და ხავერდოვანი სმითა თქვა: ბოროტება  
მხოლოდითად ვერ ითქმის, სიკეთესთან ერთად უნდა, და ადამიანიც სხვა არაფე-  
რია, ეგ არის. ბოროტება და სიკეთე ყველა კაცში ერთად ბუდობს, განუყოფელია.  
კაცი ერთარსებაა მაგ ორისა. ბოროტების აღგვა სიკეთის აღგვას ნიშნავს და კაც-  
თა მოღვმისაც ამაღ.

— შენ ის გინდა თქვა, რომ ყოველ სიკეთეში ბოროტებაც არის პირუკუ?

მკურნალმა ისევ თავისი მითხრა:

— მამულისთვის წუხილი — სიკეთეა, მაგან გათქმევინა იმ კაცთა აუგი და  
ბოროტება გამოგივიდა; რადგან მძლე ხელყოფელია! ახლა მე ეს გითხარ და ვი-  
ცი, უხერხულად შეიქენ, აღრევამ მოგიცვა; ეგ, ბოროტება და სიკეთე ბრძვიან  
შენში, მაგრამ ბოროტება მუშტივით შეკრულია მარად, ხოლო სიკეთე გათითოკა-  
ცებული და ამაღ ძალგინი, ხანამ თავადაც შეიკვროდეს, სატევრად და თორ-აბჯ-  
რად შენივთდებოდეს.

— აგრეა! — შემცნაურა და კვერი დაუკარი.

...

შიდიოდა ჩარდოგ-ნოინი ნაოხარი საყდრისკენ და მერე როგორ შიდიოდა!..  
ბეჯითად, საგულდაგულოდ, უარყოფილთადმი ნიშნისგებით! ზურგსა და სიარულს  
თუ იმოდენი მჭევრმეტყველება შესწევდა!.. ნოინებს მივხედე — ბელდესა და იჩუს.  
რანაირ თვალებს მიაყოლებდნენ! ეგოდენ აყალყულს, შურიტა და ბოღმით სავსეს  
ადრე არაფერს შევჩრივარ. ისარი არ დააწიონ-მეთქი ჩარდოგს, — ვიფიქრე და  
ახაზდად აზრი მეტაკა, რომ ეს კაცები ჩემი სინდისისა და ღირსების გათელვაში  
ეცილებოდნენ ერთმანეთს: ჩემი ერისა და რჯულის დიაცის სიძვისთვის ქიშპობ-  
დნენ. ყელში სისხლი მომაწვა, ზეზე წამოვიჭერ, რაღაცამ მიბიძგა, ჩარდოგს დაუ-  
წვოდი, თავი წამეგდებინებინა, მაგრამ ნაშიშვლელი დაშნების პრიალი მომხვდა  
თვალში და ისევ ნოინებს გადავხედე: იჩუ ქილიკად შემომცქეროდა, — აბა, გაინ-  
ძერიო! ბელდემ ნუკერებს მზადყოფნა ანიშნა, ზურგიდან შემოვლა დამიპირა.  
ხუკერებმა ნანადირევს ხელი უშვეს, თვალის დახამხამებაში ოცდაათი ლარი დაი-  
ჭიმა, ოცდაათი ისარი შეიძართა. აფთარმა იცის, ლეშზე მიმდგარს ფაჩუნნი რამ  
თუ მიესმა, ლუკმას დააგდებს, ღრჯოლებს დააშიშვლებს, კვეთებისთვის გამზადე-  
ბული დგას... ჩემს მხლებლებს — კარნიფორელი აზნაურები იყვნენ, ორნი, —  
ხუკერთაგან რომელიღაცამ დაუსისინა. ორნივ მიწაზე დასხდნენ, თავები უმწეოდ  
ჩაქინდრეს. ამაების მნახველს აზრი მეწვია, — ეს დიაცი თავისი ნებით სჩადის,  
რასაცა სჩადის და, კიდევ ძალი მეღვას, რად უნდა დავუშალო-მეთქი. ბოღმამ გა-  
ძიარა, გავიცინე, დავჯექ და ყველაფერი კვლავინდებურად რიგზე დადგა. დიაცისა

და წოდების ავ საქმეს ჩემი უსიტყვო, ლაჩრული თანხმობა მიერთო. ახლა ჩვენ ერთნი ვიყავით, მუშტივით შეკრულნი.

ჩარდოგმა ამაყად მოიხედა, ნახარ ეკლესიაში შევიდა.

— ეგ ჩემი ნათქვამის პასუხი არ იყო, კრონო! — აშლილი გუნება ვერ დავიო-  
კმ, ცივად ვუთხარ. — მე ისა ვთქვი, — რანაირი ყოფა დაგვიტოვეს-მეთქი.

— ეს ყოფა ჯერ განგებისგან არის და მერმეთ სადაგთავან.

— სადაგნი ვინლა არიან?

— მვინებელნი ყოველივესი; მხვეჭელნი ნივთთა და ნივთიერ სისარულთა; მიძმევნი მამულისა თვისისა მხოლოდლა წყაროდ საკუთარის დღეკეთილობისა; ჩუბინი თვალისა და გამჭრიახი გონების უქონელნი; საჭირო საკეთებლის ვერ მი-  
ძგებნი და ვითარების მორჩილნი. ერთი სიტყვით, დროის კაკანათში გაბმულნი —  
ძეფენი იქნებიან, მხედართმთავარნი, მერჯულენი თუ ერისკაცნი ვიეთნი, ვინაც  
ცხოვრებას დიდი თუ მცირე ნაწილის წარსამართავ სადავეთა ხელდება უმართე-  
ბულოდ ირგუნა განგებისგან. ამათგან მოდის ავეყოფა და ძნელბედობა, უფლის-  
წულო!

— იმ კაცთაგანაც მოდის ზოგი რამ, ალბათ, მძლეუთაგან — ვინაც განგების-  
გან მართებულად ირგუნა სადავენი, — შევექილიკე კრონს.

— მოდის! — დამიდასტურა მან. — შენი სიამაყე და დგომის ილაჯი მოდის  
მათგან. ცარიელზე არ მოსულხარ, უმტკიცეს საძირკველზე იშვი შენ — კეთილ-  
ნაგები ციხე-გოდოლებითა და ზეგარდმო ნიჭდასმული ერთი გამაგრებული ქვეყა-  
ნა და ღმერთთა სწორ მწიგნობართა და ხელოვანთაგან ქმნილი საუნჯეა ეგ საძირკ-  
ველი; უმოწყალეს ცისა ქვეშე იშვი შენ — ცა იგი დასაბამიდან ნატიფ-ნახვეწი  
ზნეობა და ყოფის წესია, რომელი აღასრულე მხოლოდ და იქნები სრულქმნილი;  
ცა იგი ღმერთის, ერისა და მამულის სატია, ძლიერი მით, რომ ურიცხვი ეთაფვა-  
ნა მას შენამდე და გწამს ამიტომ; შენი მამულის, ხალხის სავალ ბილიკზე იშვი  
შენ — სამარტვილთა და ჯაბანთათვის დაუძლეველია იგი, მაგრამ ღირსეული,  
რადგან ახლავს სატანჯველიცა და სისარულიც ძლევისა. იმ კაცთაგან გაქვს ყო-  
ველი, ამაყი ხარ, რომ გაქვს და სხვა რამ არცა ხარ! აწ და მარადის წყეულ არი-  
ან მარტივნი, რამეთუ წააგეს მონაგები მძლეუთაგან. ეკრძალები წაგებისათვის წყე-  
ვას შთამომავალთაგან და აქედან მოდის შექ ილაჯი დგომისა, არდანებებისა და  
უფრო კი იქიდან, რომ ურყევლად დგომა არის პირობა ქვეყნისა და კაცის ბედ-  
კეთილობისა.

კრონის ნაუბარი დედის რძესთან ერთად მქონდა შენაწოვი, მამაჩემ დიმიტრი-  
საგან და პაპაჩემ ბექასგანაც მრავალჯერ მოსმენილი და, რამდენიცა მყავდა მოძ-  
ღვარი, ვველასგან დაჟინებით და ზეპირად დანასწავლიც. ვიცოდი კი არა, რჯუ-  
ლივით მწამდა, ეჭვი თუ ყოყმანი არაოდეს გამკარებია და, ნეტავი, ამ კაცის სიმა-  
რთლეს რაღად ვეურჩებოდი!.. ეს გავიფიქრე, შეუპოვრობის ვნება მყისვე დამიც-  
ხრა, ნაღვლიანად ვისუმრე:

— ჭეშმარიტი ხარ, კრონო, მაგრამ იმ სულგანათლებულებს, სიამაყისა და  
დგომის ილაჯთან ერთად, მათებრ დიდთა საქმეთა აღსრულების უნარიც დაეტოვე-  
ბინათ, რა იქნებოდა!

— ეგეც დაგიტოვეს, უფლისწულო. აკი გითხარ, ის კაცი ხარ-მეთქი.

გული ამიტოვდა, რადგან ამ ადამიანისა უკვე ვველაფერი მჯეროდა. ანაზღად  
სასოებად მომიცვა, — ნუთუ ჩამომავალთაგან მარადისი კეთილხენება მიწერია-

მეთქი, მაგრამ შეუჩვეველს ნუ მიაჩვევო — მეხამუშა, ოცნება უკუვაგლე და ისევ ხუჭრობას მივმართე:



— მძლეთაგანი ვყოფილვარ და ეგ არის!

— ჯერ არ ხარ. სავალი გიღევს, ხილვა და ფიქრი გელის.

— შე კაი კაცო, ე მაგ უკვდავებისა ან ჩუქება რა იყო, ან წართმევა რა საკადრისია! — სიცილით ვუსაყვედურე, მაგრამ ის სიცილი ყასიდი იყო, გული მართლა ძეტკინა და იმავე წამს წარბშეკვრითა ვკითხე: — საიდან იცი?!

— მკურნალი ვარ-მეთქი, — ჩაილაპარაკა კრონმა, — მოსახდენს ვახდენ. თქვენი მეგზურობა მე მაკისრია, გეზზე მე გაყენებთ ხოლმე.

— ხოლმეო!.. მაგდენი თუ შეგეძლო, სამოცდაათი წელიწადია თათარნი ლისს აქეთა საქართველოში ცხენის ფლოქვითა ხვნიენ და გადაშენებას სთესენ — ბარემ ერთიც დაგეყენებინა გეზზე, მძლე... — მკურნალმა ირიბად გადმომხედა, სიტყვა გამიწყვიტა, მაგრამ თავს ძალა დავატანე, მაინც დავსძინე, — ელოდები, სანამ ბოლოს მოგვიღებენ?!

— თავისი ყავლი აქვს. — კრონმა იყუჩა და თქვა: — ჟამი და ვითარება უნდა დაემთხოს.

— რასა აქვს ყავლი? რას რა უნდა დაემთხოს?

— ყავლი ქვეყნისა და ერის განსაცდელს აქვს, ხოლო ხსნას ჟამი და ვითარება უნდა დაემთხოს. აკი ვთქვი, წყვილიაღში, გათენებისას, სარწყუნისის მიწურულს, სანდასან მირკნის დამდევს მოდის ხოლმე ის კაცი.

— ასე მარად გამოუსყიდველი რა ცოდვები გვაწევს, კრონო, რომ ნადირთა მონობა გვემსჯავრა და ყავლიც უყავლო დაგვედო!

— ძალადობა ან მუხანათობა, გინდ აუცილებლობიდან გამომდინარე იყოს იგი — ბოროტებაა, ცოდვა არის და მისა გამოსყიდვა სახსართა შეწირვით, წმიდა ადგილებში მსხემობითა და პირმოთხე, ფარისევლებრი მონანიებით ვერ ეგების. ცოდვას სიცოცხლეშივე ზღავ — მარტოკაცი ხარ თუ მთელი ერი და მთელი კაცობრიობა. მეტნაკლები ბოროტება ყველაა და ყველაფერშია, ყველა ცოდვილია ცისა ქვეშე, მათთან ქართველნიცა და ვზღავთ ამაღ მონობითა ვზღავთ. გონიერნი — თუ ცხოვრებისგან ნაგვეძნიც არიან ისინი — ადვილად მიაგნებენ ხოლმე, რომელი ბოროტი საქმისთვის უწიათ მსჯავრმა და უღრტვინველად ეწევიან პასუხისგების ქაპანს.

— ზოგი კაცი რომ სიცოცხლეშივე მხოლოდ იღბლიანობითა და ძლევის სინარულით ზღავს, ხოლო გარდაცვალების შემდეგ — დიდებითა და უკვდავებით, ის როგორღაა, მკურნალო?

— ვის გულისხმობ?

დავფიქრდი, რომელი ერთი მეთქვა.

— თუნდ, ჩემს წინაპარს — დავითს, აღმაშენებლად წოდებულს. უცოდველი იყო, ბოროტება არა ჩაუდენია რა?

— ჩაუდენია კიდევ და უუმძიმესი ტანჯვა-წამებითაცა ზღა, სულგანათებულმა.

— რისგან ეწამა? — ღიმილით მივუგე ნიშნი.

— სინანულისგან! დიდსულოვანთა ხვედრია: ოდეს ირწმუნებენ, რომ მათი მავანი საქციელი ბოროტება იყო — გინდ უნებლიე ან აუცილებელი საჭიროების გამო ჩადენილი — სინანული შეუჩნდებათ ხოლმე და მყოვარჟამ ითრგუნვის სული მათი. უუმძიმესი საზღაურით ზღვენ მძლენი — სინანულით! ხოლო მძლეთა წარმატებულობა წვლილვით განჭვრეტის, ჭეშმარიტთა მიზეზთა მიგნებისა და მართებული ქმედების უნარით აიხსნება, რაიც სინანულის ზეგარდმო ნიჭიდან მოდის და არა მხოლოდღა იღბლიანობიდან.



— სსვაფრივაც განმარტე, კრონო.

— ჩაღენილის გამო სინანულით შეპყრობილი კაცი სხვა დანაშაულს და მისი სხვა ახალი სინანულით წამებას უფრთხის. მაშინ მოძავალ საქმნელს რუდუნებით განჭვრეტს იგი, მართებულად აღასრულებს და ყოველი ნაქმნარი მისი საკაცობრიო სიკეთის შარავანდელით იქნება მოსილი.

— განგებას გამჭრიასი გონება თუ არ მიუცია მისთვის?

— სინანულის უნარი თანდაყოლილი გონიერებიდან მოდის და მერმეთ თვითვე ამასვილებს გონებას, დიდთა და კეთილთა საქმეთა აღსრულებად წარმართავს მას. გონებაბრჯგუთათვის სინანული მიუწვდომელია და იღბლიანობაც, რაშეთუ მხოლოდ მაღალი ადამიანური ღირსებებით მაღლფენილს ეთქმის იღბლიანი კაცი.

ჩარლოგი ძალევე გამოვიდა ეკლესიიდან — ისე ძალე, რომ ეჭვი შეგებარა, — ასე უცხად განა რა უნდა მოესწრო-მეთქი. ზანტად, უხალისოდ, წუთისოფლის სიმუნთლით გატანჯული კაცივით მოდიოდა. გზად წყაროსკენ გადაუხვია, წყურვილი ძოიკლა და სუფრისკენ გამოსწია. იჩუს თავი ისე ეჭირა, ვითომ არც წასვლა შეეძნისოს ჩარლოგისა და არც გამობრუნება. ბელდე ცმუტავდა, სახეზე გმობის დიძილი უთამაშებდა, თვალს სან იჩუს მიაპყრობდა, სან მე — გუნების მოდასტურესა და თანამოაზრეს ეძებდა. ასე მგონია რომ დასცლოდა, ჩარლოგს უსათუოდ უსაყვედურებდა, — ეგ რა ჩაიღინე, რა საქციელი იყო. არ დასცალდა, ეკლესიიდან ქალის ხმა მოისმა:

— ახლა ეგ წამოვიდეს, ფიცარივით პირისასე რომ აქვს, შუათანა!

იჩუ ისევე ისე იჯდა, შეექცეოდა, ცნობისმოყვარეობა არაფრის გაუმფლავნებია. ბელდე გაფაციცდა, პირლია შემომაჩერდა. — მითარგმნე, რა დაიძახაო. თქმას ვაპირებდი, მაგრამ ამასობაში ჩარლოგი სუფრას შემოუცუცქდა და თათრულად სიტყვა-სიტყვით გადმოსცა ღიაცის დანაბარებიცა და ძახილით განმეორებულდც. ბელდეს არც ღიაცის შეურაცხყოფელი კილო მოსწვდომია, არცარა ფიცარი გაუგონია — სასე ანაზღად დაუმძიმდა, გაინაბა, თითქოს, მიაყურა რასმეო. მერე ხელები გადაიფშენიტა, თითებს ტკაცა-ტკუცი გააღებინა, ზეზე აჯგა და ეკლესიისკენ გასწია. სწორედ ისე მიდიოდა, როგორც ჩარლოგი — ბეჯითად, საგულდაგულოდ... გავიფიქრე, — ნეტა თუ ესაც ჩარლოგივით მოღუნულ-მოკაკული გამოტრიალდება-მეთქი.

— არ იცის... — ცალი ყბითა თქვა ჩარლოგმა.

იჩუმ წაუყრუა.

ვინმეს სომ უნდა აება შხარი? ის იყო, საუბარში ჩარევა დავაპირე, რომ ჩარლოგმა თავადვე დასძინა:

— ...იმ ღიაცმა, — თავი ნაოსნარი საფდრისკენ წაიქნია. — ქალის საქმე არ იცის. მორივით იღო, გამოტეილი.

იჩუმ თავი აიღო, შესცინა და ჰკითხა:

— იღო?

— თევზივით უნდა ფართხალებდეს! — წარბშეკვრით მიუგო ჩარლოგმა.

— რამე გეჩუქებინა... წინდაწინ, — უთხრა იჩუმ და შვლის ნეკნებს აუტეხა კრაწაკრუწი.

— არ აიღო, — მიუგო ჩარლოგმა. — არ მინდაო.

— აგრე ზოგანო და, — არ მინდაო?! — გაუკვირდა იჩუს. — რაო?

— არ აიღო! — გაიმეორა ჩარლოგმა, — როცა გადაკრული არყისგან ღრევას მორჩა, ხელი უბეში შეიყო, ქისა გამოიღო, გვაჩვენა და ისევე შეინახა.

იხუმ თავი გადაიქნია.

მე იმან ამიტაცა, — რატომ არ უნდა აელო-მეთქი. ქისაში იმდენი ეყარა, ერთ გადაბუკულ გლეს ფეხზე დააყენებდა და თავზეც გადაუვიდოდა. ვნებისა და წყურვილის გამო სჩადიოდა? აოხრებული კი იყო ის ადგილები, მაგრამ არც იმდენად, რომ ერთ კოსტა დიაცს ძამაკაცის პოვნა აგრე გასჭირვებოდა. ქირა ითაკილა? საქვეყნოდ მეძავობა რომ არ ეთაკილებოდა!.. ერთი სიტყვით, ათასნაირად გავსინჯე ის საქმე, საიდან აღარ შემოვუარე და მაინც ვერაფერს მივწვდი. ცნობისმოყვარეობამ ამაფორიაქა. დაბადებითვე სიკვდილამდე ეგეთი ვიყავ, ვერ მოვისვენებდი, სანამ იგავს ფეხს არ მივუგნებდი. ამის ფიქრში გართულს მომეჩვენა, რომ ის გოროთა მეწვია. წელიწადი იყო არ მენახა, იქნებ მეტიც. ვითომ თავს წამომადგა, ზურგიდან დამცქეროდა. გადავწვდი, მუგუზალს დავავლე ხელი... არავინ ჩანდა, ან იქნებ, როგორც სჩვევოდა — განქარდა, გაქრა და აღარ იყო? მუგუზალი ცეცხლშივე ჩაუბრუნე. გოროთა ჰქვია, ტანკენარია და მიმგზნები. შემოტმასნული, ოქროით დაწინწკლული შავი კაბა აცვია, შავი ხელთათმანები აქვს, სვავის ნისკარტივით მოხრილ თითებს აფუთფუთებს, თავისი მიმზიდველი სხეულითა და ვნებიანი თვალებით კაცს საითღაც, რაღაცაზე ეძახის. ეს გოროთა ყრმობითვე ამყვა, სამარის კარამდე მდია, ვერა და ვერ წამიტყუა. როცა სინძარში მოსულა, მუდამ ერთი და იგივე ხდებოდა: შევლიმბდი, ვეტაკებოდი, ნადირივითა ვბუზნავდი... ნეტარებაზე მიტანებულს მკლავებიდან როგორღაც დამისხლტებოდა, შორიასლოდან ნიშნისმოგებით გამიცინებდა და გაქრებოდა, არარაობად იქცეოდა ხოლმე, ვითომ არც როდისა ყოფილა. საკვირველია, ბავშვობიდანვე მეომრად ნაწვართს, ნადგურისცემად აღმდგარი ათბევრობით\* ძამაკაცის ნამოქმედარი, ვინ იცის, რამდენგზის მინახავს, თავადაც მიკლავს, სიცოცხლე ფეხით მითელია და სიცოცხლის უარყოფის სიმბოლოდ დედაკაცი რამა და რატომ ამაკვიატა, ნეტავ!.. წუთისოფელი ისე გავლიე, სარწმუნოდ ვერ მივაგენი, როდის, რის გამო, ან რაის მომასწავებლად მეცხადებოდა გოროთა. არც როდის რამ დაუტოვებია, გარდა ჟინმოუკლაობის უსიამო განცდისა, ხორციელი ძალადობის გამო სინანულისა, ყოველგზისი აღთქმისა, რომ ვერღა მიმიგზნებდა და იმის გამო სინდისის ქენჯნისა, რომ იმ აღთქმებს ერთხელაც ვერ ვუერთგულე. სინანულს მიტოვებდა, სხვას არაფერს და ამისთვის მოდიოდა, იქნებ, მაგრამ ეს ის სინანული არ იყო, კრონმა რომ ილაპარაკა, სხვაგვარი რამ იყო.

...

— სინანულზე შენი ნაუბარი მართალი ჩანს, კრონო, — დავუდასტურე, როცა გოროთაზე ფიქრს მოვრჩი. — ერთი დაკვირვება მაქვს: არიან კაცნი, ვინაც სხვათა ღმერთს ირწმენენ, სხვა ხელმწიფის სამსახურში ღვებიან, იქ მხედართუფრობით ან ნაზირ-ვეზირობით აღზევდებიან, ბრძენისა თუ გმირის სახელს მოიხვეჭენ და განცხრობით სუფევენ. ამათ მისაღწევი მიზან-საწადელი წინ, თითქოს, აღარც რამ უძევთ, მაგრამ მაინც ერთთავად წუხან და შფოთვენ, სამშობლოსკენ იყურებიან და ბოლოს უმრავლესობა მაინც თავის მამულსა და რჯულს უბრუნდება. აქ ერისკაცობაში თუ მონაზვნობაში უღრმესი სევდის თანხლებით ლევენ წუთისოფელს იმისდა მსასობელნი, რომ წინაპართა მიწასა და მამა-პაპის საძვალეში დაეფლვიან. ასე მეონია, ის დამთრგუნველი სევდა არა მარტო დიდების გარდასვლის გამო შემოდგომილი კაეშანია, არამედ სინანულიც, რომ მხნეობა, გონების სიცინ-

\* ბევრი — ათი ათასი (ათბევრობით — ათი ათასობით).



ცხლე და ყოველი ნიჭი თვისი, უცხო თესლისთვის წააგეს. ასაკითა და გამოცდილებით არის სინანული და არა განგებისგან თანდაყოლილი.

— უფლისწულო, სინანული მაგ კაცთა იმის მისხვედრისგან არის, რომ მარტივად აძიანებად იშვნენ, და არა იმ ბოროტებათა აღიარებისგან, რაიც მათ წარსულში ხებით თუ უნებლიეთ ჩაუდენიათ. ეგ კაცები — „დიდსა ვერ მოჰკლვენ, ხელად აქვთ სოცვა ნადირთა მცირეთა“ — და ჰკონებენ კი, რომ გოლიათებს ერკინებიან. ჭარბაგობასა თუ სიბერეს მიწეულთ. თუმც მცირე ნადირთან კინკლაობაში, მაგრამ მაინც უგროვდებათ იმდენი გამოცდილება და განსჯის უნარი, რომ დიდთა საქმეთა ყადრსა და მათი აღსრულების ბუნებას მისწვდნენ. ეგ არის, უნარი ქმნისა არც დაბადებით ჰქონიათ და მისრწნილებაში რაღა გაუჩნდა?! მათი ცხოვრება იმ კაცისას ჰგავს, ვინაც წუთისოფელი საფასეთა ხვეჭას გადააგდო, ჰკონებდა, რომ დიდ საქმეს მსახურებდა, უძირფესობა, მარტოკაცობა ირჩია ამაღ, სიკვდილის პირას აღურაცხელი საჭურჭლე შერჩა ხელთ, მაგრამ ვერცა რა გლახაკთა და ბოგანოთათვის მისაცემად გაიმეტა, რადგან უანგაროდ გაცემის უნარი განგებისგან ნაბოძები არ ჰქონია, და ვერც თავისთვის ირგო, რამეთუ დაჩაჩანაკებულს ხმელა პურის მეტი აღარა სჭირდებოდა რა. მარტივნი არიან ეგ კაცნი. მათი ხვედრი მხოლოდღა სინანულია და არა მისგან გამომდინარე სწორი საქციელი, ხოლო დაგროვებული გამოცდილება თუ საჭურჭლე გვამთა მათთაებრ მიწაში ჰპოვებს ხოლმე აბეზარ პატრონთაგან მოსვენებას. მაგ კაცთაგან ზოგის გმირობას რაიც შეეხება... თვით სიტყვა — გმირი, ის სიტყვა აღარ არის, რომელი პირველითგან იყო. გეცოდინება უთუოდ... ვით განგიმარტეს მოძღვართ პირველქმნილი და დღეისჟამიერი არსი მაგ სიტყვისა, უფლისწულო?

ვიცოდი. ღრამატიკოსი მყავდა. უაბენის მონასტრიდან, დროთა დინების გამო სიტყვათა არსისა და მნიშვნელობის ცვალებადობას საგანგებოდ მასწავლიდა. ყრმა ვიყავ, ის ჩხიბვა-მიგნება კარგი სათრეველი იყო. მესსიერებამ ნავარჯიშევიც ბოლომდე შეძინარჩუნა და თვით ვარჯიშმა ჭია შემიჩინა — ამ საქმით მერეც ხშირად ვერთობოდი ხოლმე.

— მაგ სიტყვის ფესვი გმირვა, განგმირვის ქმნაა. ძლევითა და განგმირვით საბელმობვეჭილ კაცს — მგმირს ეტყოდნენ. მერე ეგ მანი თქმისა სიძნელის გამო დაიხთქა, სიტყვამ ქმედების ნიშანი დაკარგა, გმირიღა დარჩა და დღეისჟამობით ბრძოლებსა და ომებში წარმატებულ კაცთა საწოდებელ სახელად იქცა. სწორად ვითხარ?

მკურნალმა ცეცხლს უყურა, მუგუზლები მიასწორ-მოასწორა და მითხრა:

— სწორი იყო, მაგრამ წიაღში ჩაუწვდომელი. პირველითგან საკაცობრიო ბოროტების მბრძოლსა და დამთრგუნველს ეთქმოდა მგმირი, მიუხედავად იმისა, რჯულისმდებლობით იღვწოდა ამისთვის, მშვენიერებათა ქმნით, თუ მსხვერპლად მისვლით. მგმირი იმ კაცს ეწოდა, ვინაც ურჩხული განგმირა და ერი მოშთობისგან იხსნა. ზოგადი შემუსრა და არა კერძო, შედეგებს კი არ მისდგომია, პირველ-მიზეზს მიაგნო და საქმნელი აღასრულა.

— მაგისტანა კაცზე პაპაჩემი ბექა ასე იტყოდა ხოლმე, — ოქროს კვერცხი დადო!

— როგორ კაცზე იტყოდა ხოლმე? — მომეჩვენა, რომ გაიგო, როგორ კაცსაც გულისხმობდა ბექა, მაგრამ მისხვედრა მაინც შეამოწმა.

— პირველმიზეზის დამდგენზე.

კრონი დაფიქრდა და თქვა:

— მაგ კვერცხს ოქროსი მხოლოდ მაშინ ეთქმის, თუ დაძლევის საშუალებაც გამოიჩიეკება იქიდან.

ბელდე ეკლესიიდან გამოვიდა.

იხუმ ათიოდ ნაბიჯზე მოახლოება დააცადა, ზეზე აღვა, ღელესკენ წავიდა. ბელდე შედგა, მიმავალს თვალი გააყოლა და როცა მისი განზრახვისა ვერაფერს მიხვდა, მიაძახა, — საით წახველ, დიაცი გელოდებო! — იხუს არ მოუხვდია, ხელით ანიშნა, — არა მწადია, არ წავალო, და თავქვე დაეშვა.

ბელდე მოვიდა, სუფრას შემოუჯდა. სამთავე ვლუმდით. მე ისევ დიაციის საქციელზე ვფიქრობდი და ვერაფრით დამედგინა, რასა და რისთვის სჩალიოდა.

ხუკერებს მოვაველე თვალი. ამათ ფიქრისა საერთოდ არაფერი იცოდნენ, ერთხელ დადგენილი ადათებითა და უფროსთა ბრძანებებით ცხოვრობდნენ, სხვა არა ესაქმებოდათ რა, მაგრამ ამათაც კი რაღაც ფორიაქი შესდგომოდათ, ერთმანეთზე გაჯავრებულებივით სხვადასხვა მხარეს იყურებოდნენ.

იხუ დაბრუნდა, შემოგვიერთდა, ჩარდოგს და მერე ბელდეს თითო გამკილავი თვალი აძგერა, სახეში ღვარძლიანად შესცინა. ნოინეშმა წაყრუება არჩიეს. ბელდემ ისევ უთხრა, — რატომ არ მიდიხარ, გელოდებო.

— ჩემი წინაპარი თქვენი წინაპრის ნახმარ უნაგირზე შეჯდებოდა?! — თვალეზი დაუბრიალა იხუმ ორთავეს და ბელდეს უთხრა: — პაპაშენმა ცხენი პაპაჩემის ჯოღბორდობაში იშოვნა, დაგავიწყდა? — იყუჩა, გონს მოსვლა დააცადა ბელდეს და უკვე სახეაღწილს, წამოსაფეთქებლად გამზადებულს, მშვიდად, მოძღვრის ღირსებით მიაგება: — ეგ — არაფერი, წახული საქმეა. მაგ კახას რაღაც უღევს გულში. როცა მონას ან მტერს რაღაც უნდა და შენ კი არ გესმის, რა უნდა — უკუღმა უნდა მოიქცე. ესაც დაგავიწყდათ, თუ ჩინგიზის წესები აღარ გეპრიანებათ?!

ავდექი, ეკლესიისკენ გავეწიე. ნოინების გადალაპარაკება დამეწია. ყურადღება არ მიმიქცევია, შევედი.

საყდარს გუმბათი მორღვეული ჰქონდა. წვიმასა და ქარს მოხატულობა ბათქაშიანად ჩამოეღო. ვიდაცებს ფილაქანიც კი ერთიანად აყვარათ და, ესაც არაფერი, აკლდაძები აძოეფორიაქებინათ, ძვლები და თავის ქალები იყო მიძოფანტული. ეკვდერში გასასვლელი თალი დავინახე. მივხვდი, დიაცი იქ უნდა ყოფილიყო. ძივედი, კრეტსაბმელი ოღნავ გადავწიე, შევიხედე. კარგა ხანს ვიყურე, სანამ თვალი ბინდს მიეჩვეოდა და რასმე გავარჩევდი.

საწოლივით რამ ჰქონდა მოწყობილი. ზედ ნაბადი თუ შავი ქეჩა ეფინა და მუთაქაც იღო. დიაცი ზურგით იჯდა, თმას ივარცხნიდა. აქეთა კუთხეში ხედლი შეშა ხრჩოლავდა, კვამლი სარკმლისკენ მიიპარებოდა. დავიხარე, ზღურბლს გადავცდი, ქალს თავზე წავადექი. ამოიხედა, შეკრთა, ზეზე წამოიჭრა და სასთუმალთან კედელს აეკრა. ერთი კიდევ შემომხედა, მუთაქის ქვეშიდან ვეება წაღდა გამოაცურა, შემართა, კარგა ხანს მიყურა და ავი ჩურჩულით მითხრა:

— წადი, გამეცალე!.. დაიკარგე აქედან! — შეშლილის თვალეზი ჰქონდა.

იმდენად ჭეშმარიტი იყო მისი სიტყვაცა და წაღდის მოღერებაც, რომ განცვიფრება ვერ მოვასწარი, გონება მყისვე სწორი საქციელის, გამოსავლის ძებნას ეცა და ვიაზრე, სიმშვიდის მეტი ვერაფერი გასჭრიდა. ტახტზე ჩამოვჯექი. დიაცს შევხედე, ცოტა სევდიანი, დაფიქრებული თვალეზი ვაჩვენე. მერე გულხელი დავიკრიფე, ზურგით კედელს მივეხედე. ერთხანს ცეცხლში ვიყურე. ისევ დიაცს ავხედე.

კვლავინდებურად წაღდშემართული იღვა და ვთქვი:

— ის, მესამე თათარი რატომ არ მოვიდა, იცი? — დავაცადე, იქნებ, საუბარში შემომყვეს-მეთქი. არ შემომყვა, ჯავრიან, მძულვარე თვალეზს მიბრიალებდა.

მაშინღა ღაღინე: — იმ ორს უთხრა, — ჩემი წინაპარი თქვენი წინაპრის ნახმარ უნაგირზე შეჯდებოდაო?!

ღიაცი დაფიქრდა. ანაზღად სხვანაირმა შფოთმა გადაუძაგრა სასუ. წალდი ღაღინე, ძალიან დაწვრილებით დამათვალიერა და საითაღაც წაიღო მზერა, ვერ გაიგებდი — საით.

კარგი, თითქოს, მივახვედრე, რომ სიძვისთვის არ ვიყავ მისული, მაგრამ ვერ იყო, იმთავითვე თათრები მამჯობინა და ახლა ასე მტკიცედ რომ უარმყო, ვითომ რაო, იმ ნოინებს აღარ ვჯობდი?! ჭაბუკი ვიყავ, წალდი დაშვებული იყო და შეურაცხყოფამ ამიტანა, წამოდუღებულზე, იქნებ, კიდევაც მეტქვა ან მექნა რაიმე, მაგრამ თავად დამასწრო — ისევ მომიღერა წალდი და დამკვილა:

— გასწი, გამეცალე!.. წალდი, შენი გზა ნახე!

ისეთი პირგამეხებული იყო, არას დამიღვედა, მეცემოდა, პანღურის ცეპით გამაგლებდა და, კაცნი ვართ, იქნებ, მართლაც ეხმარა ის წალდი. ეგ არის, ამ აშლილი გუნების რომელიღაცა კუნჭულიდან ქალური ნაწყენობაც მოიხმა და ამან მტკიცა იმელი. თვალი თვალში გაუყარე. ერთმანეთს ვუცქირეთ. არა და არ გამა-რიღა მზერა. მეც პირზე რაც მომადგა, ისა ვთქვი:

— ვინა ხარ?

ღიაცი გაფაციცდა, დამაცქერდა, დამაცქერდა. ღიმილივით მანჭი რამ მოეფინა სახეზე და თავისთვის ჩაილაპარაკა:

— ესა... ესა ჭკუის სასწავლებლად თუა მოსული აქა! — ძალიან აგლებულად შეშოძცინა, ისევ შეჰკრა წარბი და მითხრა: — აღე, წაეთრიე, მე თავად ვიცი ჩემი საჭმისა!

ვეღარ მოვითმინე, წამოვიჭერ, მარჯვენა, ვითომ, ლოყაში სატკლევად გაუუქნიე. თვალები უნებლიეთ დახუჭა, მაგრამ წალდი მაინც შემართა, ჩამომიქნია კიდეც... მარცხენა ხელი მაჯაში ვუტაცე, გადავუგრიხე, ვატკინე. წალდმა ფილაქანზე ღაღინა რაცვანი. თმაში ხელი ვტაცე, დაწვიე — დაიდრიკა. მაშინ წელზე მკლავი შემოვაფლე, იღლიაში თავუკულმა ამოვიჩარე... ღავიბენი, — ეხლა რაღა ძოვიძოქმედო-მეთქი!.. კოხტა თეძოები მომხვდა თვალში და გავაზე სილაქები დავცხე. გამეტებითა ვცემდი. ხმადაბლა კიოდა. შერე კივილს მოეშვა. მე მაინცა ვცემდი და გულიანი სიცილი შემომესმა. გავინაბე, — ნეტა თუ მართლა იცინის-მეთქი! მართლა იცინოდა. დავეხსენი. საწოლზე ჩამოჯდა, იმოდენი იცინა, რომ ჩაბჟირდა. მეც მივუჯექი. მაშინ სიცილს მორჩა, გაფაციცებული თვალი შემავლო, ისევ გაიღიმა და თავისთვის თქვა:

— ბაღღობის მერე ეგრე აღარავის გუცემივარ! — ჩაიცინა, მაგრამ სევლით სინანულით, ვითომ სასჯელი კი არა, თავისი თოჯინები გახსენებოდეს.

განაბული იჯდა, მუგუზლებს ჩასჩერებოდა. ცრემლი მოაწვა, ერთი მოწყდა კოდეც, ღაწვი ჩამოირბინა, კალთაში ჩაიკარგა.

— ბაღღობის მერეცა გცემდნენ ხოლმე? — გუნების მოსაბრუნებლად გავე-სუძრე.

— მცემდნენ. თუ გიყვარს და ფიქრი იცი — გცემენ. — თავჩაქინდრულმა მითხრა და მომეჩვენა, რომ ხმა იმ აფორიაქებულ სამარეებიდან იყო.

— სიყვარული თუ არა გაქვს და არც ფიქრი იცი, მაშინ იმთავითვე თვით განგებისგან ხარ ნაცემ-ნაბეგვი. რომელი სჯობს? — მივუგე მე.

ქალმა გაკვირვებით შემომხვდა — პირველად, რაც მოვედი, მას მერე და ისევ ჩაქინდრა თავი.

ისევ ვღუძლით.



გარედან შვლის სორცს მიძალეებული ნუკერების სმამალალი ლაპარაკი იხმოდა. ამ დიაცის მიმართ სიბრალულის შეტი აღარა მქონდა რა, ნუგეშისცემა მეწა-  
და, რით — არ ვიცოდი და ბოლოს ესა ვთქვი:

— ეგ ვერაფერი სადარღებელია. ქართველები ყველა ეგრე ვართ! რაც განგე-  
ბამ მიწაზე ჩვენი მოსვლა ინება, მას აქეთ სულ გვცემენ... ხან ვინა და ხან რო-  
გორ.

ქართველი მამაკაცები სულით, გონებითა და სორციტაც დაუძღურებული  
ხართ და ამიტომ ჩვენცა გვგვემენ — დედაკაცებს. ამ მიწაზე სიცოცხლე ქალის  
ძეძონახულია და ერს თუ რამ ძლევაძმოსილება შემორჩა — ჩვენგან მოდის. თქვენ  
საკუთარი უმწეობის სამართლებლად მოიგონეთ, — მარად გვგვემენ და მარად  
ვართო, ხოლო მგვემელნი ერთხანს გვგვემენ და მხოლოდღა ერთხანს არსებობე-  
ხო. საუკუნე სრულდება, თქვენი გამარჯვება აღარავის უნახავს. აგერ, იმ ნადირ-  
თა მსახურებაში ეჯიბრებით ერთმანეთს.

ელდა მეცა, ჩახშულ გონებაში ფიქრი დამიტრიალდა, — ეს ქალი მდაბიოთა-  
განი არ უნდა იყოს-მეთქი!

— ჩვენი გამარჯვებაც აღარავის უნახავს?! — უაზროდ, უნებლიეთ ვთქვი.

სმა კარგა ხანს აღარ ამოგვიღია. დიაცმა შემომხედა... დიაცი-მეთქი, ვამბობ  
და ახლაც შეუხერხულება ამ სიტყვისა. რაღაც უცნობი, იდუმალი ღირსებით მე-  
ძალებოდა ის ქალი... ვერც მანდილოსნად ვიტყვოდი, წინარე საქციელისა გამო,  
თუმც კი, თითქმის დარწმუნებული ვიყავი, რომ ის საქციელი თავის საკუთარ  
ღიბოზე იდგა, გამართლება თუ არა, რამენაირი ახსნა მაინც ექნებოდა... შემომ-  
ხედა-მეთქი! შემომხედა და ანდამატის ძალით იგრძნო, რომ წარმოშობას მივუსვ-  
დი. ისიც ხომ იცოდა, მეც კეთილშობილთაგანი ვიყავ — ნოინების ამფსონი. თავი  
კვლავ დახარა. ფიქრს მიეცა. ის ფიქრი, ალბათ, იმისი იყო — ისევ მდაბიორი სა-  
ხიობა თუ აღარ დაემალა და სიტყვითა და საქციელით დაედასტურებინა ჩემი ექვი...

უცბად მომიბრუნდა და ცივად, ქალბატონებრ მითხრა:

— შენ იმის ცნობისწადილი გაქვს, ვინა ვარ?.. იმ სამოცდაერთი ქვაბლელის  
გვარისა და მოდგმისა ვარ, ერთად რომ მოაშთობინა ყაენმა. ახლა წადი.

მაშინ — უფლისწული, შემდგომში — სამარემდე გვირგვინოსანი, ბრძანების  
მოსძენას არც ნაჩვევი ვიყავ და ვერც ვინ შემომხედავდა, მაგრამ ამ ქალის მიერ  
თავისი მოდგმის ხსენებაში, თვით თქმის კილოშიც იმოდენმა ნებამ და ძლიერე-  
ბამ დაიყლერა, რომ მართლაც ზეზე წამოვარდნა და გაცლა დავაპირე, მაგრამ მუხ-  
ლმა მიმტყუნა, ვერ ავდექი.

თავს მალე დავეუფლე — ელდის, განცვიფრების, სისარულისა და შიშის მყი-  
სიერ დაძლევისათვის ყრმობითვე საგანგებო ნაწვართობა მქონდა. ეგ არის, გონს  
ძოსულმაც ვერაფრით შევათავსე იმ ღირსეული სამოცდაერთი მამულიშვილის  
ძონაძებნივე სიკვდილი და ერთი მათგანის ნაშიერის საქციელი აქ, ნაოსნარ ეკ-  
ლესიაში. დახოცილი ქვაბლელებისა ყველაფერი ვიცოდი, ამ ქალისა — არაფერი.  
იმიტომ შეველ, რომ გამოცანამ შემაწუხა, ხელცარიელი ვერ გამოვიდოდა და  
ახანდელ ვკითხე:

— უღრეკობით, მსხვერპლთა და უპირველეს კი სპეტაკი ზნეობით აღწევდა  
და განდიდდა თქვენი გვარი. აქ?.. ეს! — ხელი ნოინებისკენ გავიქნიე, საწოლს  
დავხედე და დავსძინე: — მერე და... ეკლესიაში?!

— შენ რისთვისა ხარ მაგათთან? — მოულოდნელად მკითხა.

არ აეჩქარებულვარ, მოვიფიქრე და ისე მივუგე:

— ალბათ, იმ წათვის, რომ ძალაუფლება ვიპყრა, მაგათი აღგვის გზებს მივაგ-  
ხო, დრო ვიხელთო, შევება და ვძლიო.

— მაკ მიზანს ამოფარებულ მედროვეს უფრო ჰგავხარ. იქნებ, იმ იშვიათთა-  
ნიც იყო, ვინ მაგათთან მაგათივე მოსპობისთვის არის, მაგრამ მაინც ჩემხავით  
მრუში ხარ. ეგ არის, მე ჯერ ვეძებე, ვიპოვნე, პირადი ყველაფერი დაეთმე, ყოვე-  
ლივე უარყავ, მათ შორის — რწმენა და ღმერთის შიშიც, და ვმრუშობ, ხოლო  
შენ საკუთარი ვერაფერი გაიმეტე და მეძავობ, ვითომდა იმისთვის, რომ ვძებ და  
პოვნა გსურს. ჩემი მრუშება მსხვერპლი და წინასწარ განზრახული პირუტყვისელი  
საქციელია; შენი — ანგარებაა, რადგან, თუ გზას მიაგენ და დრო იხელთე, იქ-  
ნებ, ეკვეთო, იქნებ — არა, და უჭირველად ცხოვრება ხომ ორსავე შემთხვევაში  
შეგრჩება.

— ვერაფერი გავიგე, რას მიაგენ... რისთვის იქმ?..

კედლისკენ გაიწია, გულხელი დაიკრიფა, ამხედ-დამხედა, თვალი გამისწორა.  
მიყურებდა და, სახარებაზე დავიფიცებ, იმასა ფიქრობდა, — კიდევ რომ განვუმა-  
რტო, გაიგებს რასმე თუ არაო?

— ცხვირისა გაგეგება რამე? — წარბშეკვრითა მკითხა და ვერ მივხვდი, ხუ-  
ძრობდა თუ არა.

— ცხვირისა? — შევხედე და მივხვდი, რომ ხელი არ იყო, მაგრამ აკვიატე-  
ბის სენი ნამდვილად ჰქონდა.

— იცი, როგორი ცხვირი ჰქონდა მონგოლთა უმრავლესობას ამ სამოცდაათი  
წლის წინ, როცა საქართველოში პირველად გამოჩნდნენ? — მოაზრება დამაცადა.

მე ის ვიაზრე, რომ ცხვირებზე საუბარში უნდა შევეყოლოდი და მივუგე:

— არც როგორი. ორი ნასვრეტი ჰქონდათ დაწვებშუა სიბრტყეზე. ეგ იყო  
მაგათი ცხვირი.

— ისიც გეცოდინება, ჩინგიზ ყაენმა ანბანის სწავლა რომ უბრძანა თავის  
შვილთა და ქვეშევრდომთაგან უგონიერესთ...

— ეგეც ვიცი, — სიტყვა ჩამოვართვი. — საამისოდ მოწვეულმა სწავლულებმა  
დიდი გარჯის შემდეგ ჩინგიზს მოახსენეს: ანბანს ცხოველი ვერ დაისწავლის, ხო-  
ლო რაიცა მოთვინიერებასა და გაწვრთნას შეეხება, შენ ეგ საქმე ჩვენზე უკეთ  
გავიკეთებიაო.

— ცხვირები არა ჰქონდათ, ნადირები იყვნენ და იმიტომ ვერ ისწავლეს, —  
ჩაურთო ქალმა.

— მართლაც, ნადირებრ მძვინვარენი არიან, რიცხვით ჩვენზე ასჯერ უმეტეს-  
ნი, აკი დაგვჯაბნეს და დაგვიძონეს კიდევ და მორჩილების, შესაფერი დროის ლო-  
დინისა და ღვთის სასოების მეტი რა გზა არის?! — თავად მე ასე არა ვფიქრობდი,  
— ვალაპარაკო-მეთქი, ამისთვისა ვთქვი.

— ის, მესამე ნოინი რატომ არ შესტუმრა, მაგისი გაგეგება რამე? — მკითხა  
ქალმა და თავადვე ამიხსნა: — ცხვირის მაგვარი რამ აქვს, გაადამიანებზეკენ  
არის მიდრეკილი. მხეცთან ყოველივე ამაოა. ადამიანისა ყმობაც უპრიანია და ბა-  
ტონობაც. დრო მინდა ვიხელთო, — ამბობ. ის დრო ვერ დადგება, სანამ მონგო-  
ლთა შორის უცხვირონი ჭარბობენ. ამას სხვაზე ადრე მეფე დიმიტრი თავდადე-  
ბულმა მიაგნო. ამისთვის დაისვა თანამეცხედრედ სორღალ. უფლისწულნი ბადურ  
და იედგარ ცხვირიანები იშვნენ!

თავზარი დაქეცა, — სადამდე შეიძლება მიიყვანოს-მეთქი ადამიანი გასაჭირმა  
და გამოსავლის უსასრულო ძებნამ, მაგრამ ეს მხოლოდ წამიერი იყო, სიცილმა  
დამრია ხელი და სამასხროდ ვკითხე:

— მაგათ იმისთვის დაუწეე, რომ ცხვირიანი მონგოლი გააჩინო?

ნათლად დავინახე, ქალმა შიგნიდან იფეთქა, მაგრამ თავს დაეუფლა და მშვი-  
დად მითხრა:



— სწორედ აგრეთ, თუ ქართველად აღიზარდა, მონგოლთა მიმართ მათსავეთ  
 მხეცი იქნება. თუ მონგოლად — ცხვირი დაუშლის ქართველთა მიმართ მონგოლურ  
 მხეცობას. ქართველისგან რომ გავაჩინო, შენსავით გონებაჩლუნგი და მეძავი იქ-  
 ხება, ხოლო მე მეძავი ვარ თუ არა, ამის პასუხი თავად იპოვნე, ახლა წადი და  
 შენს ბატონებთან არ გამცე!

უსიტყვოდ ავდექ, მიუტრიალდა, ეკვდერიდან გაველ, აკლდამებს გავცდი, უკ-  
 ვე საყდრის კარს ვიყავ მიტანებულა — რა მეტაკა, რა მეცა, არ ვიცი — მივბრუ-  
 ხლი, ისევ ეკვდერში შეველ და ქალს ვემგერე...

დიდ ხანს მებრძოლა, არა მნებდებოდა. დაიღალა, გული ამოვარდნაზე ჰქონ-  
 და და მაინც ვერაფერს ვუხერხებდი. აბუჩად შემომცქეროდა, მზერა გავარიდე.  
 მერე თვალებიც დავსუჭე — იმ გამკილაფი ღიმილის ყურება აღარ შემეძლო. კარგა  
 ხანი გავიდა, ვერა და ვერ დავიმორჩილე. როცა ქანცი უკვე გამოლევაზე მქონდა,  
 ის ფიქრი მეწვია, რომ საერთოდ დავსხნოდი, მაგრამ მივხვდი, სწორედ ამას  
 ელოდებიან ხოლმე დიაცება, როცა დანებება არ უნდათ. ამან გამაღიზიანა და  
 უფრო კი იმან, რომ წარმოვიდგინე, როგორ გავდიოდი ეკვდერიდან კულამოძუე-  
 ბული. თავიდან, გახელბულივით მივეძალე. ისეთი ვიყავ — მოვკვდებოდი, მაგრამ  
 დავიმორჩილებდი... ისე აღვზნებული კი არა — ისე გაჯავრებული, ეს შემატყო  
 ქალმა თუ რა იყო — თვალბმბილეულს მომეჩვენა, ვითომ ხელი ჩაიქნია, მერე გა-  
 ინაბა, დამნებდა, მიმიშვა, შიგ ყურში ჩამხითხითა...

გოროთას ხითხითი ვიცანი! ელდა მეცა, ქალს დავხედე...

მართლა გოროთა იყო!.. შავ, სვავის ნისკარტივით მოხრილ თითებს აფუთფუ-  
 თებდა, ვნებით ანთებული თვალბმბითა და სხეულის ნარნარი რხევით საითკენღაც  
 მიმაქანებდა. ჯიბრმა, ნიშნისგებად, ჯავრის ამოყრის წყურვილმა სისხლში ცეცხლი  
 დამიტრიალა, უარესად ავენთე... როგორც მუდამ, ნეტარებაზე მიტანებულს ისევ  
 თვალსა და ხელს შუა დამისხლტა, წამივიდა გოროთა. ეკვდერშივე განქარდა, შუა  
 ეკლესიიდანღა მოისმა მისი ხითხითი. გავშრი, გავინაბე, ის ხითხითი საყდრის  
 შიშველ კედლებს ეკვეთა, ამოფორიაქებულ აკლდამებში ჩაიწურა და მიწყდა. მი-  
 ვიხედე. ვითომ არც როდისა ყოფილა გოროთა.

მკლავებში კი ისევ ის ქალი მყავდა მოსაღტული, ქვაბლელთა ნაშიერი, ასუ-  
 ლი იმ მოდგმისა, ვინც ჩემი მამაპაპისთვის ურყევი დასაყრდენიც იყო და რიღის  
 მომგვრელი პირქუში ძლიერებაც.

გახცვიფრებული ამომცქეროდა.

ქალი კი არა, ვარდისწულის შადრევანი იყო...

ვეფერებოდი, ვეამბორებოდა, ცრემლი მდიოდა, როგორც უზენაეს ბედნიერე-  
 ბასწეულ თუ სატრფოწაგვრილ ყრმას, და როცა დავშოშმინდი, სხეული სიაძაყით  
 აძევსო, რომ ის, მოძაუალი — ტანჯული თუ ბედნიერი, გონჯი თუ პირმშვენიერი,  
 ძონა თუ თვითმპყრობელი — უეჭველად და მხოლოდ ჩემგან იშვებოდა, მხოლოდ  
 ჩემგან!

...

ახლადა შევნიშნე, რომ ჩვენს საუბარში ჩამოვარდნილი ღუბილი კრონს თა-  
 ვად ერთხელაც არ დაურღვევია. თუ ფიქრი წამიღებდა, მელოდებოდა ხოლმე,  
 როდის მოვათავებდი, როდის დავბრუნდებოდი — მაცდიდა. იმ ქალთან საუბარსა  
 და ურთიერთობაზე ფიქრს მოვრჩი, კრონს შევაველე თვალი და მომეჩვენა, რომ  
 აღდო ჰქონდა, რაზეც ვფიქრობდი. რატომღაც სურვილი გამიჩნდა, — გზა-კვალი

მ. შარხის სახ. სამ.  
 სს. ახმელაძე

ავუბნიო-მეთქი, ჩემი შეხედულებით სულ სხვა საგანზე ლაპარაკს მივლექვით და სხვა რველი სიტყვების წარმოთქმისთანავე შემცნაურა, რომ სწორედ იმ ჩემ ნაფიქრალს განვაგრძობდი:

— დაბნეული ერი ვართ ქართველები, მკურნალო. ერთნი მარტოკაცობით უკიდურეს მსხვერპლს ან სატევარს მივნიდობით; მეორენი თვალახვეულნი ვცხოვრობთ, თითქოს, მამულის გასაჭირისა სულაც არ გვესაქმებოდეს რა; მესამენი ვამბობთ: მრავალრიცხოვანი, მძვინვარე და ნაირნაირი თესლის მტერი გამუდმებით გვყავს და სიმცირისა თუ უმწეობის გამო მათთვის მხოლოდღა ადვილი ლუკმა ვართ. ერთს ვაოცებთ, მეორე მოდის, მესამე თავის ჯერს ელიდება. ძალის ხმევას, სისხლის ღვრასა და ხორციელ განადგურებას ისა ჯობს, რომ მტრის უღელი როგორმე მფარველის კალთად ვიქციოთ, დრო გავიყვანოთ, ძალები მოვიკრიბოთ და მერეღა ვეკვეთოთ. აზრის, მიზნისა და საქციელის დაქსაქსულობა გვთრგუნავს და არა მტერი. ვგონებ, კაციც აგრეა“. საკუთარი მერყეობის, ერთი რამ მტკიცე გზის უქონლობის მონაა და არა გარემოებისა თუ ვითარების.

კრონმა კარგა ხნის შემდეგღა ჩაილაპარაკა:

— ბევრია.

— რა არის ბევრი? — შევეკითხე.

— ბევრი რამ სთქვი და სხვადასხვანაირი. ხალხისა და მამულისთვის მძიმე მსხვერპლის გაღება თუ მტერზე პირისპირ მისვლა ყოველთვის სიკეთეა, და მაშინ ხაც კი, როცა იმ მსხვერპლსა და ძალის ხმევას ხელშეხასები სარგებლობა არა მოსდევს რა. ეს უნარი სულგრძელთა, მიზანმიმსწრაფთა და თავდადებულთა ხვედრია. ისინი მარტოკაცები არიან, მხმობელი, სატევრადა და თორ-აბჯრად შემნივთებელი არა ჰყავთ, არც არა გულხელდაკრეფილი ჯდომა ძალუბთ და უანგაროდ სჩადიან, რასაც სიკეთედ ჰგონებენ, არარაის მოქმედთა ერთი ნაწილი, მარტივბუნებოვნობისა გამო, საჭირო საკეთებელს ვერა ჰპოვებს, უნებლიეთ უქმობს და თუკი სიმართლისა და ძლევაძმოსილების გზით გამძლოლი მხმობელი მოვევლინება, — წაჰყვება და ივლის. რაიც ამ ჯილაგის მეორე ნაწილს შეეხება, ისინი სვავებადა და აფთრებად ჰყავს განგებას, რამეთუ ერისთვის ასეთნიც საჭირონი არიან მიწყვი.

კრონი დადუმდა, დიდი ხნით დადუმდა, მაგრამ აღარ შევსაუბრებოვარ, — თავდაც ხომ არ მაწყვეტინებდა ხოლმე ფიქრსა და ღუმილს.

შემცივდა, ცეცხლს დავხედე — ჩანავლებულიყო. ფინხს მოვკარი თვალი. გადავედი, მოვიტანე, დავამტვრიე. ნაკვერჩხალი გამოვჩხრიკე, ზედ ხმელი ტოტები დავაფიცხე და ისევ ჩამოვჯექი. კრონი სდუმდა. გული გამიწვრილდა და გავიფიქრე, — რაკი ასე აეწყო, რომ მუსაიფს მუდამ მე ვიწყებ ხოლმე, ახლა რაღად უნდა ვუცადო-მეთქი, და ვკითხე:

— იმ, მესამეთა გამო რატომ არაფერს უბნობ, ვინაც ქედზე დაბჯენილი უღლის კალთად გადმოფარებას სასოებს?

— ეგენიც სხვასავით საჭიროებენ მხმობელს, ოღონდ საით და რისთვის არიან სახმობნი, მაგისას არაფერს ვიტყვი. მხმობლად მრავალნი ველინებიან ქვეყანას, ხოლო მძლედ — მცირედნი ერთობ. ყოველი მეფე გვირგვინის, სკიპტრისა და ტახტის წინაშე არის ვალდებული მხმობელი იყოს, მაგრამ მძლეობა არა ყოველსა მათგანს უბოძა განგებამ. ასევე, სიცოცხლეშივე მძლედ აღიარებული ცოტაა ერთობ, რამეთუ თვით ნაშოქმედარი მძლესი მეტად ძნელი საწვდომია. მის მიერ აღსრულებულ საქმისა გამო სწორი აზრის დადგენას ან სხვა მძლე კაცის გონება უნდა, ან მოკვდავთა მიერ საუკუნეების მანძილზე ჩხიბვა — სადაგნი არიან მო-

კვლავნი და ამაღ. შენ, ვითარცა უფლისწულსა და საძეფოდ განზრახულს, მხმობა  
ლობა თავისი თავად და აწვე გმართებს, ახლო მომავალში მძლეობაც შეგეძინება,  
რადგან ამისთვის მოგავლინა განგებამ, და შენი უმთავრესი საკეთებელი სწორედ  
ძაგ მესამეებთან ურთიერთობა იქნება. დანიშნულება და ხვედრი გეტყვის, საით-  
კენ და რისთვის უნდა უსმო მათ და რით უნდა დაიწყო ღვაწლთა დება.

მხმობელი ბუნებით ვიყავ — ყრმობაშივე. იმ ხანად, რომელ დროის ამბავსაც  
უბნობ, მართალია, ჭაბუკობის ასაკი ჯერაც არ გამესრულებინა, მაგრამ ომებში  
ასისტავობა უკვე ორჯერ მქონდა გაწეული. თუმც მცირე, მაინც მზა მხმობელი  
ვიყავ, ამას კრონის კვერის დაკვრა არ ესაჭიროებოდა. მეფობის გამო იმას ვიტყ-  
ვი, რომ ტახტი არანაირად არ მეკუთვნოდა, მხოლოდ შემთხვევას შეეძლო ჩემი  
გამეფება. ამაზე არც მიოცნებია, საუფლისწულოს ველოდი, როგორც მეფე დიმი-  
ტრი თავდადებულის ერთ-ერთი ძე და მემკვიდრე. მერე ჩემი ახლო მეგობარი  
ჩობან-ნოინი აღზევდა: თავისივე დასმული ყაენის კარზე პირველი კაცი გახდა,  
გამეფება დაძიპირა და, სიმართლე უნდა ვთქვა, ამით დიდ საგონებელში ჩამავლო,  
რადგან ბოლო საუკუნის მანძილზე ჩემს წინაპრებს რაც დღე დაადგათ, ვიცოდი  
და საკმარისი იყო, ერანის ყრმა ილხანი — აბუსიდი ვინმეს ძილში საბლით მიე-  
გუდა, რომ სხვა ნოინები ჩობანსაც და მეც ზედ მიგვაყოლებდნენ. ეგეც ნუ იქნება.  
მონგოლთა ხელში მეფობა რად ღირდა, როცა უკანასკნელი ზინზლიანი მონა-  
დყოფილიც კი შენი ბატონი იყო, ოღონდ თვალები ჰქონოდა მოჭუტული და კან-  
ჭები მშვილდით მოხრილი. ერთი სიტყვით, განსწავლითაც შემზადებული ვიყავ  
და საკუთარი გონებითაც ვიცოდი, რომ უფლისწულად წოდებული მონა უნდა ვყო-  
ფილიყავ — სხვადასხვა ჯურის მედროვეებისა ცალკე, თვით თათრებისა ცალკედა.  
ჩემი ხვედრი ერის სორციელი არსებობის შენარჩუნებისათვის ფიქრი და ღვაწ-  
ლი იყო და არა უკვდავ, საკმარო საქმეთა აღსრულება. ამგვარ მომავალს თით-  
ქმის შერიგებული ვიყავ და, აბა, ამ კრონს როგორ შეძყარა წერათმწერელმა!  
იჯდა, იმ უკუნეთში დაჟინებით მეჩინებოდა, — ის კაცი ხარ, მძლედ მოხვედიო.  
საკვირველი იყო, თანდათანობით ვეგუებოდი კიდევ კრონისგან აღთქმულ დანიშ-  
ხულებას ჩემსას. სევდაც კი შემომაწვა, — რამდენი გარჯა, ზრუნვა, სიმძიმელი და  
საკუთარი სურვილების წინააღმდეგ ბრძოლა მოძელის-მეთქი, და, ალბათ, ყოვე-  
ლივე ამისგან დაქანცულობა ვიგრძენ, რომ წუხილითა ვთქვი:

— ნაოხარ საყდარს რასზე წავაწყდი დღეს. ეგეთი ჰაეროვანი, კენარი და მშვე-  
ნიერი არა მინახავს რა. ერთი ფიქრი მომგვარა იმისმა ცქერამ: სულისათვის რამ-  
დენი და რაოდენ მრავალფერი სარჩი უქმნია მზისა ქვეშე განგებას თვით, თუ  
ადაშიანის მეშვეობით — კანძულსიტყვიერება თუ სელოვნებანი, ადგილთა წარმ-  
ტაცობა თუ იდუმალებანი ბუნებისა; ახლა, საზრდელად ხორცთა — მთელი ქვეყ-  
ნიერება — უხვად მსხმოიარე ხე მომცემი ყოველგვარი ნაყოფისა და სახსრისა.  
რატომ ვერა ვკმარობთ ამ სუფიერ ტკბობას, სიუხვესა და დოვლათს, რატომ  
აღვიძვრით სხვისა სასპოლველად, რატომ ვხარბდებით იმას, რასაც თავად გვაძ-  
ლევს მიწა, წყალი და წიაღი. დაინაფრე სტომაქი, დაიტკბე სული, ზარდე ნაგრამი,  
ამშვენე მამული — რა გინდა მეტი, გაუმაძღარო მოდგმავ კაცთა?!

— სამარადისო საფიქრალს უბნობ, უფლისწულო, — სიტყვა ჩამოძართვა  
კრონმა. — უბადრუკია ადაშიანი ჯერ, ნადირია! მკელი რომ ნაგაზებს უგვერდებს  
და არვეში შეიჭრება, ხარჩოდ საკმარს როდი სჯერდება — ათსა და ოცს წაახდენს,  
სისხლთა ღძრა და ტყავთავან განძრევა სწყურია მთელის არვესი ხარბი, კმასა-  
ყოფლობისა არა გაეგება რა. კიდევ იმიტომ სჩადის მკელი ამას, რომ თანამომძე-  
ებს დაუნდობლობა, მძვინვარება, ძლევამოსილება აჩუქოს თვისი და ამით ხროვა-



ში თავმგლობა იპყრას. კაცნი ამას პატივმოყვარეობასა და პყრობის წყურვილს ვეტყვი. ზოგი ერი ნადირს მხოლოდ იმღენალ დაშორდა, რომ ორ ფეხზე დადგა და ენა ისწავლა, მაგრამ იქამდე ჯერ ვერ მივიდა, რომ მსხმთიარე სიდან ნაყოფის კრეფაში დახელოვნდეს. საკმარისი სარწო თვისივე შრომით მოიპოვოს და პაღვის ამოსასორავად თუ პატივმოყვარეობის საამებლად სხვათა მარცვა-გლეჯა არ დასჭირდეს. ამათ ტკბობა მხოლოდდა სალაფავთაგან ენიჭებათ და არა სილაძაზეთა და მშვენიერებათაგან. არვეში მგლისა გამო დაეხმენ: თვით მგელნი სწორედ ცხოვართა გლეჯა-წახდენის ვნებით გახელებიას, სისხლთა თქველევით გატაცებულნი მოინადირებიან სოღმე მწყემსთაგან. ამის ბუნების გამოჩინიბვა თავადვე გვმართებს, შენს სავალზე, სიღვებში და ფიქრით.

— ეგ სიტყვა ასე არ დაიწყე, კრონო, — სამარადისო საფიქრალს უბნობო? მაშ, ეგ საფიქრალი არასოდეს გათავდება, ისეთი დრო არასოდეს უნდა დადგეს, რომ მავანმა ბრძენმა კაცმა მთელ კაცობრიობას თუ არა, თავის ერს მაინც უთხრას: განათლებული, სულით ამაღლებული ერი ვართო, — ვამბობთ, და თვალი კი იმაზე გვიჭირავს, ხად ვინ დავიპყრათ და ვის რა წავგლიჯოთ. თუ სხვათა დაუმადაბლებლად და უყველევად, საკუთარ მიწა-წყალზე ჩვენზე გონებით, ცოდნით, ნიჭითა და გარჯით თავის დარჩენა არ ძალგვიძს, მაშინ თავის ქებასა და განდიდებას მოვრჩეთ, ვადიართ, რომ ერი კი არა, გონებადახშულ ყაჩაღთა უზარმაზარი ბრბო ვართ და ვწიოთ სიმდაბლისა და სირცხვილის ჭაპანი, სანამ გვიფელებენ და სეთთა თუ ასურთა მსგავსად აღგვევიან პირისაგან მიწისა... მაშ, ის არასოდეს იქნება, რომ კაცთა მოღმამ ძალადობაზე ხელი აიღოს?!

კრონმა ტუჩებით რაღაცნაირი მანჭი შეჰკრა, სიბნელეს მიაყურა, თითქოს, იქიდან იმედოვნებდა პასუხის მიღებას და მერეღა მითხრა:

— იქნება! დრო მოვა, სამზისქვეშეთოდ დაკანონდება, სამართლის ყველა წიგნში ჩაიწერება, — ერისგან ერის და კაცისგან კაცის ჩაგვრა-დამდაბლება ამა და ამ უუძიძესი მსჯავრის ღირსი დანაშაულიაო! ეგ არის, განგებისთვის გამოიყენებენ, რომ თვისივე ხალხის გონებაშეზღუდულ ნაწილს თავგზა აუბნიონ, მიიმხრონ და მის სურვილს ამოფარებულებმა რაიმე მანქანებით იძალადონ, ჯერ იმავე საკუთარი ხალხის კაცთმოყვარე ნაწილზე, მერემეთ სხვა ერებზე და... ქვეყანა ჰკიეს უკუნისამდე!

— განგებისგან ნიჭლაუსხმელს ეტყვი იმ კაცს, ვინც მაგდენს შესძლებს? — გამიკვირდა და ვკითხე:

— შენ თავადაც თქვი და უნიჭოა, ვისაც ბუნებისა და კაცთაგან ქმნილი ამდენი მშვენიერებისა და სიმდიდრის გამოყენების უნარი არ გააჩნია, ან ვერ კმარობს ამას და სხვისა ბელელში თავივით ბაცაცობს, ან მეზობლის არვეში თარეშობს მგელივით.

— მაშ, ჩაგრულთათვის აზრი აღარაფერსა ჰქონია, კრონი! — ღიმილით ვუთხარ.

— ბრძოლას აქვს აზრი! — კრონმა თავი ჩააქიცინა, ამოძხედა და დასძინა: — აღამიანი ერთადერთი სულდგმულია, ვისაც გააზრებული მიზანი ამოძრავებს. უამისოდ კაცი ცხოველია და ხალხი — ნახირი. მიზანს კი, როგორიც უნდა იყოს იგი, მხოლოდ ერთი შვილი ჰყავს—რკენა, ბრძოლა! ჩაგრულისა და მჩაგვრელს შორის ბრძოლას ყოველთვის ერთი საბოლოო შედეგი მოსდევს — ჩაგრულის გამარჯვება და მჩაგვრელის ოტება! ეს ყოველივე მარადისი საფიქრალი არ არის?

...

ასალგანსრდობის ხანს სწვადასწვა, და უთქმელადაც გასაგებ მიზეზთა გამო, დიაცებთან ურთიერთობაში, თამაშში, თავდაჯერებული ვიყავ. ყველაფერი შეადგინებოდა, გარდა წამოსვლისა. სწორედ იმ ყველაფრის მერე, როცა დროა, ადგე და წამოსვიდე, ერთი რამ განწყობილება დამეუფლებოდა სოღმე. — აი, აგრე, პირდაპირ ადგომა, გამოთხოვება და წასვლა მეუხერხულესოდა.

რამდენიმე შემთხვევა იყო, დიაცი მომწონებია, იმისგანაც სვაშიადი მიგრძენია, დაძიპირებია კიდევ და არ კი ძივსულვარ, მხოლოდ იშიტომ, რომ ის მთრგუნავი სულთაღრევა გამსხენებია, რომელიც ყველაფრის მერე უნდა მწვევოდა... წამოსვლა ყოველთვის მრცხვენოდა — სიმუის დიაცებისგანაც კი.

იქ, ნაოხარი ეკლესიის ეკვდერში რაღაც მოხდა ისეთი, რაც მერე, მთელი სიცოცხლის მანძილზე აღარ განმეორებულა. — დრო იყო, იქაურობას გავცლოდი, ძაგრამ თავს ვერ მოვრეოდი, წამოსვლა არ მინდოდა! ისეთი გრძნობა მქონდა, ვითომ ეს არის ესლა ჩემი გონებითა და შემართებით დავიბრუნე მტრისგან დიდი ხნის წინ წართმეული ჩემივე ნამულის ნაწილი, საზღვარზე შუბი დავეც და ღმერთსა და ერს შევფიცე, ცოცხალი თავით აღარასოდეს დამენებებინა ის კოლა, არტაანი თუ არტანუჯი.

ქალი განაბული იწვა, ზურვით, და ძილულულ თვალეზზე სელი წაეფარებინა, ვითომ საიდანმე კაშკაშა ნათელი სცემს და თვალს უწუსებსო. დავცქეროდი, თავში ათახი კითხვა და მისაგნები მქონდა და სიახლოვე მწყუროდა, სითბო მინდოდა — ქალისა კი არა, სწორისა, სულისა. დაწვზე ვემთხვიე, თავზე სელი გადაუხვი... ფაფუკი, ასალდაბანილი თმა ჰქონდა.

— მითხარი, რა გქვია. — ძალიან მინდოდა, გამომლაპარაკებოდა. არაფერს ამბობდა.

რამდენჯერმე გავუმეორე. ბოლოს კუნტად მითხრა:

— აღარ შემეუბნო... ვფიქრობ. სირცხვილზე ვფიქრობ. წადი!

— სირცხვილზე ფიქრობ?... — იმითომ დავიბენი, რომ გულწრფელად ამბობდა და მე კი რიგიანად არ მესმოდა, სახელდობრ რისა სცხვენოდა — იმისა, თავის იდუძალ ჩანაფიქრს რომ მაზიარა და ეგონა, გულში დავძრახე ან აბუჩად ავიგდე, თუ იმისა, რომ მე, ქართველს, გზად შემოყრილ უცნობს დამნებდა?... თავი ვერაფერს მოვაბი და ფიქრი სიტყვით გახვარძე: — ის საქციელი თუ მიზნისთვის გაღებული მსხვერპლია — არ უნდა გრცხვენოდეს. თუ იმისა გრცხვენია, რომ გაიძულე დამნებებოდი... მაგისა მე მრცხვენია, რადგან ახლა უკვე ვიცი, რომ სიძვის დიაცი არა ხარ და მჯერა, რომ საკუთრივ შენებურად გავებულ მოვალეობას ძისდევ. ამ წუთში შენ წმინდანი მგონისარ, ჩემი თავი — მკრესელი, და დანაშაული მაწუსებს.

ამას რომ ვამბობდი, ქალმა ჯერ თვალეზიდან სელი მოიშორა და შემომხედა. ძერე წამოიწია, დაჯდა, კიდევ მიყურა, დავინახე, ჩემი სიწრფელე ირწმუნა, დამძვიდდა და როცა ლაპარაკს მოვრჩი, მითხრა:

— თუ მონგოლი ვავაჩინე, ნაძალადრად ჩაითვლებსა. ეგეთი ბაღლები მაგათვან დალაშქრვის შემდეგ სშირად იბადებიან, ქალს სირცხვილად არ ეთვლება — ნაძალადარიანო! პირთეთრი რომ დაიბადოს?!. — იყუჩა, ერთხანს მიყურა და დასძინა: — მე ვითხარ, ვინცა ვარ. ისე ჩამეთვლება, სანამ ჩემი გვარის შამაკაცები თათართავან იმუსრებოდნენ, მე?... რის დათესვად ვლონობ და რას მოვიმკი?!. იქნებალა



ჩემი სიცოცხლე, ან სიკვდილიც კი უშველის რასმე? მოდგმამ, გვარმა ატარებს ჩემი სირცხვილი?... ახლა ვესმის?!

თავრეტდასხმული შევცქეროდი. ენაც წამერთვა და ფიქრის უნარიც...

სკიპტრამ, მოვალეობა და დაუდგრომელმა ხასიათმა სიცოცხლის მანძილზე ბევრ რამეს მაწიარა: ურთულესად ჩანასკვულ-ჩაკვანძული გამოცანების რუდუნებით ამოხსნა მასწავლა ცხოვრებამ და უმძიმეს განსაცდელთა მშვიდად, აუძღვრევლად, ღიმილით გადატანაც, მაგრამ მაშინ, იმ დროს, ჩემი ნეღლი, ფაქიზი, უაღრესად მკრძნობიარე გონებისა და გულისთვის ასეთი გამოცდა საგანის ხრიკი და ხაფანგად დაგებული განსაცდელი იყო...

— დილიკა მქვია. შენა? — ყურში კი არა, გონებაში მომესმა, ვითომ ბავშვობაში ვისიმე ნათქვამი სიტყვები, იმ სიტყვების ჟღერა აღსდგა მეხსიერებაში.

— გიორგი, — მივუგე მე და ესაც ის ხმა იყო, ბავშვობაში, ასე, ათის წლისას როგორცა მქონდა, მაგრამ მე უკვე ვიცოდი განწირული მშვენიერების სახელი — დილიკა!

გაოგნებას თავი დავაღწიე თუ არა, მაშინვე იმ აზრმა შემიპყრო, რომ დილიკას მიზანი, მიზნიდან მომდინარე საქციელიცა და ჩემი უხეში ჩარევით შექმნილი ვითარებაც — ყველაფერი, ყველაფერი, მთელი ეს ნაკებობა, მრავალ და სხვადასხვა სიდიდის შეცდომათა ერთობლიობაზე იდგა, როგორც მცდარად ნაკები სიძაგრე. როგორც სიძაგრე-მეთქი, იმიტომ, რომ ყოველივე ეს იღუპალი, უცნობი ძლიერებისა და ამასთან, სავსე ღირებულების მქონე მებრძოლი გულუბრყვილობა იყო. შეცდომა იყო ქართულად აღზრდილ, თათრულ სისხლნარევი კაცთაგან ვარაძიდან დახსნის ძოლოდინი და მაშინ შეცდომა იყო დილიკას ეგზოტიკური მსხვერპლიც, შეცდომა იყო იმის ფიქრი, რომ ბავშვი უეჭველად ჩაისახებოდა, იშვებოდა და შეცდომა იქნებოდა იმის ფიქრიც, რომ შობილი, სახელდობრ პირთეთრი, თვალცისფერი უნდა ყოფილიყო; შეცდომა იქნებოდა ამისთვის განკიცხვა და განკიცხვის შიშითა და გვარის ღირსების შენახვისთვის თვითმკვლელობაც; შეცდომა იყო დილიკას სირცხვილიცა და ჩემი განცდებიც... ღმერთო, ღმერთო, საიდან აღიძვრის ამდენი შეცდომა, სად არის ამის სათავე, რასა და როგორ უნდა ძოველოს, რომ ადამიანებსა თავი დააღწიონ გულში და გონების ამ გაუტანელ წილსა და არმურს?...

აქვე, სარკმელთან, ისარმა ჩამზუნუნა, — არ შეშვებოდა, ისარი იყო! ამის გაფიქრება მოვასწარი და ისეთი ძალუმი ზუნუნა ატყდა... გმინვამ, ლანძღვამა და ყიჟინამ ააბორიალა მიდამო. ხანჯალი ვიშიშვლე — ზედ სხვა საჭურველი არა მქონდა რა — კარში გავარდნა დავაპირე, მაგრამ დილიკა გადამეღობა. უნებლიეთ შევდექე. თავი გაიქნია, — არ გახვიდო. ტუნებზე თითი მიიღო, მკლავში ხელი მტაცა, თაღს გამარიდა, რომ არავის დავენახე.

ტახტზე ავხტი, სარკმლიდან გადავხედე იქაურობას...

ისრით განგმირული ნუკერები მიმოხვევით ეყარნენ. ზოგი იყო, სამ-სამი მოხვედროდა. რამდენიმე ხმლითაც იყო საგულდაგულოდ აჩეხილ-აკუწული. ჩემი კარნიფორელი აზნაურები და ერთი ნუკერი კურდღლებით მიჰქროდნენ. ფეხდაფეხ ქამანდიანი მღევრები მისდევდნენ. პატარა ბექობი იყო, თათარმა დაღმა სირბილი არჩია, მარცხნივ დაუხვია, ხევს ჩაჰყვა. კარნიფორელებმა ბექი გადაირბინეს და თვალს მიეფარნენ. მღევრებმა კარნიფორელებს თავი მიახებეს, თათარს გაეკიდნენ. თექვსმეტ-თექვსმეტი წლისანი იყვნენ კარნიფორელები, ნათელ-მირონი გვქონდა ჩემი



უფროსი ძმის, დავით მეფის ნათლულები იყვნენ ოთარა და გეგა. მას მერე დღეები შევარქვი ორთავეს.

ნოინები ერთად შეეყარათ, ხელებს უკრავდნენ. ჩარდოვი და ბელდე ცხვრებით იყვნენ გასუსულები. იხუ არ ეპუებოდა, ბორგავდა, წინლს იქნევდა, უშვერის სიტყვით ილანძღებოდა. ვილაცამ თავში ვეება მუგუზაღ, ჩასცხო, დააშოშმინა.

მე საიდანაც გავცქეროდი, იქიდან ათიოდ ნაბიჯზე წანაქცი რცხილა ეგდო, ხავსიანი და დიდი. ზედ ვილაც იჯდა, თათრების საჭურველი და სხვა ნადავლი ამასთან მოჰქონდათ, შორიასლო ულაგებდნენ. რაზმის მეთაური უნდა ყოფილიყო. ჩემი მშვილდ-კაპარჭი და ხმალიც მოუტანეს. ანიშნა, — ეგენი აქეთ დადეთო. ცალკე დადეს. ერთმანეთში ლაპარაკობდნენ, ხმა კარგად მესმოდა, ის თავკაცი თითქოს მეცნობოდა კიდევ. ზურგით იჯდა, ერთი სული მქონდა, საითმე გაეხედა, სახე ეჩვენებინა.

ტახტზე დილიკა ამოვიდა. თვალით ვანიშნე, — ეგ ვინ არის-მეთქი. ხურციო! სმენას მოვუტყუებოვარ, მაგ ხურცს პირისპირ არსად შევხვედროდი, არ ვიცნობდი, მაგრამ ერანის მონგოლთა სამფლობელოებში ჭირვეულ ბაღლებსაც ამ კაცის სახელის სხენებით აოკებდნენ და ქართველი მედროვეებიც, თუ ვისიმე წასახდენად ყაენის უგუნებობა ესაჭიროებოდათ, ჯერ ხურცისას მოახსენებდნენ და მერეღა შეუდგებოდნენ წასახდენი კაცის დასმენასა და განდგომილების მტკიცებას. ხურცისა არც მოდგმა იცოდა ვინმემ, არც გვარი, ზოგი როგორ ამბობდა, ზოგი — როგორ.

ცხენები მორეკვს — თათრებისაცა და თავიანთიც. ჩემი არსად იყო, მაგრამ მათივე ლაპარაკით გავიგე, გუშავად დატოვებულ თათართაგანს სწორედ ჩემი ცხენით მოეხერხებინა გაქცევა.

— დაკოდილი იყო? — ხურცმა ჰკითხა.

— ორი ისარი წაიღო. მხარში და ბარძაყში ჰქონდა.

ამასობაში ბიჭებმა მკვდარი თათრები მოაქუჩეს, ერთმანეთზე შეალაგეს და ხელებშეკრული ნოინები იმ თაკარის ძირას დასხეს.

მდევარი დაბრუნდა, ხურცს გაქცეული ნუკერი მოჰგვარეს. გახვითქული იყო, სულს ძლივს ითქვამდა. ხურცმა უყურა და მკვდარი თათრების თაკარისკენ გაუშვირა ხელი, — იქით გაიხედო! ნუკერმა მიიხედა, ამ სანახაობას თვალი მოავლო და ერთიანად აცახცახდა.

— მანგუ თუნგრი ქუჩუნდურ! — მონგოლურად თქვა ხურცმა, — უკვდავისა ღმრთისა ძალითაო.

ნუკერმა ხურცს ანაზღად შეაფურთხა. ხურცმა დოღბანდი ამოიღო, სახე შეიწმინდა, გადააგდო და ნუკერის მომყვანებს უთხრა:

— ხელება გაუსხენით. გაუშვით. ის, ცხენების გუშავი, ისრებს თბილისში ვერ ჩაიტანს. გზაში თავად თუ არ მოკვდა, დედაკაცები ჩაქოლავენ სადმე. ამბის მიმტანი გვჭირდება. გაუშვით.

ხელების შესხნა იყო — ნუკერისა კვალი გაცივდა.

ხურცმა აყრა ბრძანა. ნოინები ცხენებზე შესხეს, ალაფი დაასაპალნეს და წავიდნენ.

ჩემი მშვილდ-კაპარჭი და ხმალი იქვე დატოვეს.

— დილიკავ, საცოდავო, შენა, აქა ხარ? — გარედან შემოსძახა ხურცმა.

— აქა ვარ, — მიუგო დილიკამ.

— დედაშენი კვდება, დილიკავ. ერთი მაინც დამხედოსო. — ხურცი შეჯდა და თავისი ბედაურის ფლოქვის თქარათქური თან წაიღო.

დილიკა კუნძუზე დაეშვა, თავი ჩაქინდრა. მე ისევ ტახტზე ვიდექ, დილიკას და-  
ვცქეროდი და მიკვირდა, ამდენ სატანჯველს რანაირად უძლებს-მეთქი.  
ჩამოვხტი.



დილიკამ თავი ასწია, ცრემლიანი თვალები შემომანათა და მითხრა:

— ეგენი ახლა ამ მიდამოებში არიან. ისე უნდა იარო, სხვა კაცებს არსად ვა-  
დაეყარო ხურციხას. ეგრე გადადი, ტყე-ტყე, ზემო-ზემო იარე. ლოჭინს იქით  
თქვენთვის სამშვიდობოა, ეგენი ლოჭინს იქით არ წავლენ.

თავი დავიქნიე. ჩემი თავის აღარაფერი მეღარდებოდა, სულ აღარაფერი.

— ხად გიკითხო?

— თავად მოგაწუდენ ხმას, თუ დამჭირდა. ვინა ხარ, სადაური ხარ?

— უფლისწული გიორგი ვარ.

დილიკა ზეზე წამოიჭრა, გაინაბა, მაგრამ მეისვე გონს მოეგო, ხელები ჩაუშ-  
ვა, ნაჯები მუცელს ქვემოთ დაიჯვარედინა, მხრებში გაიმართა და თავი დღრიკა.  
ყველაფერი ერთბაშად გაქრა — სიტყვით უთქმელი სიასლოვეც, სითბოცა და საი-  
დუმლოს ეშხიც... ჩემ წინ ქვაბლელთა ნაშიერი იდგა, თავისი გვარის ამაყი მორ-  
ჩილებითა და იმ ცივი მოკრძალებით, რომელსაც მხოლოდ მეფეთა წინაშე ამქლა-  
ვნებდა მათი მოღვა.

...  
— შურის აღმძვრელნიც არიან და საბრალონიც, დასწყევლოს ღმერთმა, —  
ჩემთვის ჩავილაპარაკე, თითქმის, ჩურჩულითა ვთქვა.

კრონმა გაიგონა, შემომხედა. ჯერ, ალბათ, იფიქრა, რომ რაკილა ჩემთვისა  
ვთქვი, აღარც გამოლაპარაკება ღირდა, მაგრამ როცა სინებზე გაგრძელდა, მაინცა  
შკითხა, — ვინაო?

— ეგ მარტოკაცები. შურის აღმძვრელნი იმით არიან, რომ აგრე თავგამოდე-  
ბითა სწამთ თავისი საქციელის სისწორე და მართებულობა; საბრალონი იმიტომ,  
რომ მაგათი ბრძოლა თუ მსხვერპლად მისვლა ერს ზიანად უბრუნდება და ამას  
ვერ ხელავენ.

— ზიანად ხალხს უბრუნდება, ანუ აწმყოს და არა ერს. ერი ნამყო, აწმყო  
და ძყობადია, მარადისობაა, — თქვა კრონმა.

— მე იმას ვამბობ, როცა შენ ქოქოლას აყრი, გგონია, ამით ზიანს რასმე აყე-  
ნებ და ის კი შუაზე გაპობს. რამდენი ერი ვიცი, ვგრე რომ ამოწყდა და აღიგავა.

— ერს მორჩილება სპობს და არა წინააღმდეგობა, უფლისწულო, — ღიმილითა  
თქვა კრონმა. — როცა უღელი გადგას, მაშინ ხელში უხილავი მახვილი გიჭირავს;  
როცა კალთა გაფარია — ადლი და სასწორია შენი სვედრი. ცბიერმა დამპყრობელ-  
მა ეს ჩვენზე უკეთ იცის, მეწველ საქონლად დავუდივართ, გუშავად გვიდგას —  
ხადავლში არავინ შემომეცილოსო, და კალთაც ეგ არის. ახლა ბრძოლისა ვთქვათ:  
კაცი გაუმაძლარი და ხალხი უკმაყოფილოა მაშინაც კი, როცა ძლიერი და განათ-  
ლებული სახელმწიფო აქვს; როცა მძვინვარე მტრის ხელშია — მშიერი და გა-  
ჭანჯულია, ერთთავად სიკვდილის პირზეა და იმედი თუ არ ექნა, ბედს დამორჩი-  
ლდება, უღელს კალთად მიითვლის და ამისი ბოლო აკი უკვე ვთქვით. მაგ იმედს  
თათართავან განდგომილი, მთებში შესიზნული მეფეცა ქმნის, გზებზე მოთარეშე  
მცირე რაზმიცა და მარტოხელი მსხვერპლად მომსვლელიც. მართალია, მტერი  
ზიანისთვის შურს ხალხზე ძიობს, მაგრამ ამით — შენ რომ მამულიშვილი ხარ —

წიქვილზე წყალს ვისხამს. როცა სადმე ვინმე იბრძვის, როცა ლამპარი ანთია, მაშინ იმედიც არის, ხალხი როგორღაც მიათრევს წუთისოფელს, მრავლდება, სულიერად იხვეწება, მხმობელს ელის, მიჰყვება და იმარჯვებს კიდევ.

— ეგა ორღესულია, ყუა არა აქვს!

— როგორა? — კრონმა მზერა მომაპყრო, განმარტეო.

— როგორა და, წინააღმდეგობა და ბრძოლა იმისთვის არის, რომ მტერს ბოლოსდაბოლოს სული ამოხადო, მაგრამ ამ ძალის ხმევაში მტერიც ხომ იხვეწება, ახალ-ახალ ხერხებსა სწავლობს და უფრო დახელოვნებული, შეუვალი ხდება! ეგა ორივესთვის სირბილია.

— ორივესთვის სირბილია. დააკვირდი, რომელი საით პირბის! — კრონი დადუმდა, მიყურა და დასძინა: — ბაგაში კარგად ჩახედვა გმართებს. დრო მოვა, ჩაიხედავ კიდევ და დაინახავ, მძლე ხარ, როდისმე უნდა მოხვიდე და ეგენი კი თავისი ურთიერთ ბრძოლით დასაყრდენს ქმნიან შენთვის — მამულიშვილურ სულსა და ძლევამოსილ ლაშქარს გიმზადებენ.

მენიშნა, კრონი მართალს ამბობდა, მაგრამ გასული დღე არ მასვენებდა — არც თავარად ერთმანეთზე შელაგებული თათრის გვამები და თავარის ძირას მიყუქული ნოინები მეშვებოდნენ, არც დილიკა, რომელიც ჟამიდან ჟამს გოროთა იყო და ასეთ წამებშიც კი ისე მებრალებოდა, რომ ლამის ბაღლივით ავტირებულყოფა.

— ეს მარტოკაცობა რაღა უბედურებაა, — ისევ ჩემთვის ჩავილაპარაკე, თუკი ესოდენ დიდ საქმეს ებძიან, მარტონი რატომ უნდა იყვნენ!

კრონმა ჩაიციხა და თქვა:

— თავად ეგენი მაგ მარტოკაცობას არცა გრძნობენ, არც უჩივიან, არც მარტოობად სთვლიან, რადგან საკუთარი ნება-სურვილით არჩეულ გზას მიჰყვებიან, იმთავითვე იციან, რომ მათი საქმე ერთი კაცის საკეთებელია და ვისიმე მირთვას არ საჭიროებს. მარტოდ მაშინ ხარ, როცა საქმეს თავად ვერ ერევი და შემწე კი არსაიდან ჩანს. ეგ, პირდაპირ მისვლის, ორთაბრძოლის ამაყი განცდაა, თავისებური სიხარული, ბედნიერებაა და არა მარტოობის დამთრგუნველი გრძნობა.

— მაშინ, რატომ ამბობენ ზოგნი მძლეცა მარტოობას მაშინაც კი, როცა მათ ძრავალი თანამდგომი ჰყავთ?

— მარტივად მოფილოსოფოსენი არიან ეგ ზოგნი და თანამდგომობას მხოლოდღა ადამიანური სულმდაბლობითა და ანგარებით სხნიან. სიღრმეებს ვერ ხედვენ, აქედან მოდის მათი შეცდომა. მაგათ თუ ვერწმუნეთ, მაშინ თანამდგომთაგან მიტანილი მოწამებრივი მსხვერპლიც აუხსნელი დარჩება და ამასთან ისიც უნდა დავიჯეროთ, რომ დიდთა საქმეთა აღსრულება მარტოკაცსაც ხელეწიფება.

— ფილადელფოსს ტრაქტატი აქვს — „ერთგულებისათვის კაცთა.“ ვინც ადამიანის გულწრფელ ერთგულებასა და თავგანწირვას უარჰყოფს, ვინც პირუთვნელობასა და უანგარობას მუხანათობითა და თავკერძობით სხნის, ფილადელფოსს ისინი მგინებლებად, საკუთარი შეზღუდულობით დათრგუნვილ კაცებად მიაჩნია და ავრე ვფიქრობ ხანდახან მეც, — დავუდასტურე კრონს, მაგრამ რა ნიშნის მიხედვით განირჩევა დიდი საქმე — მცირისგან, სამარადისო — ერთი დღისთვის ქმნილისგან და უკვდავი — მოკვდავისგან, ესაც მინდა გავიგონო.

— სამყარო, რომელსაც ადამიანის გონება მისწვდა, ჩვენთვის იქამდე იარსებებს, სანამ ჯერ თავად ჩვენ და მერმეთ კაცთა მოღვმა პირისაგან მიწისა აღიგვება და ამას ვგულისხმობ მარადისობად. რაიც ზოგად მარადისობას შეეხება, მანდ სხვა

მსახდვრელი გამოიყენება. აღსასრულბელი საქმის დიდობა და მარადისობა იმით გამოიხატება და მაშინ ითქმის, როცა იგი საკაცობრიო და მარადისი ბოროტების წინააღმდეგ არის მიმართული, ხოლო უკვდავება მაშინ, თუ ეგ საქმე გაიმარჯვებს კიდევ. მძლენი იმით განსხვავდებიან ძლიერთაგან, თუ მარტივთაგან, რომ გამოვლილი და ნახილვი ფიქრში აქვთ გამოტარებული, ადამიანის, ხალხის, ერისა და კაცობრიობის ბუნებაში სიღრმით მწვდომელნი არიან; მოვლენ, მიმოხეულ, გათითოკაცებულ სიკეთეს თავს უყრიან, თორ-აბჯრად და სატევრად ანივთებენ, საკაცობრიო ბოროტებას ბრძვიან, თრგუნავენ და ამდაბლებენ. ეგ არის არსი, სახე და დანიშნულება მძლეთა.

მაშინ უკვე კარგად და მრავალმხრივად განსწავლულ-გაწვართული ჭაბუკი ვიყავ. არც პირში ნათქვამი ქათინაური მაკლდა, არც ზურგს უკან ქება და ხალხში თუ მტერსა და მოყვარეში – სახელი. ბერძნულ, სპარსულ, არაბულ და მონგოლურ ენებს ვფლობდი, ბიზანტიისა და მცირე აზიის სატახტოები ყრმასვე და მერე ჭაბუკ უფლისწულს მოვლილი მქონდა და, მიუხედავად ზოგი რამ ქარაფშუტული თავგადასავლისა, სწავლულ ახალგაზრდობაში და მეფეთა და დიდგვაროვანთა შორისაც კი ყველგან მრავლად მყავდა პატივისა თუ თაყვანისმცემელი. ახლა, იმასაც თუ დავძენთ, რომ ბავშვობიდანვე დიდმნიშვნელოვან მომავალს მწინასწარმეტყველებდნენ და ბოლო ხანებში ჩემი გამეფების შესაძლებლობაზე ჩურჩულიც მრავალგზის მსმენია, საკმაოდ თავდაჯერებული, საკუთარ ძალებსა და შესაძლებლობებში დარწმუნებული, ამპარტავანი თუ არა, მედიდური კაცი მაინც უნდა ვყოფილიყავ და კრონისგან ჩემი მძლეობის გარშემო ნაუბარიც ადვილად უნდა მრწმენოდა. ეგ არის, ბუნებით თავმდაბალი, სახარების ზნეობაზე აღმზარდეს, კერპად ის დიდი წინაპარი მყავდა, ვინც სამარეც კი ისეთი დაიანდერძა, რომ მნახველს საფლავის ქვაზე უსათუოდ ფეხით გადაევიდა და, ალბათ, ყოველივე ეს მიშლიდა სელს, კრონისგან აღთქმული ხვედრი და მომავალი ეჭვმიუტანლად მიმელო. მძლედ განზრახული კაცის პირით მეუბნა მასთან.

– შენი ნათქვამიდან ისე გამოდის, მძლედ ქცევას ერთი კი არა, კაი შვიდი სიცოცხლე სჭირდება. სხვაფრივ როგორ გინდა, ყველაფერი ნახო, ყველა სიღრმეს იასწვდე, ნანახი და განცდილი ფიქრში გამოატარო, მერე სიკეთეს თავი მოუყარო, ბოროტებასაც უცდომლად მიაგნო და ბრძოდე?!

– მოკრძალება შენ ხანდახან ხუმრობისკენ გდრეკს, უფლისწულო. ეგ შვიდი სიცოცხლეც გამასხრებით იყო ნათქვამი, – დიმილით მითხრა კრონმა. – მაგრამ შენც ხომ იცი, ეგ ჭეშმარიტებაა და ბარემ ისიც მითხარ, მაგაზე როგორ გაქვს ნაფიქრი.

– ახლავ გეტყვი... მოფიქრება უნდა, რომ მოკლედ იყოს.

კრონის პირველი გამოლაპარაკების შემდეგ, მართლაც, მოკრძალებისგან იყო თუ სხვა რამ ეშმაკის მანქანება შემიჩნდა, ბანზე შეგდებულსა და ირიბს ზშირად ვამბობდი და მერე ეს თავადვე მეუხერხულებოდა, სინდისს მიწუსებდა; ვგრძნობდი, ამ კაცთან ჭეშმარიტი გუნების მალვა ამაო იყო – შიგ სულში ჩამცქეროდა, მაგრამ თავს ვერა და ვერ მოვეერიე, სიღინჯესა და გამბედაობას ვერ ვეწიე, სანამ იგი თავად კრონმა არ მომთხოვა...

– მაგაზე როგორა მაქვს ნაფიქრი: ცხენისა ყველანაირი სიარული თუ არა ვნახე, მარტო გარედან ცქერითა და კბილებში ჩახედვით ღირსებას ვერ გავუგებ. მონგოლობა საკაცობრიო ბოროტებაა – მაგათ სასარგებლო არავისთვის არაფერი შეუქმნიათ. საუკუნეა ძარცვას, ნგრევასა და ამოწყვეტას ადგანან. მაგ აღმონაცენს

ეგრე არსებობის საშუალება უნდა მოესპოს, დათრგუნვა უნდა. როგორა, როცა ეგ ცხენი სიარულში არ მინახავს, მაგისი ზნე არ ვიცი?! გარედან ყოჩაღად გამოიყურება, საღეჭი კბილები ჩამპალი აქვს, ამას ვხედავ და ეგ არის და ეგა ჩემი ცოდნა. ეხლა მეორე ვთქვათ: აღზევებული ბოროტების ბუნებისას ვერაფერს ვაივებ, თუ იმასაც არ იცნობ, რის დათრგუნვითაც აღწევდა იგი...

— ბოროტების აღზევება მხოლოდ სიკეთის დათრგუნვით არის და პირუკუ, — ჩამირთო კრონმა.

— მაგას ვგულისხმობ და ევეც ცხენია, მაგრამ შესახედავად — ჯანდაგი, — კბილებით — კვიცი და ამის მეტი არც მაგ ცხენისა გამეგება რამე, მე კი, თუ მართლა მძლედ მოვსულვარ, როგორც შენ ამბობ და არა მხოლოდღა მხმობლად — ადამიანის, ხალხის, ერისა და კაცობრიობის ბუნებაში სიღრმით წვდომა მმართებს, ორთავე ცხენის სიარული უნდა ვნახო, ორივეს ზნე ვაუიგო და, ამასთან, შვიდმა სიცოცხლემაც იქნებ მაშინდა იკმაროს, თუ განგებას ჩემზე მაგდენი მაღლი აქვს დაბერტყილი.

— „კავშირთათვის საგანთა“ გასწავლეს, უთუოდ, — კრონმა შემომხედა, პასუხს დაელოდა.

— გრიგოლ შუამთელისგან მოვისმინე ეგ მოძღვრება გელათში ამ სამი წლის წინ.

— გეტყოდა გრიგოლი: მთრგუნველი და თრგუნვილი, თუნდ ხალხმრავალი ერი იყოს ორთავე, ერთარსებად განიხილება, როგორც ერთ კაცში პირისპირ მბრძოლი სიკეთე და ბოროტება და კაცის მთელი სიცოცხლის, ანუ მთრგუნველისა და თრგუნვილის მთელი კავშირის განსილვით შეიცნობა და არა ერთი რომელიმე ვითარების შეცნობით. ამისთვის ერთი და ორი სიცოცხლე მართლა ვერ იკმარებს, რადგან თვით მაგ კავშირის ერთი სიცოცხლე კაცის შვიდი სიცოცხლის სიგრძეა. ეგ არის, შენ ექვსი უკვე გამოვლილი გაქვს და მეშვიდეს ახლა ცოცხლობ. ადრეც ვითხარი, — ვერ გეხსომება ჩემთან ნამყოფობა-მეთქი, და არც ეგ არის დიდი ბედენა, დაბრუნდები და გაიხსენებ.

— ექვსი სიცოცხლე მაქვს გამოვლილი და მეშვიდესა ვცოცხლობ? — გავიძეორე, რომ იგავს ჩავწვდომოდი, მაგრამ ვერაფერს გავხდი და ვკითხე: — ეგ, როგორ?

— კაცებრ. შენ იგავი გეგონა, არა? მუდამ ეგრეა, იგავი ჰგონიათ ხოლმე.

— ექვსჯერე მძლედ ვიცოცხლე?.. — თავი ვეღარ შევიკავე, ხარხარმა ამიტახა, თვალთაგან ცრემლები გადმომსკდა.

რამდენი ვიცინე და როგორი სიცილი იყო!.. — როგორი და — მხიარულიცა და სიხარულიანიც — ზღაპარიც მაცინებდა და ისიც, რომ მე ექვსჯერ უკვე ვიყავ ცისა ქვეშე, ექვსჯერ უკვე ვიწვნიე სიცოცხლის უღელიცა და სიამოვნებანიც. ახლა, თურმე, მეშვიდედ მოველ. ისევ წავალ და, ღმერთმა იცის, კიდევ რამდენჯერ ძოვალ სიცოცხლის, გულის, გონებისა და ძალის ხმევის ნექტრის სასმელად...

— მძლედ პირველად მოხველ, — თქვა კრონმა, როცა გული ვიოხე. — ექვსჯერ სიცოცხლეში ვინც იყავ, ნამყოში დაბრუნებებით მიხვდები.

— ნამყოში როგორღა უნდა დავბრუნდე?!

— აკი ვითხარ, გზაზე მე გამყევხართ-მეთქი

— უნდა მოვკვდე და ისე?

— არა, ხილვებით. როცა ვითარება მოვთხოვს, ვარდასასვიისა და წარსულ ვითარებათა ხილვის უნარი მოგეცემა ხოლმე.

ვერ ვიტყვი, კადევ რამდენ ხანს ვისხედით. ის კი მასხოვს, ნაღვერდალი ჩა-  
ნაცრდა, სიბნელე ჩამოწვა და როცა ძლივსღა ვარჩევდი საგნებს, მაშინ წაძოღვა  
კრონი. მეც ავდექი, მშვილდ-კაპარჭი და ხმალი ავისხი. კრონმა თვალი თვალში  
გაძიყარა, მიყურა და გაბრუნდა, ბალავარში დატანებულ კარს მიაღვა. უნებურად  
იყო თუ როგორ — მიყვევი. ჩემმა მენტორმა კარს უჩხიკინა, მიაწვა. კარი შეაღო,  
კრონი შევიდა და მეც გადავიარე ღირე.

არ ვიცი, როდის აშენდა და რისთვის იყო განზრახული ეს ვეება დარბაზი.  
თავსა, შუაზე და ბოლოში თითო ჩირაღდანი ენთო და ბინდ-ბუნდში იქაურობა  
გადახურულ ჰიპოდრომსა თუ ცხენოსახედნავს წააგავდა — სარბოლი ბილიკისა და  
სახედნი კალოების კვალივით რამ იგრძნობოდა. ყველა სნეულს ხის მორებით შე-  
ძონაზღვრული თავისი სამყოფელი ჰქონდა, მაგრამ ზოგისა დიდი იყო, ზოგისა  
საშუალო და უმეტესობისა კი მცირე. ერთნი იწვნენ, სხვები დაფრატუნობდნენ,  
ზოგი მუხლმაგარ ბოლთასა სცემდა. რამდენიმე სნეული დარბაზს გარშემო მუნ-  
ძულით უვლიდა, ხის მძიმე ქოშებს დააბაკუნებდა და ისეთებიც იყვნენ, მქადაგებ-  
ლებივით რომ რაღაცაებს იძახდნენ — ზოგი მჭექარედ, ზოგი ღუღღუნ-ბურტყუ-  
ნით. დარბაზში ზავთი და ჟრიაძული ბურუსივით დადიოდა. ერთი კაცისას ვერა-  
ფერს გაიგონებდი, ყველასი ერთად, ერთ დიდ, ყრუ ხმაურად ისმოდა და ეს ცივი,  
გაუტანელი სიჩუმე იყო. კრონი დინჯად მიაბიჯებდა. დარეტიანებულივით მივ-  
დევდი, ვითომ ყველაფერზე თვალებს ვაცეცებდი, მაგრამ რაიმეს აღქმისა რა მო-  
გახსენოთ — გარს სიცარიელე მერტყა, სივრცეში ერთი ვეება, რუსი ღრუბელი  
ღივლივებდა. — ეგ იყო და ეგა.

დარბაზის ბოლოში გავედით. კრონმა ახლა იქაურს კარს დაუწყო ჩხიკინი.  
უკან მივიხედე. მომეჩვენა, რომ დარბაზის კამაროვანი ჭერი ვარსკვლავებით იყო  
ძოჭედილი და რომელიღაც თაღზე ნამგალა მთვარეც იჯდა. ამან ერთიანად შექ-  
ძრა, თითქოს გამომაფხინლა კიდევ და კრონს შევხედე. კარი შეეღო, იდგა, მიყუ-  
რებდა.

— წამოდი, უფლისწულო, ახლო მომავალში მაგათი, ყველას სათითაოდ ნახვა  
ძოგელის. უმაგათოდ ვერაფერს ივლი და ვერას იხილავ.

ზღურბლი გადავიარე. რკინის კარმა ყრუ ჩახანი გაიღო, საკეტებმა გაირა-  
კუნეს. ვიფიქრე, — დიდი ხნის გადაშენებული გვარის საძვალეში ვარ-მეთქი...


კრონის სენაკში ვიყავი. ჭრაქი ბჟუტავდა; სარკმლის სიღში უკვე განთიადი  
აპირებდა შემოხედვას. რიგიანად ვერ მოვასწარი იქაურობის მოთვალეირება, რა-  
დგან შუა ოთახში ფარდაგიან ტახტზე სასწორი იდო, ორთავ პინაზე თითო ბა-  
კანი ედგა და ამან მიიტაცა ჩემი გულისყური... კი არ იდო, ზედ შუა ოთახში ფარ-  
დაგიან ტახტზე საზაროდ საზეიმოდ თუ ესვენა როგორც კუბო ან თვითმპყრობელი-  
სთვის მორთმეული ფასდაუდებელი ძღვენი. ნაბიჯი წავდგი, ბაკნებში ჩავიხედე.  
ორივეში თითო თუ ორ-ორი მუჭა წვრილი კენჭი ეყარა. მარცხენა ბაკანს გადაე-  
წონა და თვალითაც ჩანდა, კენჭი ამაში ჭარბობდა.

— ეს რა არის? — ვკითხე კრონს.

— სასწორია. მძლეუთა სიკეთის, ბოროტებისა და სინანულის სასწორი. —  
იყუჩა, გაიღიმა და დასძინა: — ეგ საკუთრივ შენია.

— ამათში სიკეთისა რომელია და ბოროტებისა რომელი? — ბაკნებზე დაეუ-  
თითე.

– თავად დაინახავ.  
დაწონილ ბაკანში კენჭი ჩავარდა, წკლაპანი გაიღო. კრონს მივაჩერდი.  
– ეგ გუშინდელი დღისაა, უფლისწულო! – მითხრა კრონმა.  
– გუშინდელი დღისა?! – გავიმეორე და ცოტა სნის შემდეგ ჩურჩულითა  
უთქვი; – დილიკა! – არ ვიცი, სინარულმა მათქმევინა თუ სინანულმა.  
კარში გამოვედი, დაღმართში დავეშეი უკსოზე. ან რად მიხლოდა გზა, როცა  
სევეები ბარისკენ ჩარბიან, ბარში მდინარეები დიან, მდინარეებთან სოფლები ან ნა-  
სოფლარებია და გზებიც.  
მზიან, კაშკაშა დღეს აპირებდა. მივდიოდი და ღამეზე ვფიქრობდი, იმ ღამეზე,  
დღევანდელ დღეს რომ უნდა მოჰყოლოდა.  
თავს ვაღდებულად ვრაცხდი, ამაზე მეფიქრა.



წიგნიდან „სიზმარეული მესხეთი ჩემი“

ვუძღვნი მესხეთის აღორძინების  
დღად განთიადს



სიზმარეული მესხეთი ჩემი,  
მახვალთამამი, სიტყვათამამი,  
ჩემი ბეშქენ და ბექა გრძნეული,  
ჩემი რუსთველი, ჩემი თამარი,  
იყო ეს მხარე მაშინ ხმასრული,  
მოთაყვანე ვარ მუდამ მე რისიც,  
თუ ვცოცხლობ — ჩემი დიდი წარსულით.  
და თუ ვიცოცხლებ — დიდი მერმისით.  
შენ რაც არ იცი, რით მიგახვედრო,  
გახედე შორს ცას, ასე ბოლო შავს,  
მომე ჭოგრიტი, უნდა გავხედო  
ძველი მესხეთის თავს და ბოლოსა,  
ყველას თავისი სტკივა ჭრილობა,  
ყველა თავისი ცეცხლით იწვის და..  
მე რაც მინდოდა, შენ რაც გინდოდა,  
წაიღო ჟამთა დიდმა იმ წვიმამ...  
რაც დამრჩა, ახლა მას ვეფერები,  
ის ჩემი დიდი განძი მგონია,  
ჩემო მესხეთო, შენი კერებით  
კვლავ დაემგავნე ზღაპრულ გოლიათს.  
ვდგავარ, ვლოცულობ ჩემს სატაძროში, —  
ხელთა მაქვს შოთას წიგნი რჩეული...

იცით, სად არის  
იცით, რა არის  
ჩემი მესხეთი სიზმარეული?!



ვინ განაახლებს ამ მხარეს ნეტავ,  
 სულს ვინ ჩაუდგამს აქ ვაზებს გამხმარს?!  
 მე მიხარია, მომავალს ვხედავ,  
 მე ვეხუტები ჩემს მესხეთს ახალს.  
 ნეტავ, რისთვის მაქვს გული ამგვარი,  
 რომ აღზევებას ყოველის ვნატრობ?!  
 ყელამდე ვიყო ცეცხლში ჩამდგარი,  
 ოღონდ ჩემს მამულს რამ მივუმატო,  
 მტკვარს მოემატოს წვეთები თუნდაც,  
 თუნდ მოემატოს კენჭი რამ მესხეთს,  
 გადავიღიმებ მე დიდ მესხურად,  
 დაკოცნი ნედლთა შემოქმედ შენს ხელს,  
 თუკი გაქვს გული, თუკი გაქვს გონი,  
 მიხვდი, გაიგე, რა გაგეცლება:  
 შენ თვალებს ხუჭავ, შენ გძინავს მგონი,  
 ვერ გაპატიებ მაგ უძეცრებას.  
 ვერ გაპატიებ — ვერ გხედავ ფხიზელს,  
 და გულგრილობას ვერ გაპატიებ,  
 ამ ტაძრებიდან მე შოთა მიმზერს,  
 ბალავარში რომ კვლავაც დგამს ტინებს.  
 იკითხე მისი სიბრძნე უძლევი,  
 და სავსე გულით სთესდე და მკიდე,  
 და შენ იქნები მუდამ უძლევი  
 ეს წიგნი დიდი არსებობს ვიდრე,  
 მესხეთისათვის სიცოცხლე დადე,  
 კვლავ, რომ არ გახმეს ვაზიც და ეს ხეც,  
 რაკი ქვეყანას გამოეცხადე,  
 ეგ შენი სისხლი,  
 და შენი სული,  
 უბოძე მესხეთს.

## ჩვენი მესხეთ-ჯავახეთი

როგორ მიყვარს, როგორ მიყვარს მესხეთი და ჯავახეთი,  
 ჩვენი თმოგვი და ვარძია, ჩვენი განძი და სახელი.  
 სატროფოსავით სანატრელო, რუსთაველის წმინდა მხარევ,  
 ჩვენი გულის სანუგეშოდ აყვავდი და გაიხარე,

დე, გამრავლდით დებო, ძმებო, უკან არ გვაქვს დასახევი,  
სულ ცოცხლობდეს, სულ ჰყვოდეს ჩემი

მესხეთ-ჯავახეთი.

ორივ თვალმც დაუდგება, ხანჯლით იყოს გასახევი,  
ვისაც, ვისაც არ უყვარდეს ჩემი მესხეთ-ჯავახეთი.  
დღესი დიდი მოძაგონდა და ფიქრების ჯავარს ვხეკდი,  
დე, ცოცხლობდეს მარადისად ჩემი მესხეთ-ჯავახეთი!

### გ ზ ა ლ ა ბ ზ ა

მივხვდი, მივხვდი ვინცა ხარ, ისე უქცევ კილოკავს,  
ბედს მესხეთის მიწაზე, ანგელოზი გილოკავს.  
შემხვედრიხარ ზამლეთში, ღორჯომში ან ჭვანაში,  
თითქოს სული დატოვე შენს ნაჯაფარ ჭალაში.  
არა, რა გაქვს საღარდო, უკან არ მოიხედო,  
უსაყვარლეს ჩვენს მესხეთს დღეს შენც უნდა მიხედო.  
გვაუდეს შვილი თორმეტი, დაარწიე აკვნები,  
და აანთე სანთლები, — უკუნში გზის გამკვლევი.  
სიბრძნე ჰკითხე ბერიკაცს, შენ რომ შეხვდი გოდერძთან,  
არც კი გაგიჭირდება მერე სხვისთვის ბოძებაც,  
ერთ რჩევას მეც გიტოვებ, ჩვენც ხომ ვართ საჭირონი:  
სალამური გქონდეს და გქონდეს შენი ჭიბონიც.  
შენი ლექსიც შენ გქონდეს, არ მიაგლო ჩონგური,  
არასოდეს ნამუსის ყოფილიყო ორგული.  
შენი გოგო ნიავსაც უბეს არ აკარებდეს,  
— შემობრძანდი სტუმარო! — სულ გეწეროს კარებზე, —  
და მაშინ მეც მოგივალ, სიმებს ერთად ჩამოვკრავთ,  
სამღერები ახალი ერთად უნდა ჩამოვქნათ.  
ერთად უნდა ვუმღეროთ ამერ-იმერს კურთხეულს;  
— გენაცვალე, აყვავდი, ქართლის ყველა კუთხეო!

### ჩემი დიდი ვარძია ჩანს..

მტკვარო, სიდან მოჩხრიალებ, საით დარჩა ჩემი ანჩა?  
დახარბებით ვიცქირები, — ჩემი დიდი ვარძია ჩანს,  
ნისლო, საით წამოსულხარ? ჩემი ბანა მიტომ არ ჩანს,  
თმოგველ გოგოს ვეფერები, გაღმით ჩემი ვარძია ჩანს.

საით დამრჩა მე ხახული, და იშხანი საით დამრჩა?  
 რაღა დამრჩა... რაღა დამრჩა... ჩემი დიდი ვარძია ჩანს.  
 და კიბეზე დედოფალი ჩანს ღვთაება-ხატივითა,  
 გაზაფხულად ეფინება, მე კი გულში მარტი მიღვას.  
 იგი ალბათ სოსლანია, როგორ შვენის ხმალ-კაპარჭი!  
 ბასიანში ხომ არ დასჭრეს?! მინდა მივეშველო დაჭრილს.  
 ჩემი მარად სალოცავი საქართველო განმიდიდეთ,  
 ქაჯეთისა ციხე მოსრეთ, გველეშაპი განმირიდეთ.  
 დედოფალო, დილო თამარ, შენ რაინდო, დილო სოსლან,  
 როს გარდაქრით საწუთროდან, ჩვენი სული ვინ,  
 ვინ მოსრა?!

თქვენი ტუჩი გაიპობა, ხმა კი, ხმა კი აღარ ისმის,  
 და ინთქმება უფსკრულებში მგზავრი მგოსნის ღალადისი,  
 რა ვქნა, რა ვთქვა საიმედო, სანუგეშო აღარ ისმის,  
 და ბნელეთში იფერფლება მგზავრი მგოსნის ღალადისი,  
 გულო ჩემო, ნუ იდარდებ, დასასრული თუმცა არ ჩანს.  
 ზოგი ფერფლად დაიფანტა, ჰაუ, ზოგი შორეთს დარჩა...  
 ხან მხარგაშლილ სოფელსა და ხან ნიალის მინდვრებს  
 ვუმზერ,

ხან გავხედავ ლურჯ კამარებს, და ცა მაყრის  
 ღალ-ფირუზებს.

ვინც საყვარელ ამ მამულში მოვიდეს და აქ დასახლდეს,  
 მას საწუთრო გაუნათდეს, ოცნებები მისი ახდეს.  
 მესხეთი რომ მოვიარე, თვალიც, გულიც მე აქ დამრჩა  
 აქეთ დიდი თმოგვი ჩანს და იქით დიდი ვარძია ჩანს.  
 თვალს ვერ ვკიდებ შორს გაქცეულ დამეებს და  
 წისლებს ყაჩადს,

ელავს დიდი განთიადი...

და წინ დიდი ვარძია ჩანს.

• •

ყოველ წელიწადს მე შენთან მოვალ,  
 ჩემო ვარძიავ... ჩემო ასპინძავ...  
 რისთვის მაქვს ნეტავ ასეთი ლტოლვა? —  
 მინდა ვიცოდე გძინავს თუ გღვიძავს.  
 მინდა ვუსმინო შენს მაჯისცემას,  
 მინდა გხედავდე ამაყს და ძლიერს,  
 არ დაგვერქმევა მამულის კაიკი,

თუკი ფარულ მუმლს ჩვენ ვერა ვძლივით.  
მინდა, იმ გორებს... მინდა, ამ გორებს  
ესახლონ მჭიდროდ მამულის მკვიდრნი,  
რომ მოვიკრიბოთ ისევაც ღონე,  
რომ ისევ ჰქუხდეს მესხეთი დიდი,  
მტკვარო, იდინე ასე მარადის,  
ხმა გამაგონე რუსთველის ჩანგის,  
შემომპარვია რაღაც ვარამი,  
თითქოს მოვა და სატანა აღმგვის.  
ვერ გავჩერდები, ვერა უშენოდ,  
ყოველ წელიწადს მე შენთან მოვალ,  
შენ აღზევდები, შენ უსაშველოდ,  
ცეცხლს მოვუკიდებ ჩემს იჭვს და გლოვას.  
.  
ყოველ წელიწადს მე შენთან მოვალ.

**ღმერთო, მიგრაველს ეს ჩემი უღე...**

ამდენი ქედი გადმოვიარე  
აღტაცებით და ჰალალი გულით,  
რომ მომეტანა შენთვის, უღეო,  
ნატვრა, ოცნება და სიყვარული.  
მე ყველა სახლში ვერ შევიხედე,  
ის კი მგონია – მე ყველგან ვსუნთქავ,  
ჩემი აჭარის ყველა სოფელი  
ასე ახლოა პოეტის სულთან.  
ვერ ვინახულე აკვანი ყველა.  
ვერ ვინახულე აკვნის ჩვილები,  
იქნებ უნდოდათ პოეტის შველა,  
რომ გამეხვეტა მუმლი-ჩრჩილები.  
ვინმე უღელი წარსულს მანადვლებს,  
და თან თვალებში ცრემლი ერევა,  
თვითონ დგას ქიმზე, მე მიმცა ტალღებს,  
მაწამებს კაცს და თან მეფერება.  
განა არ ვიცი, ცეცხლში ბუგავდნენ  
მესხურ ჯვარსა და მესხურ კერიას,  
და ყველა კარზე მწარე წარსულის  
ღარღი სწერია.

რამდენი რამე არ გაუიხსენე!

ბევრი ვიფიქრე, ბევრი ვინადკლე...

ღმერთო, მიმრავლე ეს ჩემი უღე,

ნუღარ მოასწრებ ნურასდროს წარღვნებს.

### ეს კუმურღოა, ჩემი კუმურღო...

აქ დღეს მოვედი, კარი შევაღე,

და წინაპრის ლანდს ხელი შევახე,

მიტომ მოვედი დანატრებული,

ჩემო ოსტატო, შენ რომ მენახე,

უუალერსებდი დამტვრეულ ლოდებს.

და მე მტკიოდა მათი ბზარები,

ათას წელიწადს მინდა რომ მქონდეს

აწ მტვრად ქცეული მისი ზარები.

ო, წინაპარო, შენი მარჯვენა,

როგორც შეიღს, ისე მეალერსება...

და იცი, გული რად მეტანჯება?—

შენს წამებას რომ ვძერწავ ლექსებად...

რამდენი უნდა ტანჯვა მოვთვალო,

გულის ჭრილობა როდი მორჩება,

შენ გენაცვალე, კუმურღოს მთაო.

შენი ბაღნარი კვლავ განორჩდება.

### ი ა მ ზ ე

მე ვარძიაში შემხვდა იამზე,

იამზე შემხვდა, გოგო ზარზმელი,

თმები უთრთოდა მტკვარის ნიაზე,

უშრიალებდნენ სულში ვაზები.

ეფერებოდა ლოდებს ვარძიის,

ათთქოს თამარის ნაზ თმებს ვარცხნიდა,

ვინ შეამოკლოს ჩვენი მანძილი,

მე საპატარძლო მეტი არც მინდა.

თმოგვს რომ გახედა, უცებ აცრემლდა,

სწუხს, რომ ლოდები დაშვავებულან.

თვალში ჩავხედეთ უცხო კაცებმა,

ერთმა თქვა: — მით რა დაშავებულა?!  
წყენით თქვა: — ეს რა საკადრისია,  
ის ჩვენთა ძველთა არის ნაშენი! —  
თითქოს უმზერდა წარსულს სისხლიანს,  
რომ აღარ იყო მესხთა საშველი.  
წამწამზე ვჭვრეტდი ცრემლის თბილ  
წვეთებს,  
სევდა თალხაედა თვალებს სანატრელს,  
ღიმილით თალხი ვერ გავუკვეთე,  
და სული მისი ვერ გავანათე.  
ხანდახან შოთას ბწკარს იშველებდა,  
და დაადგამდა თავის აზრს გვირგვინს,  
არ გვიწერია გადაშენება,  
რადგან ჩვენ გვაქვსო რუსთველის წიგნი.

აგვისტო. 1981 წ.



# მეშვენი, დაე ზიხაროდო...

— აღარ შემიძლია ამდენი, გასკდა თავი და ისაა! — გატანჯული კაცის ხმით წარმოთქვა მან.

თავი დომენტის არც ცოდნით და არც დაძაბული შრომით უსკლებოდა. წინა ღამით საქართველოს სადღეგრძელო ლიტრიანი ვაზით დალია და ყველაფერი იმის ბრალი იყო, თუმცა სიმართლეს ლილის ვერ გაუმხელდა, რადგან სულ იმას ეჩხუბებოდა, ჩემზე უფრო ღვინო და არაყი გიყვარსო. ღვინოზე ვერაფერს გეტყვით, მაგრამ არაყს დომენტი ახობაძე მხოლოდ შებოლილ თევზზე აყოლებდა არცთუ ისე სისტემატურად. ვინმეს ამ ფაქტიდან განზოგადებული დასკვნა რომ გამოეტანა.

ასე იყო თუ ისე, ლილისთან კამათს დომენტიმ ჩვეულებისამებრ თავი აარიდა და უფროსთან შესასვლელად მოემზადა (მოშვებული ჰალსტუხი წაიჭირა).

— არ გირჩევ შესვლას, დღეს ხასიათზე ვერაა. — გააფრთხილა ლილიმ.

— მაგის ხასიათს არ უყურებს დომენტი ახობაძე!

— სიფრთხილეს მაინც თავი არ სტკივა.

— თავი მე მტკივა, მაგის შემხედვარეს, — დომენტიმ შუბლზე ხელი მოისვა, — კი, მაგრამ, რამ გაუფუჭა ხასიათი, კარგი სამსახური რომ აქვს და კარგ ფულსაც რომ შოულობს, იმან?

— არ ვიცი, ჩემთვის არ უთქვამს. — მოუჭრა ლილიმ.

— იქნებ, წყალი შეუყენეს და...



— პირიქით, თათბირზე პრეზიდიუმში მიიწვიეს, მოხსენებას უნდა წაიკითხოს.

— ვიცი მე მაგათი ამბავი. ჯერ მოხსენებას წაგაკითხებენ და მერე მოხსნის ბრძანებას! — რიხიანად თქვა დომენტიმ, მაგრამ უფროსის შავდერმანტინიანი კარი მაინც მორიდებით შეაღო. შეაღო და საკუთარ თვალებს არ დაუჯერა — მანუხარ შილაკაძე ტრიბუნაზე იდგა, ხელებს იქნევდა და თანაც ასეთ სიტყვებს წარმოთქვამდა:

— მიმდინარე სამეურნეო წელს ჩვენმა გამოსათვლელმა სადგურმა ვადაზე ადრე უნდა გამოთვალოს თითოეული მუშაკის შრომის ნაყოფიერების დონე. ხოლო ამ პრობლემებს გადაჭრის შემდეგ...

დომენტიმ ერთი გაფიქრება კიდევაც გაიფიქრა, ხომ არ გადარეულა ეს უპატრონო, მაგრამ შემდეგ მიხვდა, რომ უფროსი თათბირისათვის საგანგებოდ ემზადებოდა, ამიტომ რთული ქვეწყობილი წინადადების დამთავრება აცალა და მერე ხმამაღლა ჩაახველა. ხმა კი არა, ხრინწი უფრო იყო, მანქანას რომ სიჩქარის კოლოფი გაუფუჭდება, სწორედ ისეთი!

მანუხარ შილაკაძემ კითხვა შეწყვიტა და გაოფლილი შუბლი დიდი ცხვირსახოცით მოიწმინდა (მისი შუბლის პატრონს პატარა ცხვირსახოცი რას გამოადგებოდა).

დომენტიმ ხელები გაშალა და ყურებამდე გაიღიმა.

— გენაცვალე, პეტროვიჩ, კა ხარ, რომ უნდა, ისეთი კაცი!

მისი აღტაცება უფროსმა არ გაიზიარა და ცივად შეეკითხა, რა გნებავს, ამხანაგო.

— დომენტი ვარ, პეტროვიჩ მე, ახობაძე, — ხმა დაუწვრილდა დაბროგრამებისა და კოორდინაციის განყოფილების უფროსს.

— რა ვქნათ, ახლა, დომენტი ახობაძე რომ ხარ?

— მართლა ვერ მიცანით, მანუხარ პეტროვიჩ? — გულწრფელად იკითხა დომენტიმ.

— კი გიცანი, მაგრამ დაუკითხავად რატომ შემოხვედი? — მანუხარი ტრიბუნიდან ჩამოვიდა, სამუშაო მაგიდასთან მივიდა (თათბირებასთვის სხვა მაგიდა ჰქონდა) და ზარი დარეკა.

ღილი შემოვიდა. დომენტისკენ არც კი გაუხედავს, უფროსს მიაჩერდა.

— რამდენჯერ გაგაფრთხილეთ, დაუკითხავად არავინ შემოუშვათ-მეთქი! — მანუხარს თავი არ აუწევია, სპეციალური დაკვეთით ჩამოსხმულ თუჯის უზარმაზარ სამელნეს მისჩერებოდა. ამ სამელნეში მანუხარა ფერად ფანქრებს აწყობდა, რეზოლუციების წასაწერად კი ტურისტული მოგზაურობის დროს ნაყიდ ავტომატურ კალმისტარს ხმარობდა.

— დომენტი ხომ სხვა დროსაც დაუკითხავად შემოდიოდა? — თავი იმართლა ღილიმ.



— ერთხელ და სამუდამოდ გაიგეთ, რომ ახლა სხვა დრო არ არის! —  
შეკაცრად თქვა გამოსათვლელი სადგურის უფროსმა.

— გასაგებია, მანუჩარ პეტროვიჩ. — მორჩილად მიუგო ლილიმ და კა-  
ბინეტიდან გავიდა.

დომენტიმაც ჩაილაპარაკა, ჩემთვისაც გასაგებია ყველაფერიო და  
წასვლა დააპირა.

— დაიცა, ასე ადვილად შენ ვერ გაგიშვებ! — მანუჩარი სავარძლიდან  
წამოდგა და განყოფილების გამგესთან მივიდა.

დომენტიმ ინსტინქტურად ორი ნაბიჯი უკან გადადგა (კარებს მიუახ-  
ლოვდა).

— დაჭერას ხომ არ მიპირებთ, მანუჩარ პეტროვიჩ? — გაბრაზების  
მიუხედავად, დომენტი ახლობაძე მაინც მრავლობითში და მამის სახელო-  
ბითში მიმართავდა, რადგან უფროსი ყოველთვის უფროსი იყო.

— არც ესაა გამორიცხული. — იხუმრა მანუჩარ პეტროვიჩმა, თუ ამას  
ხუმრობა ჰქვიოდა.

დომენტიმ, ვითომ, მხარი აუბა.

— მაშინ სახლში დავრეკავ, საცხოდ მოვემზადები.

— მოემზადები, თორემ ერთბაშად ფული არ დავრჩევ მიწაში დამალუ-  
ლი! — „მიწა“ მანუჩარმა გაზეთში წაკითხული სტატიის ანალოგიით ახს-  
ენა, თორემ, პირადად, ფულის შენახვის უკეთესი საშუალებები იცოდა.

დომენტი თითქოს უფროსის ფიქრებს მიუხვდა.

— ფული ვისაც აქვს დამალული, მაგი კი ვიცი მე!

— საქმეზე ვილაპარაკოთ, ამხანაგო, საქმეზე! — მანუჩარ პეტროვიჩმა  
საუბარს სხვა კალაპოტი მისცა, — თქვენი განყოფილება მესამე კვარტა-  
ლის გეგმას თუ შეასრულებს?

— წინასწარი გამოანგარიშებით, ნოლი მთელი და ხუთი მეათედი  
პროცენტი დაგვაკლდება, პეტროვიჩ.

— ესე იგი, ვერ შეასრულებს!

— სამაგიეროდ, მეოთხე კვარტალში ვალდებულებას ვკისრულობთო.

— შეგიძლიათ წახვიდეთ! — უფროსმა აუდენცია დაძთავრებულად  
ჩათვალა.

დომენტიმ მაინც ინერციით გააგრძელა.

— ნოლი მთელი და ხუთი მეათედი პროცენტით...

— მიბრძანდით, ამხანაგო! — მანუჩარმა საჩვენებელი თითის მაგიერ  
კარი წითელი ფანქრით უჩვენა.

ბოლოსდაბოლოს, დომენტი ახლობაძის მოთმინების ფიალაც აივსო.

— კარგად ბრძანდებოდეთ, ჩემო ბატონო, ყველაფერს ძალღის ნაკბე-  
წივით დაგიმახსოვრებთ! — ეს უთხრა, კარიც მიუჯახუნა და პანლურ-  
ამორტყმულივით იმ გრძელ დერეფანში გავარდა, რომლის ორივე მხარეს,

როგორც ადრე მოგახსენეთ, ასეთი წარწერები იყო ანთებული: „უსაქმოდ  
სუ გაფრედებით“, „ყავა საყავეში დალიეთ“ და სხვა ამისთანები.  
დაბოლმელმა დომენტი ახობაძემ დერეფანში გამოფენილ ლილის,  
ზინასა და მაკას ცნობისმოყვარე სახეებს კი არ შეხედა, არამედ სირბილით  
თავის კაბინეტში შევარდა და პირდაპირ შალვა ცისკარიძეს შეეჩეხა, რო-  
მელაც ისევ თავის კალენდარს ჩაჰკირკიტებდა.

— მოდი, ვნახოთ ორშაბათი, ვისი არის ორშაბათი... მიველ, ვნახე  
ორშაბათი, ლილისაა ორშაბათი... ხუთშაბათს გიგლა რუხაძე დისერტაციას  
იტავს, დებეშას უნდა გაგზავნა... ახლა ვნახოთ შაბათი... შაბათს...

დომენტიმ მეტი აღარ აცალა.

— ტყუილად აწყობ გეგმებს, შაბათს არსად გაგიშვებ!

— შაბათი დასვენების დღეა, ვარდენიჩ.

— დასვენების დღე არ ვიცი მე! გეგმა რომ არ სრულდება, ღამეც უნ-  
და ვიმუშაოთ.

დომენტი ელოდა, დამიწყებს ახლა, ღამით მუშაობა კი არა, ძილი  
არის საჭიროო, მაგრამ შალვა ცისკარიძე იმ წუთშივე დაეთანხმა.

— მაგახე გაწყენინებთ? თუ საჭირო იქნება, ვიმუშაოთ, ბატონო.

— ესე იგი, თანახმა ხარ?

— დიახ.

ისედაც გულმოსულ დომენტის გული კიდევ უფრო მოუვიდა.

— ყველაფერზე თანახმა როგორა ხარ, კაცო, შენ!.. ერთი საწინააღმ-  
დეგო სიტყვა არ უნდა თქვა რაიმე?

— მაინც რა უნდა ვთქვა საწინააღმდეგო?

— შაბათს არ მინდა მუშაობა-თქვა... პაემანზე უნდა წავიდე-თქვა...

შალვამ დაცინვა არ შეიმჩნია, მშვიდად უთხრა, სანამ გეგმას არ შე-  
ვასრულებთ, ზედმეტი მუშაობით არაფერი დაშავდებაო.

— ესე იგი, არც კვირას მოსვლაზე იტყვი შენ უარს? — ჰკითხა დო-  
მენტიმ.

— თუ საჭირო იქნება..

რასაკვირველია, შალვას მხრივ ეს დიდი მსხვერპლი იყო. თუ სხვე-  
ბი კვირადღეს ძმაკაცებთან ქეიფსა და ჰარი-ჰარალეში ატარებდნენ, შალ-  
ვა ცისკარიძე კვირაობით მხოლოდ წიგნებს კითხულობდა და ერთი საა-  
თით ტელევიზორში „კინომოგზაურთა კლუბს“ უყურებდა. არა, მოგზაუ-  
რობის ტრფიალი არ გახლდათ, ტურისტად არც საზღვარს შიგნით ყოფი-  
ლა და არც საზღვარს გარეთ, ხარჯებს კი არ ერიდებოდა, არამედ ორგა-  
ნიზაციული საკითხების მოგვარება არ ეხერხებოდა. უცხო სახელმწი-  
ფოებს რომ თავი დავანებოთ, ხუთი წელიწადია, საკუთარი სოფელი არ  
ენახა.

დომენტი ახობაძემ თავის ოანამშრომელს მორჩილ თვალებში ერთ-



ზანს გაკვირვებით უყურა, შემდეგ ხელი ჩაიქნია, კვირას კი არა, სამუშაოშია დღეებში არ მიკეთებს ხალხი საქმესო!

– მაგალითად, ვინ? – ჰკითხა შალვამ.

– რა მაგალითი გინდა!.. ზინა და მაკა ლილისთან დაღამებამდე ჭორიკნობენ.

შალვამ, რასაკვირველია, ქალები დაიცვა, ახალგაზრდები არიან, არ გაემტყუნებათო.

– დამლაგებელიც ახალგაზრდაა, მტვერში რომ დაგვახრჩო?

– შვილიშვილი ჰყავს ავად და დროზე მოსვლას ვერ ასწრებს.

– მერე, რა ვქნა მე, თუ ავად ჰყავს?!

– ასეთი ლაპარაკი როგორ გეკადრებათ, ვარდენიჩ?

– არ მინდა მე შენი ჭკუის სწავლება! – მოუჭრა ვარდენიჩმა.

– დაწყნარდით, რატომ ნერვიულობთ! – რიგითმა თანამშრომელმა უფროსს გრაფინიდან წყალი დაუსხა და მიაწოდა. დომენტიმ წყალი დალია და ყრუდ ჩაილაპარაკა.

– როგორ დავწყნარდე, გული ბოლმით მისკდება.

– გულთან ხუმრობა სახიფათოა, ვარდენიჩ, ბოლმას თავი არ უნდა დააჩაგვრინოთ, გასაჭირს ღიმილით უნდა შეხვდეთ.

– ესე იგი, სულ გაცინებული უნდა ვიყო... შენსავით? – ნდობის ხილზე გაბმული ვიწრო თოკი დომენტი ახობაძემ მაინც გადაჭრა.

– ჩემსავით, ხომ? – შალვას ხმა გაეზარა, მაგრამ თავი მაინც შეიკავა, – ტყუილად ცდილობთ მაწყენინოთ.

დომენტი მიხვდა, რომ გადაამლაშა და ახლა გადმომლაშებას შეეცადა.

– აბა, როცა არ მეცინება, როგორ უნდა გავიცინო?

პასუხად შალვამ თავისი დიდი წინაპარი გაიხსენა.

– ჭირსა შიგან გამაგრება ისე უნდა, ვით ქვითკირსაო. ხომ გაგიგონიათ?

– მაგისტანები ბევრი ვიცოდი, მაგრამ დამავიწყდა.

– მე კი ერთი წუთითაც არ დამვიწყებია!

– შენ, კაცო, რკინის ნერვები გაქვს, წყენას გულში არ გაიკარებ. შალვამ აუხსნა.

– ბევრი წყენა მინახავს, მაგრამ ჩემი პრინციპებისათვის არასოდეს მიღალატია, არჩეული გზიდან არ გადამიხვევია.

– კაცი შენ ყოფილხარ ბედნიერი!

შალვამ თავი მაღლა ასწია და ჭერს შეხედა, სადაც 120-სანთლიანი ნათურა ეკიდა.

– დიახ, ბედნიერი ვარ, რადგან ჩემი ცხოვრების მიზანი პატიოსნება და სიკეთეა!

არაპრაქტიკული შალვა ცისკარიძისაგან განსხვავებით, დომენტი



ახობაძე ცხოვრებაში ღრმად ჩახედული პიროვნება გახლდათ, შესანიშნავად იცოდა, რომ პატარა ხელფასსა და თანამდებობას დიდი ხელფასი და თანამდებობა სჯობდა. პატიოსნებისა და სიკეთის კრიტერიუმებს სწორედ ამ პოზიციებიდან განსაზღვრავდა. ყოველივე ზემოთქმულის შემდეგ, რა გასაკვირია, თანამშრომლის სიტყვებში ეჭვი შეეტანა.

– შენი პატიოსნება და სიკეთე მაინც როგორ მოიხმარე ცხოვრებაში? – კითხვა სავსებით ლოგიკურად იყო დასმული.

– ამაზე მეტად რაში უნდა მომეხმარა? – მომდურავი არ მყავს და ღამე ტკბილად მძინავს. – მიუგო შალვამ.

– წყალი რომ ჩამოგივა სახურავიდან, მაშინაც ტკბილად დაიძინებ?

– რა ვუყოთ მერე, ავღებები და გავაკეთებ, – ისე არხეინად ლაპარაკობდა, თითქოს სახურავის გაკეთება კვარტალური ბალანსის გაკეთება იყო. მეხუთე სართულზე მცხოვრებ შალვა ცისკარიძეს წყალი ონკანში არ ჰქონდა, თორემ ჭერიდან ყოველ გაწვიმებაზე ჩამოსდიოდა. სარემონტო კანტორაში ბევრჯერ შეეხვეწა, ერთხელ განცხადებაც კი დაუწერა, მაგრამ თუნუქის მაგივრად დაპირებას აძლევდნენ.

– დიდი კაცი რომ ყოფილიყავი, – აუხსნა დომენტიმ, – სახურავს შენს მაგივრად სხვა გააკეთებდა.

– ცდებით, ვარდენიჩ, მე კარიერისტი არ გახლავართ.

– არ თქვა ახლა, უფროსობა ცუდიაო.

– გააჩნია ვისთვის, მე, პირადად...

დომენტიმ ხელით ანიშნა, ერთი წუთით გამიჩერდიო, და თვალები ნეტარებით მინაბა.

– უფროსობაზე უკეთესი ქვეყანაზე არაფერია! ზურგი – მაგარი, მანქანა – ახალი, ...რესტორანში შეხვალ და დაგაყრიან შამპანურებს ყუთებით... ჰეი, გიდი, დომენტი ახობაძევ, რა წლებს აცდენ უქმად!

– რატომ ამბობთ მაგას, ვარდენიჩ, თქვენ მშვენიერი პოსტი გიჭირავო.

– მე ყანწი მიჭირავს სუფრაზე... პოსტი – მანუჩარ შილაკაძეს. კითხე... ლმერთი არის ახლა ქვეყანაზე, თვითონ გამოსათვლელი სადგურის უფროსი იყოს და დომენტი ახობაძე განყოფილების გამგე?!

შალვას სხვა რა გზა ჰქონდა, დომენტისთვის გული უნდა გაეკეთებინა.

– თქვენ ჯერ კიდევ ახალგაზრდა ბრძანდებით, ვარდენიჩ, ცხოვრება წინაა, ყველაფერს თავისი დრო აქვსო, ხომ გაგიგონიათ?

„ჯერ კიდევ“ დომენტის არ მოეწონა, რადგან, თმის ინტენსიური ცვენის მიუხედავად, თავი გაუხედნავი კვიცი ეგონა. ამიტომ ხაზგასმით „შენობით“ დაუწყო ლაპარაკი.

– შენ თუ მაგ დროს უცადე, სასაფლაოზე წასვლა მოგიწევს!



— თქვენი არ ვიცი, მე ჩემი გზიდან არასოდეს გადავუხვევ! — მტკიცედ, მაგრამ მაინც ზრდილობიანად განაცხადა შალვამ.

— ესე იგი, სულ კეთილი გზით ივლი?

— სხვანაირად როგორ შეიძლება? — ბოროტსა სძლია კეთილმან, არსება მისი გრძელია.

დომენტი არ მოეშვა.

— არც კული მოგივა არასოდეს?

— მთავარია, წყენა არ გამყვება, კაცს ცუდს არ გავუკეთებ.

— შენ რომ ცუდს გავიკეთებენ, არც მაშინ?

— ჩვენი ცხოვრება ძალიან ხანმოკლეა, ვარდენის, წვრილმანებს რომ ავეყვით და ერთმანეთს გული გავუხეთქოთ. — მშობლიურ სტიქიაში მოქცეული შალვა ცისკარიძე თითოეულ სიტყვას მთავონებით წარმოთქვამდა, მაგრამ დომენტი ახობაძეზე, ეტყობა, მაინცდამაინც დიდ შთაბეჭდილებას ვერ ახდენდა.

— ჯიბვირმა რომ ფული ამოგაცალოს ჯიბიდან, მადლობას ეტყვი? — ნიშნის მოგებით შეეკითხა დაპროგრამებისა და კოორდინაციის განყოფილების უფროსი.

შალვამ თავი სინანულით გააქნია

— მე ვთქვი და ყოველთვის გავიმეორებ, რომ ჰუმანურობა და სიკეთე ცხოვრების მამოძრავებელი ღერძია!

— გასაპვნა რომ დასჭირდეს მაგ ღერძს, სად მიხვალ მერე?

— სანამ ნერვებს არ დაიწყნარებთ, ჩვენს საუბარს არავითარი აზრი არა აქვს! — თქვა შალვამ და საანგარიშო მანქანაზე მუშაობა დაიწყო.

დომენტი ერთხანს ჩუქად იჯდა, მაგრამ ვეღარ მოითმინა და გაბრაზებული წამოხტა.

— კაცი რომ უმიზეზოდ გავლანძღავს, არც მაშინ უნდა უთხრა რამე?

შალვამ ჯერ სამნიშნა რიცხვის ნამრავლი დაიანგარიშა და შემდეგ კვლავ დომენტის დაუყვავა.

— დაწყნარდით, ვარდენის, რა მოგივიდათ?

ვარდენის რა დააწყნარებდა, დაკოდელი ტახივით დარბოდა მაგიდებს შორის.

— ის მომივიდა, რომ უფროსმა გამომაპანღურა კაბინეტიდან, დაუკითხავად რატომ შემოდით.

— მერედა, თქვენც შეეკითხეთ, ამაზე იშლით ნერვებს?

— ჩემებს რატომ არ ასრულებო?

— თქვენც დაპირდით, შევასრულებო.

— დავპირდი, მაგრამ არ დამიჯერა.

— ვერაა, ალბათ, დღეს ხასიათზე.

— ხასიათზე მოყვანას სანამდი ვუცადო? აღარ დაადგა საშუელი მაგის მოხსნას!

ასეთი მსჯელობა უკვე პროვოკაციას ჩამოგავდა. შალვას დროზე და მთელი ზომები.

— ვარდენი, უფროსზე ასე რატომ ლაპარაკობთ?

— შენ რომ ენას არ მიუტან, იმიტომ... თუ გინდა, მიუტანე, არ მეშინია მე!.. არც წინათ მეშინოდა, ბაყბაყ-დევი რომ ჰყავდა მფარველი... ახლა მოუკვდა მამა, მაგრამ უკაცრავად, ბატონო, დომენტი ახობაძე შავებს არ ჩაიცვამს!

— ვარდენი, როგორ გეკადრებათ ასეთი სიტყვები, რაც უნდა იყოს, უფროსია, მის ავტორიტეტს უნდა გავუფრთხილდე! — შალვა გულწრფელად იყო შეწუხებული, მაგრამ დომენტის მისი არ ესმოდა.

— უფროსი რომ გაგლანძლავს და გამოგადებს, მაღლობელი ვარო, თავი უნდა დაუქნიო?

— საქმე მაქამდე არ უნდა მიიყვანოთ.

— ჩემს დღეში რომ იქნები, გნახავ, ერთი, როგორ ილაპარაკებ... თუმცა, შენ ჰუმანური კაცი ხარ, ყველაფერს აპატიებ.

კამათი ზარის ხმამ შეწყვიტა. მანუჩარ შილაკაძის კაბინეტიდან ხუთჯერ გაბმულად დარეკეს, ესე იგი, მეხუთე კაცს უხმობდნენ...

— მიღა, ჰო, გეძახის შენი უფროსი! — შეახსენა დომენტი.

— რა უნდა, ნეტავ, ამ დილაადრიან?

— სამსახურიდან თუ არ მოგხსნა, საყვედური ხელში გაქვს.

— მე არაფერი დამიშავებია, — თავი გააქნია შალვამ.

— აბა, სადილად გაატიფებს და იმიტომ გეძახის. — დომენტი ხუმრობას, თუკი ამას ხუმრობა ერქვა, უმეტესად ჭამა-სმას უკავშირებდა, ამ სფეროში დიდი გამოცდილება ჰქონდა.

— ვარდენი, იცით თქვენ და ნუ მიმაღავთ. — შეეხვეწა შალვა.

— უგემას რომ ვერ ვასრულებთ, ტყავი უნდა გაგაძროს.

— რანაირი ხუმრობაა ეს!

— მაგას უფროსის კაბინეტში ნახავ.

ამ ლაპარაკში, კართან სპეციალურად დამონტაჟებული რადიო ჩართო და ლილი კირვალიძის მელოდიური ხმა აჟღერდა.

— შალვა ცისკარიძე დირექტორთან!

— არის ცისკარიძე დირექტორთან! — ჯარისკაცივით უპატაკა შალვამ, კართან მისული, ისევ უკან მობრუნდა და მაგიდიდან შეკვრა გამოიღო, კინაღამ დამაუიწყდაო, ჩაილაპარაკა თავისთვის, დომენტის ცნობის-მოყვარეობის დაკმაყოფილებას არ აპირებდა.

— ცისკარიძე დირექტორთან! — გაიმეორა რადიომ.

— მოვდივარ, ლილი, მოვდივარ! — სწრაფად წარმოთქვა შალვამ და ასევე სწრაფად უფროსის კაბინეტისაკენ გაემართა. ლილი გზაზე შეე-

გება და გაკვირვებულმა ჰკითხა, ამდენი რატომ დაიგვიანეთო. შალვამ ვაზიანად გაუღიმა.

- კიდევ სალამი და კარგად ყოფნა პატივცემულ ლილის!
- პიბრძანდით, ბატონო შალვა, უფროსი გელოდებათ.
- ყველაფერი რიგზეა ხომ?
- ცოტა ხასიათზე ვერაა.
- ნაგას არ გეკითხებით... თქვენ როგორ ბრძანდებით-მეთქი.
- მე?.. - შეცბა ლილი, - არა მიშავს...

შალვამ ყაყაჩოსავით აყვავებულ ქალიშვილს თვალი ველარ გაუსწორა, მაგრამ სიტყვების წარმოთქმა მინც შესძლო.

- ლილი, თქვენ დღეს შესანიშნავად გამოიყურებით...

სიტყვები კი არა, ტყვიები უფრო იყო, ხოლო წინადადება თოფის გასროლას უდრიდა. ლილი არ წაქცეულა, მაგრამ გული დაჭრილი მწყერივით შეუფართხალდა.

- გმადლობთ კომპლიმენტისათვის... - როგორც იქნა, მოახერხა მადლობის თქმა, მაგრამ ჯერ სად იყო!

- თქვენ ყოველთვის შესანიშნავად გამოიყურებით, მაგრამ დღეს განსაკუთრებით კარგი ხართ... ახალი კაბა ძალიან გიხდებათ.

ლილი თავის კაბასავით გაწითლდა.

- ბატონო შალვა, ნუთუ ეს თქვენ ბრძანდებით?

- გაგიკვირდათ, არა?

- ძალიან გამიკვირდა.

- მე ისიც ვიცი, ასეთი კარგი დღეს რატომ ხართ.

ლილიმ ქათქათა ცხვირსახოცი ამოიღო და გაოფლილი ნიკაპა მოიწმინდა (ნერვიულობის დროს მხოლოდ ნიკაპი უოფლიანდებოდა).

- გამაწითლეთ პირდაპირ... შებრძანდით, უფროსს ნუ ალოდინებთ.

შალვამ ქალიშვილს შეკვრა გაუწოდა.

- ეს თქვენი საჩუქარია, ძვირფასო ლილი (უკვე ძვირფასო!).

- რა საჩუქარი? -- თვალები გაუფართოვდა ლილის (ხომ გახსოვთ, ნატურალური თაფლისფერი თვალები ჰქონდა).

- კეთილი გულით მოძღვნილი მცირედი საჩუქარია... ოღონდ, მე რომ შევალ, მაშინ გახსენით. - გააფრთხილა შალვამ და მანუჩარ შილაკაძის კაბინეტში შევიდა.

ლილის ერთი სული ჰქონდა, სანამ ქალაღდს გახსნიდა, თუმცა გუმანით ხვდებოდა, შეკვრაში რაც იყო. გახსნა და, მისი ლოყებივით წითელმა ვარდებმა შეანათა. ვარდებს, რასაკვირველია, ეკლებიც ჰქონდა. ერო ეკალზე ლექსად დაწერილი ბარათი იყო მიმაგრებული. ლილის კინალამ გული შეუღონდა. სანამ გამოერკვეოდა და ბარათს წაიკითხავდა, ზინა და მაკა დაბარებულივით თავზე დაადგნენ. გუმანით გრძნობდნენ, რაღაც უნდა

მომხდარიყო, და არც შემცდარან.

- ყვაილები!.. წერილები!.. რაშია საქმე, გაგვაგებინე! -- იყვირა მაკამ.
- გასკდით გულზე! – ლილიმ მტრედებით მოხატული ბარათი უჩვენა, რომელიც მაკაზე ადრე ზინამ გამოსტაცა და ხმამაღლა წაიკითხა.

ჩემო კარგო ლილი,  
მაგრად გართმევთ ხელს  
და გულწრფელად მოგილოცავთ  
დაბადების დღეს.

– ესეც ასე! – ზინამ ტაში შემოჰკრა, – ლექსის მეტი არაფერი გაკლდა და ისიც დაიმსახურე... ოღონდ ავტორი რატომ არ აწერია... თუმცა, მაგას რა გარკვევა უნდა... გან... გან... დომენტისაგან...

მაკამ კეკლუცად გადაიკისკისა.

– ვერ წარმოვიდგენდი, თუ დომენტი ახობაძე ლექსის წერას დაიწყებდა... საჩივარი კი, ბატონო, მაგრამ ლექსი?.. ტოჟე მნე ესენინ!

ლილი დაიბნა, გოგოები, ალბათ, ყასიდად ლაპარაკობენ, ან იქნებ ლექსი ნამდვილად დომენტის დაწერილი ჰკონიათო, ამიტომ ჩათრევას ჩაყოლა ამჯობინა და პირდაპირ განაცხადა.

– ოლოლო თქვენ, ვერ გამოიცანით!

– აბა, ვერც მანუჩარ პეტროვიჩი მოახერხებდა ამის დაწერას. – თქვა ზინამ.

– შალვამ მოახერხა, გოგოებო, შალვამ! – ლილიმ ბარათი საგულდაგულოდ დაკეცა და პატარა საფულეში ჩადო, სადაც ფულის მაგივრად სარკესა და პომადას ინახავდა.

– შალიკომ? – პირი დააღო მაკამ.

– დიახ, შალიკომ... ეს ვარდებიც მან მომიტანა.

– გოგოებო, ცუდად ვარ და მიშველეთ!

მაკას არავინ მიშველებია, სიტყვა ზინამ აიღო.

– მე, როგორც ვატყობ, ღუელი გარდაუვალია, ოღონდ დომენტი ახობაძეს დაძნა და დამბაჩა არ დასჭირდება, ღვინოში დაახრჩობს საბრალო შალიკოს...

– ეპიტაფია, ალბათ, დაწერილი ექნება... განაცხადა მაკამ. „ეპიტაფია“ პირველად სასაფლაოზე გაიგონა და მას მერე ახსოვდა.

– ლილი, სინდისმა ცოტა მაინც არ შეგაწუხა? – ჰკითხა ზინამ.

– სინდისი რა შუაშია? – ვერ მიხვდა მდივან-მემანქანე.

-- ამისთანა კაცს დღეობაზე რატომ არ პატიჟებ?

– ნამდვილად დავაშავე, – აღიარა ლილიმ და მერე ქალიშვილები გააფრთხილა, დროა, წახვიდეთ, უფროსმა არ დაგინახოთო.

ზინა ვითომ ვერ მიხვდა.

– რომელმა უფროსმა, დომენტიმ?.. შენმა დომენტიმ?



— მაგის ახლა შალიკოა, — გაიცინა მაკამ. მერე ზინასთან მხიარული განწყობილებით მააშურა თავის სამუშაოს და სახლში წასვლამდე სულ შალვა ცისკარიძეს ამუშავებდა.

ლილის მაგიდაზე კი ტელეფონმა დარეკა.

— დაახ, გამოსათვლელი სადგურია, — უბასუხა მდივანმა-მემანქანემ, — დირექტორი ამჟამად თათბირს ატარებს... ნახევარი საათის შემდეგ დარეკეთ.

ტელეფონზე საუბარს რომ პორჩა, ვარდები წყლიან ჭიქაში ჩააწყო და სანამ ოცნებას შეუდგებოდა, სევდიანად წარმოთქვა:

— შალვა, შალვა, ძალიან უცნაური კაცი ხარ შენ!

საკუთარმა სიტყვებმა. ცოტა არ იყოს, შეაშინა, ხმამაღლა ზომ არ მომივიდაო, და თვალწინ დომენტი ახობაძე წარმოიდგინა, ქოჩორი კეფიდან წაძოდებული თმით რომ ჰქონდა გაშენებული და ლელვის არაყივით მყრალი სიმთვრალე იცოდა.

ვინ იცის, ლილის ფიქრები სანამდე გაგრძელდებოდა. კაბინეტიდან მანუჩარ შილაკაძე და შალვა ცისკარიძე რომ არ გამოსულიყვნენ. შალვას კაცის ფერი არ ჰქონდა სახეზე.

— ნუ იზამთ მაგას, პეტროვიჩ, ძალიან გთხოვთ! — ეხვეწებოდა უფროსს.

— მე ერთხელ ვთქვი და დავამთავრე! — მოუჭრა მანუჩარმა.

— პატივცემულო პეტროვიჩ, შედით ჩემს მდგომარეობაში...

— კმარა, ამხანაგო, დისკუსია ნუ გამიმართე!

— პეტროვიჩ, ერთხელ კიდევ გთხოვთ.

— წუწუნი ნუ დამიწყე ახლა!.. უნდა შეიგნო, ჩვენ დიდი საქმეები გვაქვს გასაკეთებელი.

— კარგი, ბატონო, მივდივარ. — დაუთანხმდა ზოლოს შალვა და სანამ წავიდოდა, ლილის საწყალი თვალებით ანიშნა, ხომ ხედავ, არაფერი გამომივიდაო!

ქალიშვილმა საქმის ვითარება არ იცოდა, ძაგრამ ერთი წუთით არ შეფოყმანებულა, მტკიცედ გადაწყვიტა, რაღაც უნდა დამიჯდეს, შალვა ცისკარიძე ხიფათისგან უნდა ვიხსნაო! მდივან-მემანქანეს ასეთი რა ძალა უნდა ჰქონოდა, უფროსის ნება-სურვილის წინააღმდეგ რომ წასულიყო? მაგრამ ნუ დაგავიწყდებათ, ლილი კირვალბე ლამაზი მდივან-მემანქანე გახლდათ. სილამაზე კი ის ძალაა, ტარიელივით რომ გადაგრევეს და შალვასავით ლექსის წერას რომ დაგაწყებინებს. ზოგიერთი შეუგნებელი პიროვნება იმასაც ამტკიცებს, ლექსებს მარტო გადარეული კაცი წერს, ჭკვიანი მხოლოდ სხვის დაწერილს კითხულობსო, მაგრამ ამაზე კამათი შორს წავიყვანს, აჯობებს, ისევ ჩვენს საქმეს მივხედოთ.

რაკი ლილიმ მტკიცე გადაწყვეტილება მიიღო, შალვა ცისკარიძე სა-



ნახევროდ მაინც ვადარჩენილა იყო. ვნახოთ, ახლა, უფროსი რას იტყვობდა...

– ეს თურმე ვინ ყოფილა! – ხელები გაშალა მანუჩარმა.

– ძალიან კეთილი კაცია. – ისე დაბეჯითებით თქვა ლილიმ, რომ პეტროვიჩი ძალზე გაოცებული დარჩა.

– შენ რა იცი, კეთილი კაცია?

– მაგას რა ცოდნა უნდა, ყველა ხედავს.

– გასაგებია! – მრავლისმეტყველად თქვა გამოსათვლელი სადგურის უფროსმა და მერე კონკრეტულ საქმეზე გადავიდა, – ერთი, ბრძანება მომიმზადე.

– მანუჩარ პეტროვიჩ, შალვასთანა პატიოსანი მუშაკი... – ისეკ დაიწყო ლილიმ, მაგრამ უფროსმა გააფრთხილა, ჩემს ფუნქციებში ნუ ერევიო. ლილიმ არ დაუთმო.

– ბოდიში, მაგრამ...

– არავითარი მაგრამ!.. მზად ხარ? – ესე იგი, ბრძანების დასაბეჭდად თუ ხარ მზადო, შეეკითხა, და სხვა რა გზა იყო, ლილიმაც უპასუხა, მზად ვარო.

მანუჩარ შილაკაძემ კარნახი დაიწყო.

– ბრძანება ნომერი ორმოცდათექვსმეტი... ამა წლის 25 სექტემბრიდან...

– ამა წლის 25 სექტემბრიდან... – ლილი საგულდაგულოდ მოვლილ გრძელ თითებს დანჯღრეულ კლავიშებზე ეშხიანად უკაკუნებდა.

– შალვა გიორგის ძე ცისკარიძე...

– შალვა გიორგის ძე ცისკარიძე... – იმეორებდა ლილი, ხოლო თვით შალვა ამ გამეორების დროს თავის კაბინეტში შედიოდა, სადაც კვლავ დოკუმენტი ახობაძე იჯდა, ნერვები და ფიქრები ერთად აშლოდა და თავის უკმაყოფილებას ხმაძალდა გამოსთქვამდა.

– სად ჯანდაბაში დაიკარგა, ნეტავ, ეს ქალაღდი!.. ყველაფერი არეულ-დარეულია ამ კაბინეტში, ძალიან პატრონს ვერ იცნობს! მე მაგათ ვუჩვენებ, როგორ უნდა მუშაობა! ან წავალ აქედან, ან რკინის დისკაბლინას დაკამყარებ! – თქვა დოკუმენტიმ და დაუმატა, – მაინც სად დაიკარგა ამდენ ხანს შალვა ცისკარიძე?!

შალვა არსად დაკარგულა, თავის მაგიდასთან იდგა, მაგრამ დოკუმენტის ახლა თვალზე ლიბრი ჰქონდა გადაკრული და შალვას მაგივრად სპილო რომ შემოსულიყო, იმასაც ვერ შეაძინებდა.

შალვას არაფერი უთქვამს, მაგიდას მიუჯდა და თავი ხელებში ჩარგო.

დოკუმენტი კარგა ხანს იღრინებოდა. მერე, როგორც იქნა, ქალაღდებიდან თავი აიღო და შალვას მიაჩერდა.

– სად ბრძანდებოდით ამდენ ხანს, ბატონო შალვა? – დოკუმენტიმ „თ“

და „ბატონო“ ხაზგასმით წარმოთქვა.

— უფროსთან ვიყავი. — უთხრა შალვამ.

— დაგაპრიკაზეს? — (ესე იგი, ბრძანება თუ გაგიშანშალესო, ჰკითხა).

შალვამ თავი დაუქნია, კი დამაპრიკაზესო.

— ხომ გეუბნებოდი! — ჩაიქირქილა დომენტიმ, — რაო, რა მინდაო?

— მე...

— შენ კი არა, იმან...

— მე...

— რა მე!.. — თქვი, კაცო, რა მოგივიდა!

— კი ვიტყვი, მაგრამ თვალში მერე როგორ შეგხედოთ?

შალვამ რაღაც უცნაური ლაპარაკი დაიწყო, დომენტის არ მოეწონა,

სათვალე გაიკეთე და ისე შემხედო, ურჩია.

— დამნაშავე ვარ და მაპატიეთ, ვარდენიჩ. — შეეხვეწა შალვა.

დომენტის ელდა ეცა.

— შენ რა, უფროსს ჩემც ნათქვამი მიუტანე?

— არ მიმიტანია, მაგრამ უარესი მოხდა.

— თქვი, მერე, სული ნუ ამომხადე!

— ჯერ წყალი დაისხით, გული გაიმაგრეთ.

დომენტის ხელი აუკანკალდა, თითქოს ჭიქაში წყალს კი არა, კონიაკს ასხამდა.

— ა, ბატონო, დავისხი წყალი... მითხარი ახლა, რა მოხდა.

— ის მოხდა, პატივცემულო ვარდენიჩ, რომ...

— მაგ „რომზე“ არ გაჩერდე, ბოლომდე თქვი, ნუ მომკალი!

სხვა გზა არ იყო, შალვა ცისკარიძეს უღმობელი სიმართლე უნდა ეთქვა.

— რაკი ასე ძალას მატანთ, გეტყვით... თქვენს მაგივრად დაპროგრამებისა და კოორდინაციის განყოფილების უფროსად მე დამნიშნეს...

— შენ დავნიშნესო?! — დომენტის თავში თითქოს ცეცხლგამძლე აგური დაარტყეს, სასოწარკვეთილი სკამზე მიესვენა.

არანაკლებ სასოწარკვეთილმა შალვამ ჭიქაში დასხმული წყალი ჯერ თვითონ მოსვა, დანარჩენი კი თავის ყოფილ უფროსს აპკურა და ისევ ამქვეყნიურა ცხოვრებისაკენ მოაბრუნა.

\* \* \*

როგორც დაინახეთ, ძვირფასო მკითხველო, ერთ ჩვეულებრივ ორმახათ დღეს ჩვენ იმდენი ამბის მოწმე ვავხდით, რომ გამოსათვლელ სადგურს კი არა, მთელს ქალაქს სალაპარაკოდ ეყოფოდა. ხუმრობა ხომ არ იყო, დაგეგმვისა და კოორდინაციის განყოფილების უფროსი დომენტი ახლობაძე დააქვეითეს და მის ადგილზე შალვა ცისკარიძე დანიშნეს! შალვასთვის

ვითომ ეს არ კმაროდა, სატროფიალო ლექსების წერა დაიწყო და გაუთხო-  
ვარ, მაგრამ ჯერ კიდევ ახალგაზრდა მდივან-მემანქანეს დაბადების დღეს  
წითელ ვარდებთან ერთად მიართვა! ერთი სიტყვით, ჭორებს დახარბებუ-  
ლმა ქალებმა საქმე იშოვეს და პატარა დაწესებულების კედლებში დატ-  
რიალებულ უცნაურ ამბებს ათასნაირი კუდი გამოაბეს. ნუ დაგავიწყდებათ,  
ზინასა და მაკას იმ დღეს საქმე ისედაც ბევრი ჰქონდათ, რადგან იუბილარ  
ლილი კირვალძეს სუფრის გაწყობაში ეხმარებოდნენ, მაგრამ, ამასთან ერ-  
თად, უკანასკნელ ცნობებსაც უყვებოდნენ: დომენტი ახობაძე აბრაგად გავა-  
რდაო, შეშინებული მანუჩარი კაბინეტში ჩაიკეტაო და ა. შ.

ამასობაში მაგიდა საჭმელ-სასმელებით დაიხატა. მდივან-მემანქანის  
იატერიალური შესაძლებლობის პირობაზე, არც ისე ურიგო სუფრა გამო-  
იდა. რაც მთავარია, ღვინო და ყვავილები უხვად იყო. ყველაზე ლამაზ  
ლარნაკში შალვას წითელი ვარდები ანათებდა.

ზინა თავბერიძემ პატარა ჭიქებში კონიაკი დაასხა და ერთი სასმისი  
მაკას ვადააწოდა.

– ამით დღევანდელ დღეს გაუმარჯოს!

მაკამ ჭიქა მიუჭახუნა.

– ლილის გაუმარჯოს მხურვალე გულითა და საუკეთესო სურვილე-  
ბით!

იუბილარმა შადლობა გადაიხადა.

– გაგიმარჯოთ, მაგრამ სტუმრების მოსვლამდე ნუ დამითვრებით.

– სწორედ მანამდე უნდა დავთვრეთ, მაგათი სტუმრობა რა ვთქვი მე!

– ძველი ყარაჩოღელივით დარდიმანდულად წარმოთქვა ზინამ. სხვათა შო-  
რის, ხმაც ცოტა დაბოხებული ჰქონდა, ოღონდ პაპიროსს არ ეწეოდა.

მაკამ კონიაკი დალია და ზინას თიოი დაუქნია.

– აბა, აბა, ყველას ნუ მილანძლავ!

– ყველას არა, ერთ კაცს გამოვტოვებ

– მაინც ვის?

ზინამ მეორე ჭიქაც ისე გადაჰკრა, წარბი არ შეუხრია.

– ლილი, პერც შენ გამოიცანი?

ლილიმ, ვითომ, ვერ გავიგონეო, და კონტრშეკითხვა დაუსვა.

– ხომ კარგი ვარდებია, გოგოებო?

გოგოებს ახლა რამდენჯერ უნდა ეთქვათ, კარგიაო. უფრო კარგი ის  
იყო, ვარდები შალვა ცისკარიძემ რომ მიართვა იუბილარს.

ზინამ კედლიდან გიტარა ჩამოიღო და სიმები მომართა, ეს კატარა  
ლილის ბებია ამოუქა, სამახსოვროდ გქონდეს და შენს ქორწილში დაუკა-  
რიო, ბებია კარგა ხანია სხვა ქვეყანაში ცხოვრობდა. ლილის ქორწილამდე  
კი ჯერ შორს იყო, ზინა მხოლოდ მის დღეობაზე უკრავდა. ვაჟკაცური  
ბარიტონი ჰქონდა, ვერც სმენას დაუწუნებდით. სკოლაში მეჩონვურეთა  
ანსამბლში მღეროდა და მხატვრული თვითმოქმედების ოლიმპიადაზე ოქ-

როს მედალიც დაიმსახურა. საერთოდ, მრავალფეროვანი რეპერტუარი  
ჰქონდა, ახლაც ერთი მივიწყებული სიმღერა გაიხსენა.

ჩემო ტკბილო მეგობარო,  
შენი ნახვა მენატრება...

მაკამ თავისი კოლორატურული სოპრანოს მიშველიება მოინდომა, მა-  
გრამ ზინამ ანიშნა, ხელს ნუ მიშლიო.

გეფიცები, ველარ გნახავ,  
გულს მედება სინანული,  
შენ ვარდები გიკრეფია,  
მე კი შენი სიყვარული.

ცალკე კონიაკმა და ცალკე სიმღერამ მაკას გული აუჩქროლა და თვა-  
ლზე ცრემლი აუკიაფდა. მუსიკას მაგიური ძალა აქვს. სიმღერა პირველი  
სიყვარულივით დაუვიწყარია, იგი ადამიანს ახალგაზრდობის ბედნიერ  
დღეებს აგონებს.

როგორც კი უკანასკნელი აკორდი შეწყდა, მაკამ ღრმად ამოიოხრა.

– იმღერე, იმღერე, ჩემო ზინა, რა გენაღვლება...

– მე კი არა, ლილის რა ენაღვლება, საქმე ამ გიტარასავით აქვს  
აწყობილი, ოღონდ დომენტის რას უზამს, ის არ ვიცო, – ზინა წაპოღვა,  
გიტარა მარცხენა ხელში დაიჭირა, მარჯვენათი კი მაგიდაზე ახლადშემო-  
ტანილი აჭარული ხაჭაპურის დიდი ნაჭერი აიღო (ტანის სილამაზისა-  
თვის მაინცდამაინც თავს არ იკლავდა) და მთლიანად მოკბინა, – ბედნიე-  
რი ქალი ხარ, ჩემო ლილი, ყოფილი უფროსი ხომ გადარიე, მაგრამ არც  
ახალს დააყარე კარგი დღე!.. აირჩიე, ვისი სული გსურს; დომენტი – შენ...  
შალვა – შენ... მანუჩარ პეტროვიჩი – მაკას.

– მე შენ გეტყვი, ცუდი ვინმეა! – კვერი დაუკრა ლილიმ.

მაკას დიდი აღტაცება არ გამოუთქვამს, ცოლშვილიანი რომ არ იყოს,  
რადაცას ვიფიქრებდიო.

– მთავარია მონდომება, თორემ... ცოლი!.. – ზინამ ისევ გიტარა აახ-  
მიანა.

ლამაზო ქალო,  
წავართმევ ქმარსა...

ისევ ხაჭაპური მოკბინა, მადიანადაც ჭამდა და გოგოებსაც ელაპარაკე-  
ბოდა.

– ჰყავდეს მაგ ქალს თავისი პეტროვიჩი, არ წავართმევ.

მე სხვა მიყვარს, რა ვუყო,  
გაზაფხულის ბრალია...

– გიყვარს კი არა, ის არ გინდა! – ხელი ჩაიქნია მაკამ.

ცელქი, მოუსვენარი  
ჩემს გულში შემოპარულა,  
ეს ხომ სიყვარულია,  
შენზე ოცნება მალულად.

– დღეს, რაღაც, ძალიან ბევრს მღერი, ჩემო ზინა. – შენიშნა ლილიმ,  
– სასიმღეროდ ვისა აქვს საქმე და ვინ მღერის, – თქვა მაკამ და შალვა ცისკარიძის ლექსი გაიხსენა, წაკითხვისთანავე ზეპირად იცოდა.

ჩემო კარგო ლილი,  
მაგრად გართმევთ ხელს  
და გულწრფელად მოგილოცავთ  
დაბადების დღეს.

ლექსს ზინას ტაში და სიცილი მოჰყვა. რა ენადვლებოდათ, შესანიშნავ ხასიათზე იყვნენ და კონააკის ვარსკვლავებს ეთამაშებოდნენ, ოღონდ, დათრობამდე საქმე არ მისულა.

– შესვენება ხუთმეტი წუთი! – გამოაცხადა ზინამ და ვიტარა ტახტზე მიაწვინა, – ლილი, ხომ არაფერი გამოგრჩენია?

– რაც მაქვს, ყველაფერი სუფრაზეა.

– არც შალიკოს დაპატიჟება დაგვიწყებია?

– რომ იცოდეთ, როგორ გაეხარდა, აუცილებლად მოვალა.

– მერე, დროზე მოვიდეს, რატომ გვალოდინებს?

მაკამ წყალი გადაუწურა.

– აბა, ნახავ, თუ მოვიდეს.

– ვითომ, რატომ არ უნდა მოვიდეს? – ეწყინა ლილის.

მაკამ აუხსნა:

– წვერსაც გაიპარსავს, ახალ ჰალსტუხსაც გაიკეთებს, მაგრამ სულ ბოლო მომენტში შერცხვება და გადაიფიქრებს... რაც უნდა იყოს, ახალდანიშნული უფროსია... რომ დათვრეს და ცუდი რამე წამოცდეს?

– მაინც რა უნდა წამოცდეს?

– დომენტის რომ უთხრას, შენი დედა ვატირეო, სად მიხვალ მერე?

– შალვა და გინება, როგორ შეიძლება! – გულწრფელად გაიკვირვა ლილიმ.

– შეყვარებული კაცი რომ ღვინოს დაღევს, დომენტი კი არა, ტანკი ვერ დაუდგება წინ.

რაც უნდა მწარე სიტყვა ეთქვა მაკას, მთვრალი და ისიც მოჩხუბარი შალვა ძნელი წარმოსადგენი იყო. ბოლოს, როგორც იქნა, მასზე ლაპარაკს მორჩნენ და დომენტის ჯერიც დადგა.

ზინამ ლილის უსაყვედურა.

– ჭკუა გაქვს ახლა შენ, მოხსნილი კაცი სუფრაზე მანუჩარსა და შა-

ღვას გვერდით როგორ უნდა დაუსვა.

ლილის რა ბრალი მიუძღოდა, არც დომენტი იყო მისი მოხსნილი და არც შალვა მისი დანიშნული. ალბათ, ბედისწერა იყო, რომ ასეთი კომფლიქტური სიტუაციები სწორედ მისი დაბადების დღეს დაემთხვა და გარკვეული უხერხულობა გამოიწვია.

ამ ლაპარაკში ლილის სადარბაზოში ზარი აწკრიალდა. რამდენჯერმე გაბმულად კი არ დაურეკავთ, არამედ ერთხელ და მორიდებით. ზინა სიხარულით ცას ეწაა, ბატონი შალვა მოვიდაო, მაგრამ როდესაც მაკამ კარი გააღო, ეს სიხარული ნაადრევი აღმოჩნდა: შალვას ნაცვლად მანუჩარ პეტროვიჩი მოსულიყო.

მაკამ სინანულით ხელი ჩაიქნია.

— ბედი არ გინდა, აბესალომის ძაგვიერად მურმანი მოვიდა!

მანუჩარ შილაკაძეს მისი სიტყვები არ გაუგონია, ოთახში ნომენკლატურული მუშაკის ღირსებით შემოვიდა და იუბილარი სახეიმოდ გადაზინამ.

— გილოცავთ, პატივცემულო ლილი, ბედნიერებას გისურვებთ, მალე ქორწილშიაც ვყოფილიყავი თქვენი თამადა! (ვითომ, დღეობაზე თამალობა გარანტირებული ჰქონდა).

— გმადლობთ, პეტროვიჩ, რატომ შეწუხდით? — გაინაზა მასპინძელი. ძნელი სათქმელია, „შეწუხდით“ საჩუქრის გამო თქვა (ბროლის ვაზა იყო) თუ, საერთოდ, უფროსის მობრძანებასთან დაკავშირებით. ცხადია, კოცნა არ ჰქონდა მხედველობაში. მაინც, რა უცნაურადაა ცხოვრება აწყობილი: შეიძლება ქალი ძალიან მოგწონდეს, თვალში შეხედვას კი ვერ უბედავდე, მაგრამ როდესაც ახალი წელი ან დღეობა დადგება, კოცნე, რამდენიც გაგიხარდება, საყვედურის მაგიერ მადლობას გეტყვიან. ეს, რასაკვირველია, ზოგადი მსჯელობაა, თორემ კონკრეტულად მანუჩარის ამბორი სამსახურეობრივი მოვალეობის ფარგლებს არ გასცილებია, თუმცა ზინამ მაინც ღვარძლიანად ჩაილაპარაკა, უყურე შენ, ტუჩებში აკოცაო!

— ეს რომ დომენტის დაენახა... — გააგრძელა მაკამ.

ზინამ შეუსწორა.

— შალვას-თქო, დომენტი რა შუაშია!

ლალიმ საქმე მოიმიზეზა და სამხარეულოში გავიდა. მანუჩარ შილაკაძეს კი სხვა რა გზა ჰქონდა, ზინასა და მაკას არსებობა უნდა შეენიშნა.

— ოო, ჩვენი ჩიტუნებიც აქ ყოფილან! — ვითომ ძალიან გაეხარდა, ისეთი აღტაცებით წარმოთქვა.

— დიახ, მანუჩარ პეტროვიჩ, ედემის ბაღში მოფრინდით. — დაუმოწმა ზინამ.

პირველი ნაბიჯი უკვე გადადგმული იყო და პეტროვიჩმა მისი კოცნაც დააპირა.



— ჭიკ-ჭიკ! — ზინამ უფროსის ქაბაბივით ტუჩები აიცილია და დაუქნია.

პეტროვიჩი გაუბრაზდა, რას მეჭიკჭიკებო! ზინამ აუხსნა, დღეს ჩემი კი არა, ლილას დღეობაა და თუ მაინც კოცნით ვერ გაძეხით, ავერ მაკა გელოდებათო.

მაკამ მხოლოდ ახალმანიკურწასმული თითები გაუწოდა.

— ინებეთ, ჩემი ხელი, პეტროვიჩ.

მანუჩარს აღარ უკოცნია, მხოლოდ მსუბუქად ჩამოართვა და სავარძელში ჩაეშვა.

ზინა მოპირდაპირე სავარძელში იჯდა, როგორც მოგახსენეთ, ასი გრამი კონიაკი უკვე დალეული ჰქონდა, მაგრამ უკონიაკოდაც მორცხვი არასოდეს ყოფილა.

— ჩვენი უფროსი დღეს შესანიშნავ ხასიათზეა... — დაიწყო ძან.

— ვითომ, რატომ უნდა ვიყო ცუდ ხასიათზე? — გაუკვირდა მანუჩარს.

— ბოდიში, შემეშალა... ცუდ ხასიათზე დღეს მარტო დომენტი იქნება.

— რა შუაშია, ახლა, დომენტი!

— მეცოდება, მეტი არაფერი. — შეიბრალა ზინამ.

— სამსახურის საქმეებს აქ ნუ გავარჩევთ! — მკაცრად თქვა მანუჩარმა, მაგრამ მერე შეარბილა, — ამ შესანიშნავ საღამოს სხვაც ბევრი სათქმელი გვაქვს.

— კარგი, ბატონო, მაშინ ფეხბურთზე ვილაპარაკოთ... თბილისის „დინამომ“ „არარატთან“ წააგო.

— ფეხბურთს ნუ გამაგონებთ!

ზინამ კეკლუცად გაუღიმა.

— დომენტის ნუ გააგონებთ! ფეხბურთს ნუ გააგონებთ!.. მაშინ თქვენ გვითხარით რაიმე.

მანუჩარ პეტროვიჩი დარწმუნდა, ჩათრევას ჩაყოლა სჯობდა.

— სამოთხეში მგონია თავი, ამდენ ლამაზ ქალიშვილს ერთად რომ გიყურებთ! — ისე აღტაცებით გაშალა ხელები, თითქოს სულ სამოთხეში იჯდა და ლამაზ ქალიშვილებთან დროსტარების მეტს არაფერს აკეთებდა.

ქებით ნასიამოვნებმა ზინამ თავისი მთავარი იარაღი — გიტარა მოიმარჯვა.

— კომპლიმენტისათვის ლამაზი ქალიშვილი თქვენ სიმღერას მოგიძღვნის, პეტროვიჩ!.. შესრულებული იქნება ძველი ქალაქური მელოდიები.

წინათ ჩემი ვარდი იყავ,  
ახლა დარდი ხარ,  
ახლოს აღარ მეკარები,  
შორ-შორს დადიხარ...

მანუჩარ შილაკაძეს წიგნის კითხვა არ უყვარდა, თორემ ქეიფასა და



სამღერის ფასი შესანიშნავად იცოდა. ამიტომ იყო, სავარძლიდან წამოდ-  
გა და მადლობის ნიშნად მოწიწებით თავი დახარა, თუმცა ეს უესტი რომ  
არ გაეკეთებინა, ნამდვილად აჯობებდა, ზინამ მის გამარგლულ თმებს შეა-  
გლო თვალი და გულში ჩაილაპარაკა, ესეც დომენტი ახობაძესავით კვარი-  
ანი მელოტი ყოფილაო!

— ახლა მაინც ნება მომეცით ხელზე გეამბოროთ, — შეეხვეწა მანუ-  
ჩარა.

— ნებას გაძლევთ! — დაეთანხმა ზინა და მაკას და ლილის ნიშნის მო-  
გებით გადახედა.

მანუჩარ პეტროვიჩმა ზინას ფაფუკი მარჯვენა დაუკოცნა, წელან რომ  
გიტარის სიმებს აკვნესებდა, და გულწრფელად აღიარა, უქალოდ კაცის  
სიცოცხლე წარმოუდგენელიაო.

ზინა შალვას მოტანილი ვარდივით გაიფურჩქნა:

ჩრდილში დარჩენილ მაკას ყურადღების მისაქცევად რაიმე ინიცია-  
ტივა უნდა გამოეჩინა. იმის გარდა ვერაფერი მოახერხა, რომ ლილის  
შეახსენა, რაღას უცდი, დავიწყეთ დღეობა, ხომ ხედავ, შალვა აღარ მო-  
დისო.

— არც დომენტი მოდის. — თქვა ზინამ.

მანუჩარს ძალიან გაუკვირდა.

— დომენტი უნდა მოვიდეს?

— აბა, ერთი რამე კაბედოს! — დაამშვიდა ზინამ.

— რა უნდა გაბედოს?

— არაფერი ისეთი... ღვინის სმა ვაზებით იცის.

პეტროვიჩმა შვებით ამოისუნთქა.

— მეც რაღაცა მეგონა!

ზინა არ დაეთანხმა და საკუთარი შეხედულება დაწვრილებით ჩამო-  
უყალიბა.

— ვაზებით ღვინის სმას თქვენ ნუ ეხუმრებით... ასეთ დროს სუფრა-  
დან არ უნდა გაიპაროთ, რადგან ვაჟკაცები ბრძოლის ველს არასოდეს ტო-  
ვებენ... სუფრაც ხომ ოძია, დიდი ოძი! ყოფნა-არყოფნის საკითხი წყდება  
ამ ოძში... ზოგს ანადგურებენ, ზოგს კიდეც... აწინაურებენ... მაგრამ ყველა-  
ზე უფრო იმან იკითხოს, ვინც ღვინის მაგივრად სიყვარულის ნექტარს  
დაეწაფება!

მანუჩარი და ლილი სულგანაბული უსმენდნენ ზინას, მხოლოდ მაკა  
ვერ ისვენებდა.

— ე, გოგო, დაგვსვი სუფრასთან, შიმშილით ფეხზე ვეღარ ვდგავარ!

— სანამ დავსხდებოდეთ, ლიმონათები გამომატანინეთ სამზარეულო-  
დან. -- სთხოვა ლილიმ.

მანუჩარმა თავი გამოიდვა, მე გამოგატანინებთო, მაგრამ იუბილარმა შორს დაიჭირა.

— როგორ გეკადრებათ, მანუჩარ პეტროვიჩ! ზინა და მაკა მომეხმარებოდნენ, თქვენ მანამდე გაზეთები გადაათვალიერეთ, არ მოიწყინოთ.

ქალიშვილები სანჯარეულოში გავიდნენ, მანუჩარმა გაზეთი ვაშალა და მეოთხე გვერდზე სამგლოვიარო განცხადებების კითხვას შეუდგა. იმ კვირას სამ ტირილში იყო წასასვლელი.

ზინა, მაკა და ლილი თან საქმიანობდნენ და თან ერთმანეთში საუბრობდნენ. მანუჩარ შილაკაძეს კარნახში ყური სკოლის მერხიდან ჰქონდა გავარჯიშებული და ამიტომ მის მახვილ სმენას ერთი სიტყვაც არ გამორჩენია.

— ლილი, იცოდე, პეტროვიჩი ჩემს გვერდით უნდა დასვა. — გააფრთხილა დიასახლისი ზინამ.

— არაფერი შეგეშალოს, პეტროვიჩის გვერდით მე უნდა ვიჯდე! — განაცხადა მაკამ.

ზინამ ვაზიდან ლოყაწითელა ვაშლი ამოიღო და მანუჩარს მიუტანა.

— ეს განხეთქილების ვაშლი გამომართვით, პეტროვიჩ, და გადაწყვიტეთ სამართალი, ვინ გირჩევნიათ: მე თუ მაკა? — განხეთქილებისა რა მოგახსენოთ, მაგრამ ძვირი ვაშლი კი იყო, ბაზარში სამი მანეთი ღირდა.

მანუჩარ შილაკაძე მითოლოგიაში მაინცდამაინც ვერ ერკვეოდა, მაგრამ, როგორც პრაქტიკოსმა, გამოსავალი მაინც ნახა, არც ერთს გაწყენინებთ და არც მეორეს, თქვენს შუაში ჩავუდებო.

— ბრძენი ხართ, პეტროვიჩ, სოლომონ ბრძენი! — შეაქო ზინამ.

— თქვენ კი სულ სხვანაირი ყოფილხართ, ვიდრე სამსახურში. — უთხრა მანუჩარმა.

ზინამ მოძხიბვლულად გაუღიმა.

— როგორ სხვანაირი?

— აი, სამსახურში უფრო მორიდებული გამოიყურებით.

— აკი, სამსახურის ამბებს შევეშვათო?

— თუ ქალი ხარ, მე შემეშვი და მეტს არაფერს ვთხოვ! — ხმა ვაიმკაცრა მანუჩარმა, სტუმარი კი ერქვა, მაგრამ მაინც უფროსი იყო.

ქალიშვილებმა პირში წყალი დაიგუბეს. მანუჩარ შილაკაძემ კი ადგილობრივი გაზეთის მესამე გვერდზე დაბეჭდილ სტატიას რომ თვალი გადაავლო, ღიმილი ვერ შეაკავა, არა, ეს იუმორისტული ნაწარმოები არ ყოფილა, სტატიას ფრიად სერიოზული სათაური ჰქონდა — „ბრძოლა გამოუცხადოთ ლოთობას“, მისი ავტორი წინა შაბათს ორმოცზე თამადა იყო და მანუჩარ შილაკაძეს წვეთი ღვინო არ შეარჩინა.

როგორც კი უფროსს ხასიათი გამოუკეთდა, ზინას ადრინდელი სითამამე დაუბრუნდა.



— რას იტყვით, პეტროვიჩ, ხომ შესანიშნავი იუბილარი გვყავს? ლით ანიშნა სუფრასთან ფუტკარივით მოფუსფუსე ლილიზე.

— ლილი ჩვენი დაწესებულების თვალია! — დაეთანხმა მანუჩარი. ცოტა არ იყოს, თვითონაც გაუკვირდა, ასეთი ხატოვანი პასუხი უცებ როგორ მოვახერხეო.

— პეტროვიჩ, შეიძლება, თქვენს ნათქვამს ერთი სიტყვა დაუმატო? — ჰკითხა მაკამ.

— დაუმატეთ.  
— თვალი პატიოსანია!  
მანუჩარმა თავი დაუქნია.

— დაახ, პატიოსანი და კეთილსინდისიერი მუშაკი, რომელიც... სიტყვა ზარმა შეაწყვეტინა. მანუჩარი რატომღაც უხერხულად შეიშ-  
მუშნა.

ზინამ უფროსს თვალი აარიდა.  
— ახლა თუ დომენტი მოვიდა...  
— დომენტი მოვიდა?  
— თუ მოვიდა-მეთქი.

დიასახლისმა კარი გააღო და სტუმარი ხმამაღლა მიიპატიჟა.  
— მობრძანდით, ბატონო შალვა, ძალზე გამაზარეთ!  
გაზარება ზინასი უნდა გენახათ.

— შალვა ყოფილა, მადლობა ღმერთს! — ახალმოსულისათვის კოც-  
ნით არ უკოცნია, მაგრამ ხელი ჩამოართვა დიდი ძგზნებარებით, — რა-  
ტომ გვალოდინეთ, ბატონო შალვა? დიასახლისმა უთქვენოდ სუფრას არ  
მიგვაკარა.

შალვა ცისკარიძეს ახალგაწმენდილი ზოლიანი პაჯაკი ეცვა, ალეღვე-  
ბისაგან გულის ჯიბეს ისე აწვალებდა, თითქოს შიგ წითელი თუმნიანებით  
გატენილი საფულე ედო და ამოღებას ვერ ახერხებდა.

— დიდ ბოდიშს გიხდით, ბატონებო, გთხოვთ მაპატიოთ!  
ზინა მაინც არ მოეშვა.  
— მე, პირადად, მხოლოდ ერთი პირობით გაპატიებთ.  
— ბრძანეთ.

— სუფრაზე ჩემს გვერდით დაჯდებით და მომემსახურებით.  
— თქვენი ხმალი და ჩემი კისერი!

— აკი მანუჩარ პეტროვიჩის გვერდით გინდოდა დაჯდომა? — ჰკითხა  
მაკამ.

— მანუჩარი შენ, შალვა მე!  
— ლილის რომ ეწყინოს?

— ლილის კიდევ — დომენტი... ვითომ რატომ უნდა ეწყინოს? ძალზე  
კეთილი გული აქვს... თქვენ როგორ ფიქრობთ, ბატონო შალვა?

ბატონი შალვა არც დაფიქრებულა, ისე უპასუხა.

— სიკეთე ბუნების დიდი საჩუქარია... სიკეთე პლანეტის მამოძრავებელი ძალაა... მეტად ხანმოკლეა ჩვენი სიცოცხლე, მაგრამ მას სიკეთე ახანგრძლივებს.

სიკეთეზე შალვა ცისკარიძეს დილამდე შეეძლო ელაპარაკა, მაგრამ მაკამ სიტყვა შეაწყვეტინა.

— ჩემი აზრით, სიკეთესთან ერთად ღილის სილამაზეც ამშვენებს.

— რასაკვირველია. — დაეთანხმა შალვა.

— აბა, ისიც რასაკვირველია, იუბილარს დღეს ლექსებს წაუკითხავთ...

კიდევ კარგი, ღილი გასული იყო და არაფერი გაუგონია. ნეტავ არც შალვას გაეგონა, თურაშაულივით გაუხდა ლოყები.

— არაფერი მესმის, რა ლექსზე ლაპარაკობთ? — როგორც იქნა, მოახერხა ამ სიტყვების წარმოთქმა.

მაკას თვალეში ჭინკები ცეკვავდნენ.

— აი, ის... ლექსი კი არა, იგავ-არაკი.

დათვმა ლხინი გადიხადა,  
მოიწვია მეზობლები,  
გარეშენიც ბევრი ჰყავდა,  
ტურა, მელა, კატა, მგლები.  
მელაკუდამ ტაში დაჰკრა...

ტაში მანუჩარ პეტროვიჩმა დაჰკრა, რა იგავი, რის იგავიო! ტყემაღზე იჯდა, მაგრამ კუჭმა შეაწუხა და თავი იმიტომ გამოიღო.

— რა ვქნათ ახლა, დღეობის მაგიერ პოეზიის სადამო ჩაუატაროთ? — იკითხა მან.

— განა დანაშაულია, ბატონი შალვა რომ ლექსებს წერს? — მორიდებით შენიშნა მაკა ფუტკარაძემ.

მელექსე ხალხზე მანუჩარ პეტროვიჩის უარყოფითი შეხედულება ჰქონდა. ამიტომ თავისი გაოცება საკმაოდ ემოციურად გამოხატა.

— ლექსებს წერსო?! თუ გიყვარვართ, ასეთ ხუმრობას თავი დაანებეთ!

მანუჩარ შილაკაძე მაკას კი არა, საკუთარ მეუღლეს არ უყვარდა, მაგრამ ახლა ამას არსებითი მნიშვნელობა არ ჰქონდა. არსებითი ის იყო, რომ შალვამ უყოყმანოდ დაუდასტურა, პოეზია ბავშვობიდან მიტაცებს და ახლაც ხანდახან თავს ვიქცევო. რასაკვირველია, შეეძლო ყველაფერი ხუმრობაში ჩაეტარებინა, ლექსის კი არა, მოხსენებითი ბარათის დაწერა არ მეხერხებოდა, მაგრამ მაკა და ზინა საშველს არ მისცემდნენ, აბა, ღილის დღეობის გალექსვა როგორ მოახერხეო! ღილიზე შალვას ცოტა უკეთესი წარმოგენა ჰქონდა, თუმცა ყველაფერი მის ახალგაზრდულ გამოუცდელობას დააბრალა და გულწრფელად აპატია.

რაც შეეხება მანუჩარ შილაკაძეს, პატიებისაგან იგი ძალიან მოწყობილი იყო, ახალდანიშნული განყოფილების უფროსი ყველას თანდასწრებით გააფრთხილა, ლექსების საწერად შენ აღარ გცალია, დიდად პასუხსაგები პოსტი ჩაგაბარეო!

შალვამ თანხმობის ნიშნად თავი დაუქნია, მაგრამ მაინც შენიშნა, პოეზია შრომის ნაყოფიერების გადიდების უებარი საშუალებააო. ამაზე, ცხადაა, პეტროვიჩი არ დაეთანხმა. ვინ იცის, კამათი სანამდე გაგრძელდებოდა, ზარს გაბმულად რომ არ დაერეკა. იმ წამსვე უხერხული სიჩუმე ჩამოვარდა, რომელიც ბოლოს ზინამ დაარღვია.

— ყველა ყველა და დომენტიც მოვიდა!

— რაღა დროს მოსვლაა! — გაჯავრდა მანუჩარი. ხასიათი ისედაც გაფუჭებული ჰქონდა, მაგრამ წინ უარესი პერსპექტივები ესახებოდა.

მაკამ პეტროვიჩს თანაგრძნობით შეხედა.

— ისე, სჯობდა, სულ არ მოსულაყო!

— უკან ხომ არ გავაბრუნებთ? — შეწუხდა შალვა, — ვაპატიოთ დავვიანება.

კარი, რასაკვირველია, ლილიმ გაუღო. დომენტი შემოვიდა და ოთახში სპირტის სუნი შემოიტანა. ტონუსის აწევა უკვე მოესწრო. პროვინციელი მსახიობივით თვალებს აბრიალებდა და ხელებს წარამარა იქნევდა.

— აქა მშვიდობა და ბედნიერება! — შემოსვლისთანავე რიხიანად დაიძახა. კოსტიუმი მართლაც ახალშეკერილი ეცვა, ოღონდ რაღაცას წამოსდებოდა და თეთრი ლაქებით აეჭრებინა.

ოთახში უხერხული დუმილი ჩამოვარდა.

— სალამი, ჩემო ძვირფასო კოლეგებო! — დომენტიმ თავი მძიმედ დახარა. (კიდევ კარგი, პატარა თავი ჰქონდა, თორემ გადაწონიდა და ახალგაპრიალებულ მუხის პარკეტზე გაიშხლართებოდა).

— სალამ, სალამ! — ცივად უთხრა მაკამ, ზინამ კი მეტი გულითადობა გამოიჩინა, დომენტის გაუმარჯოსო, აღტაცებულმა დაიძახა და მანუჩარ შილაკაძეს მიუბრუნდა, — ალავერდი თქვენთან ვარ, პეტროვიჩ!

დომენტიმ მხოლოდ ახლა შენიშნა წიგნის კარადას ამოფარებული მანუჩარი (ვითომ, დოსტოევსკის ტომებს ათვალთვრებდა) და მჭახელ იყვირა.

— მანუჩარ პეტროვიჩიც აქ არ ყოფილა!.. როგორ მინდოდა თქვენი ნახვა, ძვირფასო პეტროვიჩ!

(გავრძელება იქნება)



### განმეორება

ვიღაც მეძახის ბნელ სიხუმიდან,  
საცაა ზეცა ჩამორეკს ზარებს  
და წარმართული ჩემი სულიდან  
ამოდის ძველი ღვთაება მთვარე.  
მე მახსოვს სულის გლოვა და ზარი,  
მახვალს მიყრიდნენ წყნარსა და ძორნილს,  
მტვერში გასვრილი ვიწექ მხევალი  
და ვგრძნობდი გემოს საკუთარ ხორცის.  
ირგვლივ როკავდა სამყარო მთელი,  
ცაზე ბრწყინავდა კერპი და მნათი  
და იყო ქართლი დიდი და ცხელი,  
წითელი, როგორც სიტყვა „წარმართი“.  
მერე კი კერპებს ვიღაც უვლიდა,  
ჩემი სისხლისგან უგონოდ მიუკრალებს,  
დღეს წარმართული ჩემი სულიდან,  
ამოდის ძველი ღვთაება მთვარე!

### ლ ე ქ ს ს

ცა უკვე აღარ მოთქვამს და ტირის,  
უკრავენ მზეზე ვნების დაირას,  
შენ საყვარელი მეუღლის დიმილს  
თუ გადასწონი რამენაირად.  
თუ დამიბრუნებ ქალწულ დამეებს  
შეუცნობლობის სურვილით მთვრალი,  
თუ კიდევ ერთხელ შემიყვარებენ  
უფლისწულები მზისა და მთვარის.  
თუ დამიბრუნებ დაკარგულ შორეთს,  
სისხლს წამართმევ და არაფერს მაცლი  
და მომავალი დედობის თრთოლვას

ოუ დამავიწყებ შენეულ განცდით.  
და სასწაულით მწირსა და მორჩილს  
ოუ გამიჟღენთავ ცრემლსა და ოხვრას,  
აღალი იყოს სისხლი და ხორცი!  
მაშინ კი უკვე ნამდვილად მოხვალ.

### იჰნეზ დავბრუნდე

იქიდან მოველ, სადაც ყველას სახელი ჰქონდა,  
ვნაღლობ და ნაცნობ ქალაქებს ვეძებ,  
მე მეშინია და ამიტომ საოცარ ფუნჯებს  
გაზაფხულივით ვალაგებ მზეზე.  
ამოხეული ფურცელივით უნდა დავაკლდე  
დიდ წიგნს, რომელიც არასოდეს დაიწერება,  
ვიცი დაკარგულ ცას და ქალაქებს  
ემახსოვრებათ ჩემი მშვენება.  
შეხება მაინც ტკიოდათ ძლიერ,  
ჩემს შიშველ ტერფებს – სისხლისფერ ნოტებს,  
ორ სინათლეში გამომწყვდეული  
თვალაუხელებს ლეკვივით თრთოდნენ.  
იქიდან მოველ, სადაც ყველას სახელი ჰქონდა,  
ჩემს ქალაქს ვეძებ და ვალაგებ საოცარ ფუნჯებს.  
წინ ბილიკი ჩანს, კიდევ მზეზე ნაგები ოდა,  
ვივლი და იქნებ სახლში დავბრუნდე.





დავით ნაცვალაძე

# საქართველო გეოგრაფიკის ტრაქტატის ეპოქაში

1752 წელს, იმერეთის სამეფო ტახტი დაიჭირა ალექსანდრე V უფროსმა ვაჟმა ჩვიდმეტი წლის სოლომონმა, რომლის გამეფების დღიდან იმერეთის სამეფოს საგარეო და საშინაო მდგომარეობა თანდათან უარესდებოდა. იმერეთის სამეფო, ფეოდალური დაქუცმაცების გამო, გათიშული, შეუკავშირებელი და გაღარაბებული ქვეყანა იყო. ეს გათიშვა დაიწყო XVI საუკუნიდან, როცა სამეგრელოსა და გურიის სამთავროებმა მოიპოვეს დამოუკიდებელი პოლიტიკური მმართველობის უფლება. იმერეთის მეფე აღიარებდა სამთავროების დამოუკიდებლობას, მაგრამ იურიდიულად კი მთავრებს თავის ვასალებად თვლიდა. XVII საუკუნის დასაწყისიდან ცალკე სამთავროდ ჩამოყალიბდა აფხაზეთიც. ეს მოხდა იმ დროს, როცა აფხაზეთში დაწინაურდა შერვაშიძეების ფეოდალთა სახლი, მათ შეძლეს აფხაზ ფეოდალთა შეკავშირება და აფხაზეთის ოდიშის სამთავროდან გამოყოფა. აფხაზეთს ჩრდილო-დასავლეთით საზღვრავდა ჯიქეთი (ანძაველნი), რომელიც ადრე საქართველოს ეკუთვნოდა, ხოლო XVII ს. 80-იან წლებში იგი ოსმალეთმა მიიტაცა. ამ პერიოდში ოსმალეთს აფხაზეთის ტერიტორიიდან დაპყრობილი ჰქონდა ზღვის სანაპიროები: ბიჭვინთა, ზუდე, სოხუმი, დრანდა, და მოქვი. სამეგრელოს სამთავროდან კი ილორი და ანაკლია. ოსმალთა ხელში იყო ქალაქი ფოთიც. ყველა ეს ადგილები წარმოადგენდა ქართველ, „ტყვეთა სყიდვის“ ბაზრებს და ოსმალთა ციხე სიმაგრეებს. სამეფოს საზღვრებზე რომ ასეთი მდგომარეობა იყო, ქუთაისის, ბაღდადის, შორაპნის და ცუცხვათის ციხეებში იდგნენ ოსმალთა მეციხოვნეები, რომლებიც მოსვენებას არ აძლევდნენ ქართველ მოსახლეობას.

ოსმალეთის იმპერია, რომელიც ამიერკავკასიაში გაბატონებისათვის ემზადებოდა, დამორჩილებული ქვეყნებიდან აურაცხელ ხარკს მოითხოვდა. ამ განუსაზღვრელი „საოსმალე გადასახადით“ სამეფო ხაზინა მთლად დაცარიელდა. მეფემ ხელი მიჰყო საეკლესიო ქონებასაც, მაგრამ გაუმაძღარმა დამპყრობლებმა ესეც არ იკმარეს და გადასახადების საფასურს ტყვეების წაყვანით ინაზღაურებდნენ. ამ საშინელ საქმეს იმერეთში ისეთი მასიური ხასიათი მიეცა, რომ მთელი დასავლეთ საქართველოს სოფლები ადამიანთაგან გაუკაცრიელდა და მწარმოებელი ყმაგლეხი აღარ დარჩა.

გაგრძელება. იხ. „ქორიხი“ № 4.







ამას ემატებოდა სამეფო ტახტისათვის ხანგრძლივი ბრძოლა. ახალგაზრდა სოლომონს ტახტს ეცილებოდნენ ბიძები — მამუკა და გიორგი ბატონიშვილები. მეფის წინააღმდეგ გამოვიდნენ გურიის მთავარი მამია IV გურიელი, სამეგრელოს მთავარი ოტია და მისი შვილი კაცია დადიანი, რაჭის ერისთავი როსტომი, სოლომონის ბაბუა (დედის მხრიდან) არგვეთის მეხატონე ლევან აბაშიძე და თვით მეფის დედა თამარი. სოლომონის მოწინააღმდეგეებს ემატებოდა როსტომ ერისთავის ძმა აფხაზ-იმერთა კათალიკოსი ბესარიონი.

რაჭის ერისთავს ჰქონდა ძლიერი გამაგრებული ადგილები. ამბროლაურში — კოშკები და სასახლე, სოფ. ბარაკონში — ციხე და სასახლე, ონში — ციხე, სასახლე და პატარა ქალაქი. ყველგან, სევას ციხის ჩათვლით, ლაშქარი ჰყავდა ჩაყენებული.

მეფის წინააღმდეგ მოწყობილმა შეთქმულებამ გაიმარჯვა. სოლომონი ტახტიდან ჩამოაგდეს. მეფე ახალციხეში გაიქცა და ახალციხის ფაშის დახმარებით ტახტის დაბრუნება შეძლო. სოლომონმა ყველა მოწინააღმდეგე დასაჯა. საკუთარი დედა და ბაბუაც არ დაინდო. შემდეგ გურიაში ილაშქრა. მოწინააღმდეგე მამია IV სამთავროს ტახტიდან ჩამოაგდო და მთავრად დანიშნა მისი ძმა გიორგი V გურიელი. მაგრამ მალე სოლომონ I გურიის სამთავროს ტახტი ისევ მამია IV გურიელს დაუბრუნა, რადგან დარწმუნდა, რომ გიორგი გურიელი ახალციხისა და ტრაპიზონის ფაშების გავლენის ქვეშ იყო. მამია მეოთხემ, როგორც იმერეთის სამეფოს სიძემ, დანაშაული აღიარა და მეფის ერთგული გახდა. მართალია, სოლომონ I მოწინააღმდეგენი დაამარცხა, მაგრამ მას ძალები არ ეყო ძმების როსტომ ერისთავის და კათალიკოსის — ბესარიონის დასასჯელად. ქვეყნის მოღალატე რაჭის ერისთავი იმერეთის რამდენიმე სოფელსაც დაეპატრონა და ჩრდილოეთიდან სამეფოს საშიშ მოწინააღმდეგედ იქცა. როსტომის დასამორჩილებლად საჭირო იყო მხარდაჭერის გამოძებნა. ასეთი იყო სამეგრელოს მთავარი ოტია დადიანი. სოლომონი, ერთგული მრჩევლების ჩაგონებით, გასცილდა საყვარელ მეუღლეს თინათინ შერვაშიძის ქალს და ცოლად შეირთო ოტია დადიანის ასული მარიამი. ამით მან სამეგრელოს სამთავრო შემოიბტკიცა.

სოლომონ I ძალაუფლება თანდათან ძლიერდებოდა და მტკიცდებოდა. საჭირო შემთხვევაში იგი ქართლის მეფეს — თეიმურაზ მეორეს (ერეკლე II მამას) ლეკების წინააღმდეგ ბრძოლაში დახმარებასაც კი უწევდა. მაგრამ ოსმალეთის ძლიერი იმპერიის წინააღმდეგ გამოსვლას იგი ჯერ კიდევ ვერ ბედავდა. ანტიოსმალური ზრახვები სოლომონმა ყველაზე მკვეთრად მაშინ გამოავლინა, როცა სასტიკად აკრძალა „ტყვეების სყიდვა“. ეს უკვე აშკარად ნიშნავდა მეფის ოსმალეთის წინააღმდეგ გამოსვლას.

ნიჭიერმა სოლომონ I ოსტატურად გამოიყენა დასავლეთ საქართველოში ფეოდალთა შორის არსებული შუღლი და აუტანლობა, შემოიკრიბა მომხრე ფეოდალები: აგიაშვილები, წულუკიძენი, წერეთლები და სხვები, რომელთა მხარდაჭერით გლეხთა დიდი ნაწილი სამეფო გადასახადებისაგან გაათავისუფლა, „საური“ და „საუდიერო“ გადასახადები ზუსტად განსაზღვრა და ამით ხელი შეუწყო ტყეში გახიზნული გლეხობის ბარში დაბრუნებას.

ასეთი ღონისძიებების გატარებით გლეხობა სოლომონ I მხარეზე დადგა. მეფე განსაკუთრებულ ყურადღებას უთმობდა ოსმალეთის მიერ დაპყრობილი ქართული მიწებიდან — ბათუმისა და ჩაქვის მიდამოებიდან ლტოლვილი ქართველების დასახლებასა და ხელშეწყობას.

შესანიშნავი მებრძოლი და გამჭრიახი მეფე კარგად ხედავდა იმას, რომ გლეხობის ინტერესების დაცვა გაანაწყენებდა ფეოდალებს, რომლებიც ფარულად



უკავშირდებოდნენ ციხეებში გამაგრებულ ოსმალო და ქართველ მაჰმადიან მუსულმანებს, რომლებთან ისინი ქართველი გოგო-ბიჭებით ვაჭრობდნენ. სოლომონი კი ქართველ ფეოდალებს შემოსავლის ძირითად წყაროს ართმევდა.

როგორც ვხედავთ, სოლომონ I წინააღმდეგობა ელოდა როგორც ოსმალეთის იმპერიის მხრიდან, აგრეთვე ხელქვეითი ფეოდალებიდან. მაგრამ ვიდრე ამ წინააღმდეგობას შევეხებოდეთ, საჭიროა, ვიცოდეთ რას წარმოადგენდა დასავლეთ საქართველო იმ დროს ეკონომიკური თვალსაზრისითაც.

ისტორიულად ცნობილია, რომ ძირითადი მარცვლელი კულტურა მე-18 საუკუნის მიწურულამდე იმერეთში, სამეგრელოში, გურიასა და აფხაზეთში იყო ღობი, პურეული ცოტა ითესებოდა, რადგან მცირე მოსავალს იძლეოდა. შემდეგ მარცვლელი კულტურებიდან გაბატონდა ამერიკიდან შემოტანილი სიმინდი, რომელიც მოსავლიანობით ღობს ჩამორჩებოდა, მაგრამ მისი მოყვანა ნაკლებ შრომას მოითხოვდა. აღნიშნული კულტურის გარდა, დასავლეთ საქართველოში მეურნეობის წამყვან დარგს წარმოადგენდა: მესაქონლეობა, მევენახეობა, მეღორეობა, მეფრინველეობა, მეფუტკრეობა და მეაბრეშუმეობა. ტექნიკური კულტურებიდან მოჰყავდათ სელი, ბამბა, კანაფი და 1770 წლიდან — თამბაქოც.

სამეფოში განვითარებული იყო შინამრეწველობა და ხელოსნობა. უფრო ვითარდებოდა მრეწველობის ისლდარგი, რომელიც მიწათმოქმედებას უკავშირდებოდა. ასეთი იყო: რკინის, ტყვიისა და სპილენძის გამოდნობა. კარგად იყო განვითარებული თოფისწამლის დამზადების და საფეიქრო საქმე.

გლეხი დასახლებული იყო ფეოდალური სამფლობელოს მიწაზე და ამას „საკომლო“ ეწოდებოდა. მთიანი მხარის მოსახლეობა, მიწის სიმცირის გამო, ქირაზე წასვლას მისდევდა. ძალიან ჩამორჩენილი იყო კერძო საბატონო მეურნეობა. დასავლეთ საქართველოს თავადაზნაურობა, ქართლ-კახეთის ფეოდალებთან შედარებით, უფრო მცირემამულიანი იყო.

ვაჭრობის საქმეში გავრცელებული იყო საქონლის გაცვლა ბარისა და მთის მცხოვრებლებს შორის, რომელიც ძირითადად ქალაქობაზე (ბაზრობაზე) ხდებოდა. იგი იმართებოდა პარასკეობით, რაც გამოწვეული იყო რელიგიური მოსაზრებით. პარასკევს მიწაზე ბარის დაკვრა ცოდვად ითვლებოდა. ამავე დროს, ქრისტიანული პარასკევი მაჰმადიანთა უქმ (ჯუმა) დღეს ემთხვეოდა და ეს ხელს უწყობდა ვაჭრობის განვითარებას. დასავლეთ საქართველოში სავაჭრო-ქალაქები და პუნქტები იყო ქუთაისი, ხონი, შარაპანი, მური, სენაკი, ლაილაში, ონი, საჩხერე, ტყაჩირი, დვბზუ, ზუგდიდი, ნაოღალევი, ორპირი, ჩხარი, კელასური, ილორი, ლანჩხუთი, ოზურგეთი, სუჯუნა, ჯუმათი და ვანისქედი, ოსმალთა ხელში მოქცევამდე: — ბათუმი, ფოთი, სოხუმი, ანაკლია, გრიგოლეთი და შეკვეთილი. ბაზარზე საქონელი გამოჰქონდა მოსახლეობის ყველა ფენას. ვაჭრობის განვითარებას ხელს უშლიდა სამთავროებში არსებული საბაჟო სისტემა. სასაქონლო მიმოქცევაში გაბატონებული იყო ოსმალური ფული და რუსული მონეტა, რომელიც მეთვრამეტე საუკუნის 70-იანი წლებიდან უფრო გავრცელდა.

იმერეთის სამეფოს სავაჭრო ურთიერთობა ჰქონდა ოსმალეთთან, აღმოსავლეთ ევროპასთან და ირანის სახანოებთან. ასეთი იყო გაღარიბებული იმერეთის სამეფოს ეკონომიკური საფუძველი. ოსმალთა ხშირი შემოსევების შედეგად, გურია-სამეგრელოში მთელი სავარგული მიწები დაუმუშავებელი იყო. მეგრელი მოსახლეობა ზუგდიდის მახლობლად იხიზნებოდა და წლის მოსავალს რუხის ციხეში ინახავდა.

სოლომონ I მიერ გატარებულმა ღონისძიებებმა აღაშფოთა ოსმალეთის სულთანნი, რომელმაც გადაწყვიტა სოლომონის სიკვდილი და იმერეთის სამეფოს



მთლიანად დაპყრობა. სოლომონ I გადამწყვეტი ბრძოლისათვის ემზადებოდა. მემფისში დახმარებისათვის მიმართა დადიანსა და გურიელს. სოლომონ I იცოდა, რომ გადამწყვეტ ბრძოლაში ბაბუამისი ლევან აბაშიძე და რაჭის ერისთავი როსტომი სამშობლოს ინტერესების წინააღმდეგ გამოვიდოდნენ.

ნიჭიერმა სარდალმა სოლომონ I წინასწარ ჩაკეტა ფოთიდან, ახალციხიდან და გურიიდან მომავალი გზები, საიდანაც მოსალოდნელი იყო ოსმალეთის ჯარების შემოსვლა. ოსმალებმა იმერეთის დასაპყრობად ახალციხის საფაშოდან და ანატოლიიდან დიდძალი ჯარი შეაგროვეს. მათ ჯარს სარდლობდნენ სერასკერი და ახალციხის ფაშა. სოლომონ I სარდლობით 1757 წლის 14 დეკემბერს გამართულ ხრესილის ბრძოლაში ქართველთა გამარჯვება ერთ-ერთი სახელოვანი ფურცელია ჩვენი ერის გმირულ ისტორიაში. ამ ბრძოლაში ოსმალთა მხარეზე იბრძოდნენ სამშობლოს მოღალატენი რაჭის ერისთავი როსტომი და არგვეთის მებატონე, სოლომონ I ბაბუა ლევან აბაშიძე, რომლებსაც რაზმები ჰყავდათ შედგენილი მოღალატე ქართველებისაგან და ოსმალთა ძალებით მეფის ტახტიდან ჩამოგდებას ფიქრობდნენ. დიას, ქვეყანაში იყო ისეთი დრო, როცა გამყიდველნი ბაბუა და ერისთავები ებრძოდნენ ხალხის სახელოვან შვილს, რომლის უბადლო სამხედრო ნიჭმა და ვაჟკაცობამ ოსმალთა მძიმე უღლისაგან იხსნა ქვეყანა. 22 წლის სოლომონ I თავისი ხმლით მოჰკლა ოსმალეთის ჯარების მთავარსარდალი. ხრესილის ბრძოლაში გმირულად იბრძოდნენ სამეგრელოს, გურიისა და აფხაზეთის მთავრებიც. გურიის მთავარმა მამია IV გურიელმა ხელჩართული ბრძოლით გაარღვია მტრის გარემოცვა, იხსნა სამეფო დროშა და მეფეს ჩააბარა. აფხაზეთ-სამურზაყანოს მოლაშქრეთა მეთაურმა ქელეშ-ბეგ შერვაშიძემ, რომელიც ბრძოლაში გმირულად დაეცა, ხმლით 16 ოსმალს აჰკუწა. ხრესილის ბრძოლაში მოჰკლეს სამშობლოს მოღალატე ლევან აბაშიძე, რომლის ერთგული კაცები ოსმალეთში გაიქცნენ. რაც შეეხება როსტომ ერისთავს, რომლის ლაშქრის უმეტესი ნაწილი სოლომონ I მხარეზე გადმოვიდა, იგი რაჭაში, ბარაკონს, თავის ციხეში ჩაიკეტა და ცოცხალი გადარჩა.

ხრესილის გმირის სოლომონ I მეთაურობით ქართველმა ხალხმა იმერეთის ციხეები დაპყრობილი ოსმალებისაგან გაწმინდა და ქვეყანამ ცოტა ხნით თავისუფლად ამოისუნთქა.

მეტად მძიმე აღმოჩნდა ოსმალეთისათვის ხრესილში დამარცხება. სულთანის ბრძანებით, ახალციხის ფაშას ქებაიას თავი მოჰკვეთეს. ახალდანიშნულ ხასან ფაშას დაევალა იმერეთის დარბევა და სოლომონ I ხელში ჩავდება.

შორსმჭვრეტელმა და მოქნილი პოლიტიკის გამტარებელმა სოლომონ I იცოდა, რომ ოსმალეთის იმპერია მის გამოსვლას უყურადღებოდ არ დატოვებდა. ქვეყნის გასაძლიერებლად სოლომონმა მიიღო საჭირო ზომები და 1753 წელს ურთიერთდახმარების ხელშეკრულება დადო მამა-შვილთან — ქართლ-კახეთის მეფეებთან თეიმურაზ მეორესთან და ერეკლე მეორესთან. ამ ხელშეკრულებას უდიდესი მნიშვნელობა ჰქონდა ქართველი ერის შეკავშირების საქმეში.

სულთანის ბრძანებით, ახალციხის ფაშამ იმერეთის სამეფოს წინააღმდეგ ორჯერ ილაშქრა, თანაც ისე მოულოდნელად, რომ სოლომონ I და ქართლ-კახეთის მეფეებმა ჯარის შეგროვებაც ვერ მოასწრეს. ამიტომ სოლომონი პირველად განერიდა ოსმალეთის ჯარს, რომელმაც იმერეთი მოარბია. მაგრამ ქართველებმა ჯარი შეკრიბეს და ორივე ლაშქრობის დროს ოსმალები ერთიანად ამოწყვიტეს. ამ გამარჯვების შემდეგ სოლომონ I შეუდგა ქვეყნის საშინაო საქმეების მოწესრიგებას. პირველ რიგში მეფემ დაცემული ეკლესიებისა და გაუქმებული კათედრების

აღდგენა განახორციელა, ამით მეფემ დაიცვა ეკლესია-მონასტრების ფეოდალური მეურსეობის ინტერესები. ძირითადად იგი მიმართული იყო მაჰმადიანური ოსმალეთის შემოტევების წინააღმდეგ. 1759 წლის დეკემბრის დასაწყისში სოლომონ I მოიწვია დასავლეთ საქართველოს საეკლესიო კრება, რომელსაც ესწრებოდნენ დიდგვაროვანი ფეოდალები დადიანი და გურიელი. იმავე კრების 4 დეკემბრის სხდომის დადგენილებით, აღდგა ქუთაისის კათედრა, რომელსაც დაუმტკიცდა საქუთათელი ყმა-მამული. კრების დადგენილებით, ეკლესია გათავისუფლდა ყველა სახელმწიფო გამოსაღებისა და სამსახურისაგან. კრებამ დაადასტურა აფხაზეთ-იმერეთის კათალიკოსის უფლებები, ხოლო 5 დეკემბრის სხდომაზე, რომელიც ჩატარდა დასავლეთ საქართველოს ყველა დიდ ფეოდალთა თანდასწრებით, იმერეთის, სამეგრელოსა და გურიის საერო და სასულიერო გამგებლებმა იმერეთის მეფის მორჩილებისა და „ტყვის სყიდვის“ აკრძალვის პირობა დასდეს. კრებამ ტყვის მსყიდველნი შეაჩვენა, საერო ხელისუფლება კი მათ სიკვდილით დასჯით ემუქრებოდა. ამ დადგენილების გამოტანა თავისთავად მეტყველებდა სოლომონ I ძლიერებაზე. ტყვილად კი არ უწოდა მას ხალხმა დიდი სოლომონი. კრების დადგენილებაში ნათქვამი იყო, რომ „...ახალციხის ფაშამ ასეთი საშინელი და საზარელი სიტყვა შემოგვითვალა... ტყვეს თუ არ გაყიდით, არ იქნებაო. ახლა ამაზედ ასე ერთპირობით დაგვიმტკიცებია ღვთის შუამდგომლობით, რომ სანამდი სული გვიღვას, ეს საქმე ჩვენგან არ იქნეს, არც მაშინ ერთმანეთს ვუსუსტოთ, კიდევ ერთმანეთს მივუდგეთ, კიდევ მეფე სოლომონის მორჩილი და ბრძანების აღმასრულებელი ვიქნეთ... ამ საქმეზედ ჩვენი თავი არ დავიშუროთ“... ხსენებულმა დადგენილებამ დასაბამი მისცა ოსმალეთის ძალადობისაგან თავდასხნისა და ფეოდალური ქიშპობის მოსპობის პერიოდს.

1760 წელს ოსმალეთის სულთანმა „ტყვის სყიდვის“ აღდგენის შესახებ სოლომონ I ოფიციალური მიმართვა გამოუგზავნა, რაზეც სოლომონმა სასტიკი უარი შეუთვალა. იმავე წელს ოსმალები შემოესივნენ იმერეთის სამეფოს, მაგრამ სოლომონ I ისინი სასტიკად დაამარცხა. არ გასულა სამი წელი, ოსმალები იბრძაბ ფაშის სარდლობით იმერეთის ასაკლებად დიდძალი ჯარით შემოიჭრნენ. გმირმა მეფემ ეს შემოტევაც სასახელოდ მოიგერია და ოსმალები საბოლოოდ დარწმუნდნენ, რომ სოლომონ I დამარცხება ადვილი არ იყო. ოსმალეთის სულთანის ბრძანებით ახალი ლაშქრობა წამოიწყეს. ახალციხის საფაშოს ჯარებს გარდა, ვრზერუმის მხარეში შეაგროვეს 100 ათასი მეომარი. მათ თან ახლდა სოლომონ I ბიძა, ქვეყნის მოღალატე და ტახტის მაძიებელი თეიმურაზ ბატონიშვილი. იგი ახალციხის ფაშასთან იყო ვახიზნული და ოსმალეთს უნდოდა თავისი ინტერესებისათვის გამოეყენებინა. 1765 წელს ოსმალებმა იმერეთს შეუტყეს ქართლიდან, მაგრამ ვრეკლე II ქართლის გზები ჩაკეტა. მაშინ დამპყრობლებმა ერთი დარტყმით გურიის ოკუპაცია მოახდინეს, მამია IV გურიელი გადააყენეს და სამთავროს ტახტზე მისი ძმა გიორგი V გურიელი დასვეს. შემდეგ ოსმალებმა ერთდროული შეტევა განახორციელეს ზეკარიდან, სოხუმისა და გურიის მხრიდან. დამპყრობლებმა ქუთაისი აიღეს, ციხე დაიკავეს, მაგრამ სოლომონის შეპყრობა ვერ მოახერხეს. ქართველებმა მეფე, რუსეთიდან დამხმარე ჯარების მოლოდინში, მოდინახეს ციხეში შეაფარეს და ოსმალებს პარტიზანული ბრძოლა გაუმართეს. ქართველი ხალხის დამონება ადვილი არ აღმოჩნდა. 1765 წლის დიდი ლაშქრობა ოსმალეთს 1.200 ქისა ოქრო დაუჯდა და შედეგი არ ჩანდა. მართალია, იმერეთის ტახტზე ოსმალების გამეფებული თეიმურაზი იჯდა, მაგრამ მას დიდი დღე არ ჰქონდა. მეფე სოლომონ I ძალას იკრებდა. სოლომონმა ლეკთა 200-კაციანი რაზმი დაიქირავა

და ქართველი მხედრობით ოსმალებს შეუტია. რაჭის ერისთავი როსტომი და მისი ძმა ბესარიონ კათალიკოსი ისევ ოსმალების გამეფებულ თეიმურაზ ბატონიშვილს ემხრობოდნენ. ქართველების ყოველი შეტევის დროს ოსმალები მარცხდებოდნენ. მალე სოლომონმა ქუთაისის ციხე აიღო და სამეფო ტახტი დაიბრუნა. ქართველთა განუწყვეტელი შეტევებით ოსმალებმა დიდძალი მეომარი დაჰკარგეს. სულთანმა გადაწყვიტა სოლომონთან საზავო მოლაპარაკება გაემართა. იმერეთის მხრიდან სტამბოლში ელჩად მიავლინეს სოლომონ I ძმა იოსებ გენათელი. მას ახლდა ერეკლე II ელჩიც. სულთანი მზად იყო იმერეთის სამეფოსთან ზავი შეეკრა, ეს ზავი ოსმალეთისათვის თითქოს საპატიო უნდა ყოფილიყო. მაგრამ სოლომონი ვერ დაითანხმეს, რომ იმერეთის სამეფო ოსმალეთთან ვასალურ მდგომარეობაში ყოფილიყო. ბოლოს ოსმალეთმა იმერეთის სამეფო სცნო არა ვასალურ, არამედ ოსმალეთის მფარველობაში მყოფ სახელმწიფოდ. როგორც ვხედავთ, პატარა იმერეთის სამეფომ დიდ ოსმალეთის იმპერიას, რომელსაც დაპყრობილი, ჰქონდა ეგვიპტე და მთელი სამხრეთ-აღმოსავლეთი ევროპა, თავისი ძალა მაინც აჩვენა.

ოსმალეთთან ზავის დადების შემდეგ სოლომონ I ისევ ქვეყნის საშინალ საქმეების მოწესრიგებას შეუდგა. 1768 წლის სექტემბერში მან შეუტია თეიმურაზ ბატონიშვილს, რომელსაც მხარს უჭერდნენ სოლომონის ცოლისძმა, სამეგრელოს მაშინდელი მთავარი კაცია დადიანი, ბიძა—გიორგი ბატონიშვილი, ოსმალეთის მიერ გამთავრებული გიორგი V გურიელი, რაჭის ერისთავი როსტომი და მისი ძმა ბესარიონ კათალიკოსი. როგორც ვხედავთ, მეფის წინააღმდეგ შეკრული იყო საკმაოდ ძლიერი და გავლენიანი კავშირი, მაგრამ სოლომონის მხარეზე იყო ხალხი და ერთგული ფიცის კაცები: მესხი, ავალიანი, იოსელიანი, ლოღობერიძე, მიქაბერიძე, იაშვილი, უგრეხელიძე, ჭაბუკიანი, აგიაშვილი, ლორთქიფანიძე, წულუკიძენი და სხვები, რომელთა ერთგულებით სოლომონ I გაიმარჯვა. ორივე ბატონიშვილი ციხეში ჩასვა და სიცოცხლე მოუსპო.

1769 წლის 28 იანვარს სოლომონმა მოლაღატე რაჭის ერისთავს შეუტია. როსტომსა და მის შვილებს თვალები დასთხარა, რაჭის საერისთავო გააუქმა, მოლაღატე ბესარიონ კათალიკოსი გადააყენა და კათალიკოსად დასვა თავისი ძმა იოსები.

მიუხედავად ასეთი წარმატებისა, სოლომონ I კარგად ხედავდა, რომ მის სამეფოს არ ჰყოფნიდა სამხედრო ძალა გარეშე და შინაგანი შტრების დასამარცხებლად. რევულარული ჯარის შენახვა გალატაკებულ სახელმწიფო ხაზინას არ შეეძლო. აუცილებელ, მეტად საჭირო შემთხვევაში, სოლომონი ქირაობდა ლეკთა ლაშქარს, მაგრამ როცა ის უკან ბრუნდებოდა, მოსახლეობას აწიოკებდა. ერთადერთ ხსნას სოლომონ I ერთმორწმუნე და ძლიერი რუსეთის მფარველობაში ხედავდა. ამიტომ მან 1768 წელს რუსეთში გაგზავნა ელჩი — მიტროპოლიტი მაქსიმე ქუთათელი და ეკატერინე II იმერეთის სამეფოს მფარველობა სთხოვა. დედოფლისადმი გაგზავნილ წერილში სოლომონ I წერდა: „ან იმერეთის სამეფო „საიმპერიოდ აღრიცხეთ, რათა მეფე იმერეთისა „ქრისტეს შეწევნითა აღმოსავლეთის სარწმუნოებისა და სჯულისათვის ყოფილად მოწყალის ხელმწიფისა სამსახურზედ უცხო თესლთა, ოსმალთ შევაკვდე და ვიდრე სისხლის დათხევამდე ხელმწიფის სამსახურზე ვიღვაწო“ ან, თუ ეს არ მოეწყობა და ეკატერინე II იმერეთის სამეფოს მფარველობას არ ისურვებს, „აქვე განვამტკიცეთ სახსართა და შეწევნითა მიერ, რომ ჯარის მიცემა შევიძლო და მით უძლიოთ წინააღმდეგობაი ოსმალთა, რამეთუ ჩვენ სახმართაგან ფრიად ნაკლულოვან ვართ“.

ე. ი. მეორე შემთხვევაში სოლომონ I ეკატერინე II ჯარითა და სამხედრო საჭურველით დახმარებას სთხოვდა. ამავე დროს დასძენდა, რომ თორმეტი წელი

იყო, რაც იგი ოსმალებს ებრძოდა, რომ ოსმალები იმერეთს შვილჯერ შემოესივნენ, მაგრამ ისინი ყოველთვის დამარცხებული გარბოდნენ.

ეს იყო დრო, როცა რუსეთის მთავრობას გადაწყვეტილი ჰქონდა ოსმალეთის წინააღმდეგ ომის დაწყება. რუსეთს უნდოდა შავი ზღვის ნავსადგურების დაპყრობა და თავისუფალი ნავსადგომის მოპოვება. ამიტომ სოლომონ I ელჩი პეტერბურგში დიდი ზეიმით მიიღეს. ეკატერინე II ოსმალების წინააღმდეგ ბრძოლაში ევროპის სახელმწიფოთა მხარდაჭერის იმედი არ ჰქონდა, რუსეთის სამეფო კარი კი დიდ მნიშვნელობას ანიჭებდა ოსმალეთის ბატონობის ქვეშ მყოფი ქრისტიანი ხალხების ბრძოლას, რადგან ეკატერინე II ოსმალეთთან მომავალ ომს რელიგიური მოტივით ამართლებდა. დედოფალი ბალკანელ და კავკასიელ ხალხებს მოწოდებით მიმართავდა, რომ რუსეთი „ქრისტეს სარწმუნოებისათვის“ ამ ხალხების ინტერესებისათვის იბრძოლებდა.


ამგვარად, სოლომონ I წინადადება მისაღები დარჩა. მაგრამ რუსეთის სამეფო კარს, ამ შემთხვევაში, აფიქრებდა ქართლ-კახეთის სამეფო, ერეკლე II პოზიცია, რადგან ირანი და ოსმალეთი ამ დროს არ ერეოდნენ ქართლ-კახეთის სამეფოს საქმეებში და მთელ აღმოსავლეთ ამიერკავკასიაში ერეკლე II გაბატონებული მდგომარეობა ეჭირა.

(დასასრული ეჭნება)



**სიყვარულით სიკვდილისა მძლეველი**

ბედნიერი, როგორც მტრისგან თავდახსნილი მძევალი,  
გზას მივყვები სიყვარულით სიკვდილისა მძლეველი.  
მაფრთხილებ: ამ სამანს იქით წასვლა აკრძალულია!  
ვიღიმები: ჩემი შემწე თვითონ სიყვარულია!  
არ არსებობს ჩემთვის ღამე მარად გაუთეველი,  
მივიმღერი სიყვარულით სიკვდილისა მძლეველი.



ჩემს მატარებელს სადგურებზე  
არავინ ელის,  
უცდის არავინ,  
და ეზმანები, როგორც მირაჟი  
ჩემი დღეების დაღლილ ქარავანს.  
მხოლოდ შენ...

ვერ მოუპოვებს სხვისი სითბო  
უცხო სიმშვიდეს,  
ვერც ჩემს გრძნობას და  
ვერც ჩემს გონებას...  
განგებამ უშენოდ  
გინდ მომკლას, გინდ მაცოცხლოს,  
როგორც ენებოს...



ულბილეს სხივებს ვეაღერებ,  
მხურვალე ვარდს და ბროლს ვკოცნი ვნებით,  
თუ არ დავაგდე მტკვრიანი გზები,  
მხოლოდ შენს გამო, შენზე ოცნებით.

შენ ერთადერთი ხარ ეკლესია,  
სადაც დავდნები ლოცვით სანთელი,  
ჩემი ცხოვრებაც ერთი ლექსია,  
ჩურჩულთ მხოლოდ შენთვის სათქმელი...



ტოტები ფანჯრის შიხებს  
ეხლება,  
რაზე მოიწყინე,  
დაია თეთრხელეა?...  
გვიანლოვდება, ძვირფასო, ზამთარი,  
შენმა თბილმა სულმა  
უნდა გაუძლოს ყინუებს,  
ქალწულურ ოცნების მთვარე  
თოვაში ბილიკებს გაგიბრწყინებს.  
ერთხელ მაინც ვიმდგროთ,  
როგორც გედებმა,  
და მერე... რა ვუყოთ,  
ოდესმე უჩვენოდ  
თუ დაზამთრდება...





## „შენ ხომ ჩემი ხის პარსკვლავი იყავ“...

როცა წვიმიანი დღეა, მაშინ მიყვარს ჩემს არქივში ხელის ფათური. ერთხელ დაწყობილს ხელმეორედ ვალაგებ, ვსინჯავ, ვკითხულობ, ვამოწმებ, ვფიქრობ... რამდენი განთქმული მომღერალი, მეჭიბონე, მეჩონგურე, მოცეკვავე, ქორეოგრაფი ჰყავდა აჭარას! მე თითქმის ყველაზე მაქვს ჩანაწერები, მასალები, ფოტოები. წლების განმავლობაში ვაგროვებდი ამ მასალებს. ორი პატარა წიგნი გამოვაქვეყნე კიდევ, მაგრამ ეს ცოტაა, როგორც იტყვიან, წვეთია ზღვაში, ხალხისთვის გაღებული ღვაწლი არავის უნდა დაეკარგოს. ამჟამად გამოსაცემად ვამზადებ ახალ წიგნს. „შენ ხომ ჩემი ხის პარსკვლავი იყავ!“ ასეთი იქნება ერთ-ერთი ჩემი წერილის სათაური, რომელიც ეძღვნება მოცეკვავე ხასან ბაკურიძეს. ვინ იყო იგი და როგორ გაითქვა სახელი? — ხასანი იყო ჩვენი ქალაქის მკვიდრი, კავკასიური ცეკვების ოსტატი. მოდით, ვისაუბროთ ამ ხელოვანის შესახებ...

არიფ ბაკურიძემ 1923 წელს სოფელ აგარიდან (ხელვაჩაურის რაიონი) ბათუმში ჩამოიყვანა და ქალაქის გარეუბანში სერაპიონ შავგულიძის კერძო ქორეოგრაფიულ სტუდიაში მიაბარა თავისი ჩვიდმეტი წლის ვაჟიშვილი ხასანი. ყმაწვილი მალე შეეჩვია სტუდიის წესებს და სარეპეტიციო დარბაზში ბეჯითად ვარჯიშობდა, იწაფებოდა, იღეთებს ხვეწდა. ცოტა ხნის შემდეგ მთელი სტუდიის ყურადღებაც მიიპყრო. გამოცდილ პედაგოგ-ქორეოგრაფს სერაპიონ შავგულიძეს ეს ახარებდა... და უთხრა კიდევ, კარგი მოცეკვავე გამოხვალო.

გამართლდა კიდევ მასწავლებლის წინასწარმეტყველება... დადგა ჟამიც გამოცდისა...

და აი, გაიმართა სტუდიადამთავრებულთა გამოსაშვები საღამო-კონცერტიც. ხასანის წარმატებამ მოლოდინს გადააჭარბა. მან საუკეთესო მოცეკვავის თვისებები გამოამჟღავნა...

1925 წელს ნიჭიერი ახალგაზრდა ჩაერიცხა ბათუმის ნავსადგურის მტვირთავ მუშათა მხატვრული თვითმოქმედების კოლექტივში, რომელსაც საქართველოს სსრ ხელოვნების დამსახურებული მოღვაწე არტემ ერქომაიშვილი ხელმძღვანელობდა. არსებითად მას მუშაობა მოუხდა ახლად დაარსებულ თვითმოქმედ კოლექტივში. ხასანი არ შეუშინდა სიძნელეებს და მალე საზოგადოების ყურადღებაც დაიმსახურა. მაყურებელი აღტაცებით ხვდებოდა კონცერტებზე ხასან ბაკურიძის გამოსვლას. ამ დალოცვილს, რა მოხდენილი ტანი ჰქონდა! რა არ შვენოდა — ჩოხაც და ჩაქურაც! მისი ცეკვა ხასიათდებოდა ღრმა ხალხურობით და უბრალოებით, სისაღისით და მოძრაობის დახვეწილობით, ტემპერამენტით, მგზნებარებით

როცა გამოცხადდა ინდივიდუალურ შემსრულებელთა კონკურსი, ხ. ბაკურიძე

დიდი მონდომებით ემზადებოდა. ქალაქის საუკეთესო მოცეკვავეები მოუთმუნლად მოელოდნენ კონკურსის დაწყებას.

ეს იყო 1926 წელს, ბათუმის ცენტრალურ მუშათა კლუბში თავი მოეყარათ საუკეთესო მოცეკვავეებს. დაიწყო საქალაქო კონკურსი კავკასიური ცეკვის საუკეთესო შესრულებისათვის.

პაექრობა მეტად საინტერესოდ წარიმართა. მაყურებელთა ყურადღება მიიპყრო მოხდენილი ტანის ახალგაზრდა მოცეკვავემ ხასან ბაკურიძემ, რომელმაც სცენას არაჩვეულებრივი სიმსუბუქითა და ტემპერამენტით ჩამოუარა. მან იცეკვა „მთიულური“, იცეკვა კი არა, როგორც იტყვიან, ცეცხლი დაანთო. მქუხარე ტაშით დააჯილდოვეს. კარგი სცენიური კულტურით მოხიბლა მოცეკვავემ დარბაზი. ახალგაზრდა ხელოვანმა ხასან ბაკურიძემ გაიმარჯვა — პირველი პრიზი დაიმსახურა.

სახეგაბრწყინებულ ახალგაზრდასთან ჭაღარა კაცი მივიდა, მან წარმატებები მიულოცა გამარჯვებულ მოცეკვავეს და მამაშვილურად გადაეხვია. იგი ახალგაზრდა მოცეკვავის პედაგოგი სერაპიონ შავგულიძე იყო, ახარებდა მისი აღზრდილის ესოდენ წარმატება.

სამკერდე ნიშანი და საუკეთესო მოცეკვავის საპატიო წოდება დიდი წარმატება იყო ოცდაერთი წლის მოცეკვავისათვის. მაგრამ იგი ამ წარმატებებით არ გაყოყიანებულა, პირიქით, კვლავ შეუპოვრად იმადლებდა ოსტატობას. ხასანი ქორეოგრაფიაში დაუღალავად ეძებდა ახალ ილეთებს, ნიჭიც სწყალობდა. შედეგიც თვალსაჩინო იყო.

ხასანმა არაერთი სასახელო შემოქმედებითი გამარჯვება მოიპოვა საქალაქო. საოლქო და რესპუბლიკურ ოლიმპიადებზე ინდივიდუალური ცეკვების შესრულებით, აღადგენდა და ავრცელებდა აჭარაში ხალხური შემოქმედების საუკეთესო ქორეოგრაფიულ ნიმუშებს.

ხასანის წარმატებებზე იწერებოდა ადგილობრივ გაზეთებში. კერძოდ, ითქვა, რომ ხალხურ ცეკვებში ჩაქსოვილი ხალხური მიმზიდველობა, სიცოცხლის ხალისი და შრომის სიყვარული მკაფიოდ იგრძნობოდა ხასან ბაკურიძის მაღალმხატვრულად შესრულებულ ცეკვებში. იგი ბრწყინვალედ ასრულებდა „ქართულს“, „მთიულურს“, „აფხაზურს“, „მოხევეურს“ „ოსურს“, „ბაღდადურს“ და სხვა ცეკვებს. მას ტოლს ვერავინ დაუდებდა. ხალხს განსაკუთრებით ხიბლავდა ხასანი, როცა იგი სწრაფად ლამაზ წრეს შეკრავდა — ეს იყო რაღაც ზღაპრული, განუმეორებელი, მისეული ხელოვნება... პირში ათ ხანჯალს ჩაიდებდა და მერე თითო-თითოდ იატაკზე დაარჭობდა ისე, რომ როკვას არ შეანელებდა.

თამამად შეიძლება ითქვას, რომ ხასან ბაკურიძე ქორეოგრაფიული ხელოვნების ერთ-ერთი პიონერთაგანი იყო აჭარაში. ამ მაღალნიჭიერმა ხელოვანმა კარგად აითვისა ხალხური ცეკვების საინტერესო ფორმები და იგი გამოიტანა ფართო ჭაზოგადობაში. ამით ხასანმა სხვა მოღვაწეებთან ერთად საფუძველი ჩაუყარა ქორეოგრაფიული ხელოვნების განვითარების ახალ ეტაპს ჩვენს რესპუბლიკაში.

მხატვრულ თვითმოქმედებაში, ცალკეულ კონკურსებსა და ოლიმპიადებში ხასან ბაკურიძეს მიღებული ჰქონდა რამდენიმე პრიზი, ფულადი ჯილდო, სიგელი.

სამამულო ომის წლებში ხ. ბაკურიძე, ავადმყოფობის გამო, იძულებული გახდა თავი დაენებებია მხატვრული თვითმოქმედებისათვის. გავიდა შრომის ინვალიდობის პენსიაზე, მაგრამ თავის საყვარელ საქმეს მაინც არ ივიწყებდა და ახალგა-

ზრდილი გატაცებით თვალს ადევნებდა ქართული ხალხური ქორეოგრაფიული ხელოვნების ზრდას და განვითარებას.

ს. ბაკურიძე იყო ძალზე გულისხმიერი, კეთილშობილი ადამიანი, მიუხედავად იმისა, რომ ამ ბოლო წლებში ხშირად ავადმყოფობდა, იგი მაინც იღვწოდა ქართული ქორეოგრაფიული ხელოვნების სიყვარულით, ზრდიდა და წვრთნიდა ახალ თაობას.

1977 წლის ზაფხულში გარდაიცვალა სახელგანთქმული მოცეკვავე, კეთილი და უწყინარი ადამიანი ხასან ბაკურიძე. მისი სახელი დაუვიწყარი იქნება არა მარტო იმათთვის, ვინც მას იცნობდა, არამედ ყველა იმისთვის, ვისაც უყვარს ხელოვნება. გარეგნულადაც ხასანი ჩვენი ქალაქის მშვენიერა იყო — ლამაზი, მოხდენილად ჩაცმული კაცი...

ერთი ჩვენი თანამემამულე პოეტი, რომელიც პირადად კარგად იცნობდა ხასანს, მას ასე მიმართავს:

შენ ხომ ჩემი ცის ვარსკვლავი იყავ,  
და ვარსკვლავი ხომ მარადის ბრწყინავს...

**გუგული ბაბისონია,**

აჭარის ასსრ დამსახურებული არტისტი.



### ს ვ ე ტ ი ც ხ ო ვ ე ლ ი

ჩუმაღ ვჩურჩულე სვეტიცხოვლის კედელთან მდგარი,  
ცისკენ აჭრილი ტაძრის ხილვა მათებს დიდად,  
იგი ბურჯია ჩვენი ჯიშის და სულის მყარის,  
...ორი მდინარის შეერთებას გაჰყურებს მშვიდად.

### გ ი ო რ გ ი შ ა ი ნ ი ძ ე

#### ს ს ა ლ თ ა

შენი მზით ვარ გამოზრდილი,  
ლებად მეგო შენი კალთა,  
საბნად – შენი მთების ჩრდილი  
და ლოდები სასთუმლადა.  
შენ დამხურე „დიღმა“ ქუდად,  
ნატყვიარო, ნამეხარო,  
და სალბუნად ღია წყლულთა  
შენ მაჰკურე ცივი წყარო.



## ლენინის სასწავლებლის...

დაირეკა I სექტემბრის ზარი.

ჩვენი დიადი ქვეყნის – საბჭოთა კავშირის ყოველ ქალაქსა და სოფელში სადღესასწაულოდ აღინიშნა ახალი სასწავლო წლის დაწყება. მილიონობით ბავშვი მიუჯდა მერხებს მეცნიერების საფუძვლების დასაუფლებლად, რათა მომავალში თავიანთი ცოდნა მოახმარონ თავიანთ ქვეყანას, მშრომელ ხალხს.

ცოდნის დღესასწაულის წინაღობებში გამოქვეყნდა საქართველოს კომპარტიის ცენტრალური კომიტეტის, საქართველოს სსრ უმაღლესი საბჭოს პრეზიდიუმის, რესპუბლიკის მინისტრთა საბჭოს, საქართველოს პროფსაბჭოსა და საქართველოს ალკკ ცენტრალური კომიტეტის მიმართვა, რომელშიც, კერძოდ, ნათქვამი იყო, რომ მიმდინარე სასწავლო წელი ეს არის პირველი წელი მას შემდეგ, რაც გაიმართა უდიდესი მსოფლიო ისტორიული მნიშვნელობის მოვლენა – სკკპ XXVI ყრილობა, რომელმაც დასახა საბჭოთა ხალხის ეკონომიკისა და კულტურის აღმავლობის, ჩვენს ქვეყანაში სახალხო განათლების სისტემის განვითარების შემდგომი გზები. ეს არის წელი, როცა მოეწყო საქართველოს კომპარტიის XXVI ყრილობა, რომელმაც დაამკვიდრა ბოლო წლებში რესპუბლიკის ეკონომიკურ და სოციალურ ცხოვრებაში დასახული პოზიტიური ტენდენციები.

გვებაყება, რომ ამ წარმატებებში მნიშვნელოვანი როლი ეკუთვნით სახალხო განათლების მუშაკებს, რომლებსაც ღირსეული წვლილი შეაქვთ ახალგაზრდა თაობის აღზრდაში.

ბათუმის ვ. ი. ლენინის სახელობის № 1 საშუალო სკოლისათვის აღმავლობისა და წარმატების მომტანი იყო მეათე ხუთწლელი. ბევრი რამ გაკეთდა ამ ხუთი შინაარსიანი და გამიზნული წლის განმავლობაში, განმტკიცდა და გამდიდრდა სკოლის მატერიალურ-ტექნიკური ბაზა. ადგილობრივი პარტიული და საბჭოთა ორგანოების ხელმძღვანელობითა და დახმარებით სკოლისათვის აშენდა ახალი კორპუსი 16 სასკოლო ოთახით, სახელოსნოებითა და ფიზკულტურის დარბაზით, ბიბლიოთეკითა და სასადილოთი, რამაც სკოლას ერთცვლიან მუშაობაზე გადასვლის შესაძლებლობა მისცა. 1977 წლიდან სკოლა გადავიდა სწავლების კაბინეტურ სისტემაზე, კეთილმოეწყო და შეივსო კაბინეტები, განსაკუთრებით აღნიშვნის ღირსია დაწყებითი კლასების, დაწყებითი სამხედრო მომზადების, რუსული ენის, ბიოლოგიის, გეოგრაფიის, ისტორიისა და მათემატიკის კაბინეტები.

კაბინეტები აღჭურვილია ტექნიკური საშუალებებითა და მდიდარი თვალსაჩინოებით, ამაღლდა სწავლების და აღზრდის ხარისხი, განმტკიცდა დისციპლინა, 1971 წლიდან სკოლა მუშაობს მეორეწლიანობის გარეშე.



სკოლის დირექციას (დირექტორის მოადგილეები ნ. მახაჭაძე, ც. შარაძე, ნ. ჩახვაძე) მხარში უდგას მაღალკვალიფიციური მასწავლებლებით დაკომპლექტებული კოლექტივი. წარმატებით ჩაიარა მასწავლებელთა ატესტაციამ. მეთოდისტი-მასწავლებლის წოდება მიენიჭა ლენინის ორდენის კავალერს, რესპუბლიკის დამსახურებულ მასწავლებელს თ. კვაჭაძეს, უფროსი მასწავლებლის წოდება — შრომის წითელი დროშის ორდენოსან დ. ქინქლაძეს, საქართველოს სსრ და აჭარის ასსრ განათლების სამინისტროს სიგელებითა და სამკერდე ნიშნებით დაჯილდოვდნენ თ. აბუანდაძე, ლ. ჩაკვეტაძე, დ. მახარაძე, ი. მადლიანი, ტ. ერქომაიშვილი, ლ. ჯაველიძე, ც. კვაჭანტირაძე.

ტრადიციულად სკოლაში მაღალ დონეზე ისწავლება რუსული ენა. ვ. ი. ლენინის სახელობის № 1 სკოლა ბათუმის ქართულ სკოლებს შორის რუსული ენის სწავლების ერთ-ერთ სანიმუშო, საბაზო სკოლად ითვლება.

შორს წაგვიყვანდა იმ სასიქადულო ადამიანების ჩამოთვლა, რომლებსაც ბათუმის პირველი საშუალო სკოლის კედლებში ძიუდიათ სწავლა-განათლება, და რომლებმაც ასახელეს აღმზრდელი კოლექტივი, მთელი ჩვენი რესპუბლიკა.

შრომა ჩვენს ქვეყანაში სახელისა და ღირსების საქმეა. ჩვენი სკოლის კოლექტივის საქმიანობაც, მეთუ ხუთწლედის განვლილ წლებში ღირსეულად დაფასდა, ყველაზე მნიშვნელოვანი კი ის იყო, რომ რესპუბლიკურ სოციალისტურ შეჯიბრებაში გამარჯვებისათვის 1977 წელს სკოლა დაჯილდოვდა საქართველოს კომპარტიის ცენტრალური კომიტეტის, საქართველოს სსრ მინისტრთა საბჭოს, პროფკავშირთა რესპუბლიკური საბჭოს, საქართველოს ალკკ ცენტრალური კომიტეტის კარდამავალი წითელი დროშითა და დიპლომით.

გასული სასწავლო წლის მანძილზე სკოლის დირექცია, პარტიულ, კომკავშირულ და პროფკავშირულ ორგანიზაციებთან ერთად, სათანადო ყურადღებას აქცევდა და საჭირო კონტროლს ანხორციელებდა სასწავლო-აღმზრდელობითი მუშაობაზე. პედაგოგიური საბჭოს სხდომებზე, პარტიულ, კომკავშირულ და პროფკავშირულ კრებებზე ხშირად იხილებოდა სასწავლო-აღმზრდელობითი მუშაობის საკითხები, ყოველივე ამის შედეგია, რომ სკოლამ წარმატებებით დაამთავრა სასწავლო წელი, ამაღლდა სწავლებისა და მოსწრების ხარისხი. 907 მოსწავლიდან 107 ხუთოსანი და 219 ოთხოსანი იყო, ე. ი. ყოველი მესამე მოსწავლე ხუთოსანი ან ოთხოსანია. 62 კურსდამთავრებულიდან 6 მოსწავლემ ოქროს მედალი მიიღო, ხოლო 19 მოსწავლემ — მაღალქულიანი ატესტატი.

წელს საფუძველი ჩაეყარა ბათუმის № 1 საშუალო და თბილისის 54-ე საშუალო სკოლების მეგობრობას ურთიერთგამოცდილების გაზიარების მიზნით. ეს მეგობრობა შემდგომში უფრო მეტ სტიმულს მოგვცემს სასწავლო-აღმზრდელობითი მუშაობის უკეთ წარმართვისათვის.

სკოლაში სასწავლო-აღმზრდელობითი მუშაობის კარგ დონეზე, ცალკეული საგნების ღრმად შესწავლაზე მეტყველებს ის ფაქტი, რომ 1981 წელს მოსწავლეთა 36-ე რესპუბლიკურ სასწავლო-შემოქმედებით კონფერენციაზე აქტიური მონაწილეობისა და საუკეთესო მოხსენებებისათვის 19 მოსწავლე დაჯილდოვდა დიპლომებითა და სიგელებით.

მოსწავლეთა რესპუბლიკურ ოლიმპიადაზე, რომელშიაც ჩვენი 170 მოსწავლე მონაწილეობდა, მოცეკვავეთა ანსამბლი დაჯილდოვდა I ხარისხის დიპლომითა და ოქროს მედლით, სიმღერის გუნდი კი III ხარისხის დიპლომითა და ბრინჯაოს მედლით. ასევე საქალაქო თუ რესპუბლიკურ შეჯიბრებაში წარმატებით გამოვიდნენ ჩვენი სკოლის სპორტსმენები. ტრადიციულად, ფიზკულტურასა და სპორტს

ჩვენთან დიდი ყურადღება ექცევა. აქ აღზრდილი ზოგიერთი სპორტსმენი დღეს საქართველოში  
ქვეყნოდ არის ცნობილი.

სკოლაში სასწავლო-აღმზრდელობითი მუშაობა დიდად არის დამოკიდებული  
კარგი მატერიალური ბაზის არსებობაზე. სასკოლო-მატერიალური ბაზის განმტ-  
კიცებისათვის შეფების დახმარებით წელსაც ბევრი რამ გაკეთდა. ასე რომ, ახალ  
სასწავლო წელს მომზადებული შევხვდით.

როგორც ზემოთ ითქვა, ახალმა სასწავლო წელმა ახალი ამოცანები დასაზა  
სკოლის წინაშე. ჩვენი კოლექტივი ძალასა და ენერგიას არ დაიშურებს ამ ამო-  
ცანების გადასაწყვეტად.

**ზია კომახიძე,**

ვ. ი. ლენინის სახელობის ბათუმის  
№ 1 საშუალო სკოლის დირექტორი,  
გეოგრაფიულ მეცნიერებათა კანდიდა-  
ტი.



# „ხელის“ ნიშანბან

(საკუთრების სიმბოლურ ნიშანთა საკითხისათვის)

მიწის კერძო საკუთრების აღმოცენებამ იმთავითვე აუცილებელი გახადა მისი გამოყოფა საერთო მფლობელობიდან და მიჯნის აღნიშვნა. თავდაპირველად მიჯნად შესაძლებელია გამოყენებული იყო ბუნებრივი ნიშნები: ხევი, ხრამი, ბორცვი, მდინარე და სხვა, რომლებიც ანაწევრებენ ტერიტორიას, მაგრამ თავისთავად არ მეტყველებენ საკუთრებაზე, არ შეიცავენ ამის მაუწყებელ ნიშანს. საკუთრების ფორმათა ევოლუციას, ცხადია, ეს ვერ დააკმაყოფილებდა. უთუოდ, ამიტომაც მფლობელობის აღსანიშნავად ჯერ კიდევ უძველეს დროში გამოყენებული იყო მატერიალური საგანი, მასზე გამოსახული რაიმე ნიშნით ან ნიშანთა ჯგუფით. მათი შექმნა განპირობებული იყო როგორც იურიდიული, ასევე პრაქტიკული აუცილებლობით.

ისტორიულ-ეთნოგრაფიული მონაცემებით ირკვევა, რომ საკუთრების აღნიშვნელი დამადასტურებელი საგნები თუ ნიშნები სხვადასხვა იყო და საზოგადოების განვითარების, მისი სამართლებრივი ნორმების თუ იდეოლოგიური შესდულებების ცვლის შესაბამისად ვითარდებოდა. ქართველი ხალხის ეთნოგრაფიული ყოფა მრავალ ამგვარ ნიშანს და საგანს იცნობს. ბევრმა მათგანმა უძველესი დროიდან ჩვენამდე მოაღწია როგორც მატერიალური კულტურის ძეგლმა. ყველა ისინი მნიშვნელოვან წყაროს წარმოადგენს საკუთრების ფორმათა განვითარების ზოგიერთი საკითხის დადგენისათვის.

საქართველოში, როგორც ეს ეთნოგრაფიული მონაცემებით ცნობილი ხდება, მიწის დასაკუთრების პირველ აქტად ითვლებოდა სათემო, საზოგადოებრივ მფლობელობის ტყეში შერჩეული ნაკვეთის ირგვლივ კერძო პირის მიერ ხეთა დანიშვნა, რასაც „დათარჯვა“, „დაჯვარვა“, „გამოკოდვა“ და სხვა ეწოდებოდა.

საკუთრების მაუწყებელი ნიშნები მრავალნაირია. ძირითადად ესაა: ჯვარი, წრე, ისარი, ვერტიკალური ან ჰორიზონტალური ხაზები, წრეში ჩასმული ჯვარი ან სხვა ნიშნები, ცულის, წალდის, ადამიანის ხელის მტევნის გრაფიკული ან რელიეფური გამოსახულებანი და სხვა.

სოფლებში სარფსა და გონიოს მიდამოებში დამოწმებულია საყურადღებო ტოპონიმები: „ბურჭული მეჭაელი“ („წალდიანი წიფელი“ ლაზ.) და „არგუნი მეჭაელი“ („ცულიანი წიფელი“, ი. სიხარულიძე), რომელთა გაჩენა აღნიშნულ წესს უნდა უკავშირდებოდეს. ქვის სვეტზე ცულის გამოსახულება დადგენილია ყირიმშიც, ე. წ. ბაღჩიელში, და ბრინჯაოს ხანის ძეგლადაა მიჩნეული (ა. ფორმოზოვი).

მატერიალური საგნებიდან, როგორც წესი, გამოყენებული იყო ქვის სვეტი ხელის გამოსახულებით ანუ იგივე „ხელი“, „ქვაჯვარი“, „ქვაკაცი“, სამანი (ქვის



უბრალო სვეტი „ამხანაგით“ ანუ მისი თანმხლები მცირე ზომის ქვით), რომელიც თავისი შინაარსით იგივე „ხელი“ იყო და ა. შ. ამ საგანთაგან ჩვენ ყურადღებას ძირითადად „ხელზე“ შევაჩერებთ. ჩვენი ინტერესი განპირობებულია იმ მოტივით, რომ „ხელის“ ინსტიტუტი ძალზე ძველია და მისი გადმონაშთური ფორმა ეთნოგრაფიულად ყოფაში აქა-იქ დამოწმდა. მეორეს მხრივ „ხელი“ როგორც, მიწის კერძო საკუთრების იურიდიული საბუთი და ამავე დროს მატერიალური ნიშანიც, ცნობილია ქართული წერილობითი წყაროებიდან. მაგრამ ჩვენ ამჟამად გვაინტერესებს „ხელის“ წარმომავლობის პრობლემა, რატომ იქცა იგი საქართველოში საკუთრების მანიშნებელ და დამადასტურებელ საგნად.

საკუთრების აღსანიშნავად ხელის გამოსახვის ფაქტები ეთნოგრაფიულად ჩვენთვის ხელმისაწვდომ პერიოდში იშვიათია. ეს არცაა გასაკვირი, ვინაიდან ხელის ინსტიტუტი, როგორც ითქვა, მეტად ძველია და დასაბამს უძველესი რელიგიური შეხედულებებიდან იღებს, მაგრამ ამაზე ქვემოთ გვექნება საუბარი.

ხელის გრაფიკული გამოხატვის ფაქტები სავსე მუშაობის დროს სოფლებში ბზუბზუსა და ზუნდაგაში (ქედის რაიონი) იქნა ფიქსირებული. ჯერ კიდევ XIX ს. დასასრულამდე მას მიმართავდნენ ტყის ფუტკრის პოვნის, სამასალე ხის შერჩევისა თუ ახოს დაკავების შემთხვევაში. ერა ან რამდენიმე ხეზე დანით შემოხაზავდნენ ხელის გაშლილ მტევანს და ამოჭრიდნენ ქერქს, ხოლო მის ქვემოთ ან გვერდზე ასევე გამოკვეთდნენ ცულის გამოსახულებას. ეს იმის მაუწყებელი იყო, რომ აღვიღს თუ ხეს უკვე ვიღაც დაპატრონებია.

ტყეში ფუტკრის მოშენება ჩვეულებრივი იყო აჭარაში, მაგრამ ყველა ხე როდი ვარგოდა საამისოდ. შერჩეული ხეები ინიშნებოდა, რომლებზედაც შემდეგ ცარიელ სკვებს (როგო) შეადგამდნენ იმ განზრახვით, რომ იქ ფუტკრის ახალი ოჯახი დაიდებდა ბინას.

ხელის მტევნის გამოსახვა ტყეში თითქმის ოცდაათიან წლებშიც ერთგვარი ტრადიციის სახითაც შემონახულა. ერთ-ერთი ინფორმაციით (ა. გოგიტიძე, 80 წ., ს. ბზუბზუ, მ. ვარშანიძე 79 წ., ს. ზუნდაგა), ახალგაზრდები ტყეში ნადირობის, შეშის დამზადების თუ სხვა საქმის დროს სქელტანიან წიფლის ხეზე საკუთარი ხელის გამოსახულებას შემოხაზავდნენ, რასაც თითქოს წარმატება მოჰქონდა. მათ თუმცა არც ისე სჯეროდათ ამის, მაგრამ ძველ ტრადიციას „ყოველ შემთხვევისათვის“ და „გართობის“ მიზნით ასრულებდნენ. „ტყეში მოსაქმე კაცს ხელი მოემართებაო“, ასე იტყოდნენ მოხუცები.

ეს მაგალითი ძალზე ძველი და საინტერესო რიტუალის გადმონაშთი უნდა იყოს, რომელშიც „ხელის“ მაგიური ფუნქცია ვლინდება და ავი ძალებისაგან მფარველის სიმბოლოდ გამოიყურება.

„ხელიანი წიფლები“ ს. ბზუბზუს ტყეში ე. წ. ყოლყვეთში. აქა-იქ ბოლო დრომდეც არსებულა.

ზემო აჭარაში (ს. ღორჯომი) დაჩემებული ტყის ნაკვეთის (ახოს) აღსანიშნავად დამოწმებული იქნა ტერმინი „ნახელავი“. მეორე ვარიანტით, ნახელავი მიწის გაკულტურებისათვის გაწეულ შრომას აღნიშნავს, მაგრამ ეს სიტყვა ოდესღაც ხელდადებულს, ადრე დასაკუთრებულს უფრო უნდა გვაუწყებდეს, რომელზედაც ძველი უფლება რაიმე მიზეზით შეიზღუდა ან სავსებით გაუქმდა.

XIX ს. საქართველოში „ხელი“ თუ „ხელის დადება“ მიწის შითვისების შინაარსით იშვიათად იხმარებოდა. სახელმწიფო გლეხობის ეკონომიკური ყოფის ამსახველ ლიტერატურაში იგი არსად გვხვდებოდა, მაგრამ ეს ტერმინი შემორჩენილი იყო საქორწინო წესებში. აჭარაში „ხელდადებული ქალი“ ვინმეს მიერ ამორ-



ჩეულ, სიტყვამიცემულს ნიშნავდა ოფიციალურ ნიშნობამდე. ნიშნობის ფორმა საქართველოს სხვა კუთხეებშიც არსებობდა.

წარმოშობით „ხელის დადება“, ანუ მიწის დაკავების აქტს უნდა უკავშირდებოდეს აჭარაშივე გავრცელებული ტერმინი „ყანის დადება“, რომელიც თანამედროვე გაგებით ახალი საყანის შექმნას აღნიშნავს.

ძველ ქართულ საადგილმამულო ურთიერთობის ამსახველ საბუთებში ხშირადაა მოხსენებული „ხელი“, „ხელის ამართვა“, „ხელის დადება“ და სხვა.

„ხელის ამართვა“ აღნიშნავდა როგორც იურიდიულ და ფაქტიურ მფლობელობას მიწაზე, მამულზე, ასევე მატერიალური საგნის დაყენებასაც, რომელზედაც „ხელი“ იყო გამოსახული. როგორც აკად. ნ. ბერძენიშვილი აღნიშნავდა, „ვისი უფლებაც მტკიცდებოდა (ვისაც კელს აუმართავდნენ), ის მამულზე (თუ სხვა) კელს დაიდებდა“, ხოლო ვისი უფლებაც უარყოფილი იყო, „...ის მამულზე (თუ სხვა) „კელს აიღებდა“.

„ხელი“ წინაფეოდალურ საქართველოში იყო უფლების მატერიალური ნიშანი. იგი წარმოადგენდა ქვის სვეტს, რომელზედაც ქრისტიანობამდე ხელი იყო გამოსახული. შემდეგ მას ერთვის ქრისტიანობის სიმტკიცის ნიშანი ჯვარი, რომელიც თანდათან არსებითი მნიშვნელობის ხდება და საბოლოოდ სავსებით აძევებს ხელის გამოსახულებას, მაგრამ საკუთრების დამადასტურებელ მატერიალურ ძეგლსაც, რომელზედაც უკვე ჯვარია, და დაწერილ დოკუმენტსაც მაინც „ხელი ეწოდება“. ერთი სიტყვით, ძველი ტერმინი განაგრძობს არსებობას და იმ ქვა-ჯვარსაც შეერქმის, რომელმაც ხელი შეცვალა (ნ. ბერძენიშვილი).

ძველი ქვაჯვრები ზოგიერთ ადგილზე დღემდეა შემორჩენილი. მაგალითად, მესხეთში არაერთი ასეთი ძეგლი არსებობს, რომელსაც ადგილობრივი მოსახლეობა „სასინორე ქვებს“ ე. ი. სამიჯნო ქვებსაც უწოდებს. ს. ზემო თმოგვში ქვაჯვრები განლაგებული იყო სოფლის გარშემო ქვეყნის მხარეთა მიმართულებით, ამავე ტიპის სვეტები დგას თმოგვის სამხრეთით, ნასოფლარ აგარის ტერიტორიაზე „ქვისწყაროებთან“, ნასოფლარ გიორგიწმინდის მახლობლად „ურიის სასაფლაოსთან“ და სხვ.

ქრისტიანობის ადრეულ ეტაპზე მიწის საკუთრების მაჩვენებლად აღმართული ქვაჯვრები სალოცავად იყო გამოყენებული. ეს თმოგვის ქვაჯვრებშიც ვლინდება, რომლებსაც ბოლო დრომდე პატივისცემით ეპყრობოდნენ მლოცველები და სანთლებსაც უნთებდნენ, თუმცა სოფელში დღესაც კარგადაა შემონახული ძველი ეკლესია.

შუა საუკუნეებში საქართველოში „ხელის“ მატერიალურ საგანზე ადამიანის ხელის გამოსახულებაცაა და ჯვარიც, მაგრამ ხელის გამოსახულება ჯერ კიდევ უმთავრესი ყოფილა და ინარჩუნებდა თავის ძირითად არსს, ხოლო ჯვარი მეორე ხარისხოვანი მნიშვნელობის მატარებელი იყო. ეს გარემოება ხელის, როგორც მატერიალური ნიშნის და მასში ჩაქსოვილი შინაარსის დიდ სიცოცხლისუნარიანობაზე მიუთითებს. როგორც ჩანს, ჯვარი ერთბაშად და ერთიანად ვერ ცვლის ხელის გამოსახულებას და ვერც მის ფუნქციონალურ მხარეს. უფრო მეტი, შემდგომ საფეხურზე, როცა ჯვარი უკვე განმტკიცებულია, როდესაც სამიჯნო და საკუთრების აღმნიშვნელ მატერიალურ საგანს ჯვარი წარმოადგენს, მასაც და საკუთრების მადასტურებელ დაწერილ საბუთსაც მაინც „ხელი“ ეწოდება. ყოველივე ეს მიუთითებს არა მარტო ტერმინის სიმტკიცეზე, ტრადიციის ძალით მისი გამოყენების ფაქტზე, არამედ ქრისტიანობამდე „ხელის“ იმ დიდ ადგილზე და

მნიშვნელობაზე, რომელიც მას იმდროინდელი საზოგადოებრივი და რელიგიური აზროვნების სფეროში ეკავა.\*

ამრიგად, ხელის გამოსახულებასაც და მატერიალურ საგანსაც მხოლოდ ჯვარი ცვლის, როგორც ქრისტიანული სარწმუნოების სიმბოლო, სიმტკიცის, თაყვანისცემის, საკულტო დანიშნულების საგანი და არა სხვა რამ. მაშასადამე, დასაბამიდანვე, უფრო სწორად, წარმართთა მსოფლმხედველობაში „ხელი“ ძლიერების, შეძლების, თაყვანისცემის შინაარსის მატარებელი იყო. წინააღმდეგ შემთხვევაში იგი ვერ იქცეოდა საკუთრებაზე ხელშეუვალობის სიმბოლოდ. გარდა ამისა, თუ კი ხელი შუასაუკუნეების საქართველოში სავსებით გარკვეული სახით ჩამოყალიბებულია, როგორც მიწაზე კერძო საკუთრების მამტკიცებელი მატერიალური საგანი, ხოლო რამდენადმე — შემდეგ დაწერილი საბუთიც, ცხადია, მისი ეს შინაარსი საქართველოში ქრისტიანობის შემოსვლიდან კი არ ჩნდება, არამედ ბევრად უფრო ადრე. წინააღმდეგ შემთხვევაში ჯვარის ბრძოლა მასთან ყოველგვარ საფუძველს იქნებოდა მოკლებული.

არა თუ საქართველოში, არამედ საზოგადოდ, ხელის გამოსახულება უძველეს დროიდან დასტურდება, ბევრი მონაცემი მიგვანიშნებს რომ იგი შესაძლოა პირველყოფილი რელიგიური შეხედულებებიდან იღებდეს საწყისს.

ხელის გრაფიკული და რელიგიური აღბეჭდვა სხვადასხვა საგანზე საკმაოდ გავრცელებული იყო საქართველოსა და კავკასიაში. იგი გვხვდება მატერიალური კულტურის ძეგლებზე, დარბაზული ტიპის სახლის დედაბოძზე. ხელის გამოსახულება ასახულია აგრეთვე ხევისურულ ორნამენტში (ვ. ბარდაველიძე, ვ. ჩიტაია). ხევისურთა ყოფაში სისხლის აღების შემთხვევაში იგი საწესჩვეულებო შინაარსის მატარებელიც იყო. მოკლულ მტერს მარჯვენა ხელის მტევანს მოკვეთდნენ და საკუთარი სახლის წინა კედელს მიაკრავდნენ. იგივე წესი იყო თუშეთშიც.

სხვა შინაარსის მატარებელი იყო ხელის გამოსახულება ხევეში. ოჯახის უფროსი ღამ-კირით ან ნებვ-მიწით შელესილ სახლის კედელს თითებგაშლილ ხელს მიაჩრტყამდა და მის გამოსახულებას აღბეჭდავდა. ეს გულისხმობდა მისი დამსმელის სახელის უკვდავებას ოჯახის შემადგენლობათა შორის (ვ. ითონიშვილი). ხელის მტევნის გამოსახვა შენობებზე და სხვადასხვა საგნებზე ტრადიციული იყო კავკასიის ხალხებშიც: დაღესტანში, ჩეჩნეთში, ინგუშეთსა და სხვ. როგორც მაგიური ძალის შემცველი და ავი სულებისაგან მფარველი, იგი კავკასიაში გავრცელებული იყო ამულეტის სახითაც.

ხელის გამოსახულებანი პეტროგლიფებზე სხვა ნიშნებთან კომპლექსში რუსეთში არაერთგანაა დადგენილი (ა. ფორმოზოვი), თუმცა მათი მნიშვნელობა ჯერჯერობით მთლიანად გარკვეული არაა.

„ხელთან“ დაკავშირებით საყურადღებოა აგრეთვე სხვა სახის ისტორიულ-ეთნოგრაფიული მონაცემები საქართველოსა და კავკასიის მთიანეთიდან.

\* ნ. მარს შავშეთში მოგზაურობისას სოფ. ნორგიელის მახლობლად ერთ ადგილზე, რომელსაც „კოლტაში“ რქმევია, უნახავს დიდი ზომის ქვაჯვარი და მისი სურათიც გადაუღია. „კოლ“ თურქულად ხელს ნიშნავს, „ტაშ“ — ქვას. თურქებს, როგორც ჩანს, ძველი ქართული ტოპონიმი კოლტაშად გადაუკეთებიათ, მაგრამ საინტერესო ისაა, რომ ამ კოლტაშზე უკვე ქვაჯვარი იდგა. ჩანს „ხელიანი ქვა“ ქვაჯვარს შეუცვლია, რაც თურქების მიერ სამხრეთ საქართველოს დაპყრობამდე უნდა მომხდარიყო, მაგრამ ადგილის სახელად მაინც ხელიანი ქვა (კოლტაში) დარჩენილა.



თუშეთში „ხელი“ გამოხატავდა ადათობრივი სამართლის ნორმას, ხელსა და ხელხომით ამ სიტყვიდან ნაწარმოები „ხელხომი“ – იმ პირებს, რომლებიც ერკვეოდნენ ადათობრივი სამართლის ნორმებში. ხელთან და ხელხომთან დაკავშირებულად მიჩნეულია ინგუშური „კხელამი“ და „კხელი“ (რ. ხარაძე). „კხელი“ უხუცესთა ჯგუფის აღმნიშვნელი ტერმინი იყო დაღესტანშიც. ხევსურეთსა და სვანეთში არსებობდა ხელის მოკიდებით დაფიცების წესი. ხელის მიცემა სიტყვის, პირობას მიცემას, დაფიცებას უტოლდებოდა.

ხელის გამოსახულება და ხელის კულტი ჩვენი ქვეყნის ფარგლებსაც სცილდება. მისი არსებობა უძველეს ხანაში მსოფლიოს ბევრ ქვეყანაში მოწმდება, მეტწილად ხმელთაშუა ზღვის ქვეყნების კულტურაში. ძველ ეგვიპტეში, ალბანეთში, ხეთურ დამწერლობაში, ირანში და სხვ. ეს იმას არ ნიშნავს, რომ მისი მნიშვნელობა ყველგან ზუსტად ერთნაირი იყო.

ახლა ზოგადი და ქართულ-კავკასიური ეთნოგრაფიული მასალის შუქზე, განვიხილოთ „ხელის“ ესოდენ პოპულარობისა და მისი წარმომავლობის ზოგიერთი მხარე.

როგორც ცნობილია, უძველესი დროის ადამიანისათვის გაუგებარი იყო ბუნების მარტივი თუ რთული მოვლენები. მუდმივი შიშით შეპყრობილი, იგი თავისი წარმოდგენებით ხსნიდა ამა თუ იმ მოვლენას. მათზე დაკვირვების პროცესში ადამიანი თავის თავსაც მიაწერდა ანალოგიური მოვლენების წარმოშობისა თუ გამოწვევის უნარს, ხოლო, მეორეს მხრივ, ბუნების ძალებსა და ცალკეულ საგნებს ისეთ უნარსა და შესაძლებლობას ანიჭებდა, რაც ადამიანს მოეპოვებოდა. საზოგადოების განვითარების ამ უძველეს ეტაპზე ადამიანის წარმოდგენით, რომელსაც ბუნებასთან მეტად ახლო კონტაქტში უხდებოდა ცხოვრება, მის ირგვლივ მყოფ ყველა არსებასა და საგანს გააჩნდა სული. მეცნიერებაში პირველყოფილი რელიგიის ეს საფეხური ანიმიზმის სახელითაა ცნობილი.

ამ შეხედულებებიდან მომდინარეობს ბუნების კულტი და იმქვეყნიური ცხოვრებისა და სულის მარადიულობის იდეაც, მაგრამ უძველესი დროის ადამიანის შეხედულებანი სულის არსებობასა და სიკვდილ-სიცოცხლეზე ძალზე პრიმიტიული იყო. ასეთი წარმოდგენით, სული სხეულის სიკვდილის შემდეგ არ ქრებოდა. იგი სხვა საგანში პოულობდა სამყოფელს და ასე განაგრძობდა არსებობას. თავდაპირველად სული ფიზიკურადაც იყო გააზრებული. არაცოცხალ საგანსაც ჰქონდა სული. თუმცა სულს შეეძლო ისიც მიეტოვებინა. ამ წარმოდგენათა შესაბამისად, როგორც ამას ზოგადეთნოგრაფიული მონაცემები მოწმობენ, სულს ადამიანის სხეულში გარკვეული სამყოფელი ჰქონდა. ეს იყო: ღვიძლი, გული, თვალები და სხვა.

სიზმარი სულის მიერ სხეულის დროებით მიტოვებად ითვლებოდა. გარდაცვლილი ადამიანის დასიზმრება ეს მისი სულის გამოცხადებას ნიშნავდა. ავადმყოფობა ავი სულის დამკვიდრება იყო სხეულში. განსვენებული ადამიანის სულსაც შეეძლო უბედურების მოტანა, თუ კი მის საპატივცემულოდ დაწესებულ წესს დაარღვევდნენ.

განსაკუთრებული ინტერესის შემცველია სულისა და ხელის ურთიერთკავშირი. აზერბაიჯანული ეთნოგრაფიული მასალის შოშველიება საშუალებას გვაძლევს გარკვეული წარმოდგენა ვიქონიოთ მასზე. როცა ვინმეს მიცვალებული დაესიზმრებოდა, იგი მოლასთან მივიდოდა. მოლა მას მკლავს გაუზომავდა იდაყვიდან თითების წვერამდე. ამით იზომებოდა მიცვალებულის სულის სიდიდე და ამის შესაბამისად ისაზღვრებოდა სულის შესაწირავის ოდენობაც (ა. ალექსეეროვი). ამ წესჩვეულებაში აშკარად ვლინდება სულისა და ხელის კავშირი. ის უძველესი რე-

ლიგიური წარმოდგენაა, რომლის თანახმად ადამიანის სულის სამყოფლად ხელი იყო მიჩნეული.

აზერბაიჯანელთა ეთნოგრაფიულ ყოფაში ასევე შემონახული აღმოჩნდა რწმენა იმის შესახებ, რომ ხელში არსებული სული ადამიანის სიკვდილის შემდეგ ქვაში სახლდებოდა. შესაძლებელია, აქედან დაიბადა ხელის, როგორც უკვდავი სულის სამყოფლის, ქვაზე გამოსახვის იდეა.

საზოგადოების განვითარების იმ ეტაპზე, როცა ადამიანის თავდაცვისა და სანადირო იარაღს ჯერ კიდევ ქვა, უფრო ზუსტად, ქვის ცული წარმოადგენდა, იგი შეიძლებოდა გააზრებულიყო როგორც გაძლიერებული ხელი, ხელის თავისებური ორეული, რომელშიც ასევე სახლდებოდა მისი მსხვერპლის სულიც. თუმცა ძნელია დაბეჯითებით თქმა, მაგრამ საფიქრებელია, რომ ხელის, სულისა და ქვის კავშირი სწორედ იმ პერიოდიდან უნდა იღებდეს სათავეს, როცა ქვის იარაღს და ნადირობას დიდი მნიშვნელობა ჰქონდა ადამიანის არსებობისათვის. ეს მოსაზრება ემყარება არა მარტო განხილულ მასალას, არამედ ზოგიერთ არქეოლოგიურ წინამძღვარსაც. მხედველობაში გვაქვს ქ. კონიის (თურქეთი) მახლობლად ე. წ. ჩათალ-ჰეიუქის სადგომი, რომელიც ჩვ. წ. აღრიცხვამდე VII ათასწლეულს განეკუთვნება. ამ სადგომში საცხოვრებელი სახლის კედლებზე ხელის ანაბეჭდები აღმოჩნდა (დ. ერემეევი). როგორც ჩანს, იგი უკვე საკულტო საგანს წარმოადგენდა იმ დროს. ხელის გამოსახულება კედელზე სხვა არაფერია, თუ არა ოჯახის კეთილდღეობის მფარველობა. იგი როგორც მაგიური ძალის, შეუხებლობის სიმბოლო, ავი თვალისა თუ სულისაგან ადამიანისა და ქონების დამცველიცაა.

აქვე აღსანიშნავია ის გარემოებაც, რომ ეს ძველი ტრადიცია ანატოლიაში ჩვენს დრომდე აღმოჩნდა შემონახული. ცენტრალური ანატოლიის სოფლის სახლებში, — აღნიშნავს ეთნოგრაფი დ. ერემეევი, — კერიის მახლობლად მიწალესილი კედლები გაშლილი ხელის ანაბეჭდებითაა შემკული. „ხელის“ გამოსახულება საქორწინო წეს-ჩვეულებებშიც ღებულობს მონაწილეობას. ქორწილის დღეს სასიძოს სახლის თავზე აფრიალებულ დროშაზე გამოსახულია არა მარტო მთვარე და ვარსკვლავი, არამედ საღებავით აღბეჭდილია გაშლილი ხელი და ზოგჯერ კი ჯვარიც.

აზერბაიჯანელთა ყოფაში დამოწმებულია ასეთი ფაქტიც. სიკვდილის დროს თუ ადამიანი წვალობდა, მას ხელში ქვას ჩაუდებდნენ, რომ სული ჩქარა გასცლიოდა მომაკვდავს და ქვაში გადასულიყო. ან კიდევ, იმ ადგილზე, სადაც ადამიანი გარდაიცვლებოდა, დაადებდნენ ქვას, რომელშიც სული უნდა დამკვიდრებულიყო, შემდეგ კი მას საფლავზე ტოვებდნენ. ქვისა და სულის ურთიერთობაზე მეტყველებს შემდეგიც: აზერბაიჯანშიც იმის მაგივრად, რომ თქვან, „შენ მე დამივიწყე“, ხალხში შემორჩენილია გამოთქმა „შენ ჩემი ქვა დაივიწყე“.

გამორიცხული არაა, რომ საქართველოშიც წარმართობის დროს ხელისა და ქვის კულტზე ანალოგიური შეხედულებანი არსებულიყო.

საქართველოში ხელის შემდგომი ევოლუცია მჭიდროდ უკავშირდება კრძო საკუთრების აღმოცენებას. როგორც დასაწყისში იყო აღნიშნული, ძიწის ნაკვეთის გამოცალკევება საერთო მოხმარებიდან და კრძო პირთა მიერ მასზე საკუთრული ტენდენციის გაძლიერება მოითხოვდა ასეთი ნაკვეთის გამიჯვნას და მის შემოზღუდვას არა ნებისმიერი, უშინაარსო საგნით, არამედ ისეთით, რომელიც ღვთაებრივი ძალის, ხელშეუვალობის, ავი სულებისაგან მფარველობის მაგარობელი და ამავე დროს ყველას მიერ აღიარებული იყო. თუ ასეთ ნიშანს ქრისტიანობის პერიოდში ჯვარი წარმოადგენდა. ქრისტიანობამდე საქართველოში უდაოდ „ხელი“ ითვლებოდა.



„ხელის“ ევოლუციის პროცესში ფართო ლინგვისტური განვითარება და თვით სიტყვამაც. ქართულში ხელიდან მრავალი სიტყვაა ნაწარმოები: ხელმწიფე, სახელმწიფო, ხელწერილი, ხელოსანი, ხელქვეითი, ხელდებული, ხელყოფა, ხელის გამართვა, ხელის ჩამორთმევა (უფლების აყრა, მისაღმება), ხელშეუვალობა, ხელთგდება და სხვა. სიტყვებში: ხელმწიფე, სახელმწიფო მეორე კომპონენტს წარმოადგენს „მწიფ“, რომელიც სიტყვა „წიფვა“, „წიფებიდან“ მომდინარეობს და საბას განმარტებით შეძლებას, ძლიერებას ნიშნავს. „ხელის წიფება“, ხელის შეძლებას, ხელის ძლიერებას აღნიშნავდა ძველად, რომელთა შერწყმამ (ხელმწიფე) ახალი შინაარსი მიიღო. ნ. ჩუბინიშვილი განმარტავს, რომ „წიფვა, წიფება, არა იხმარების მარტივად, არამედ რთულად ვითარ მიწიფვა (მოსწიფავ), ხელმწიფება (ხელმეწიფების)“.

სიტყვა ხელთან ასევე სიახლოვეშია „სახლი“ და შესაძლებელია, „სახელიც“. გამორიცხული არც ისაა, რომ ქართული ხელი, სანამ იგი კერძო საკუთრების სიმბოლოდ იქცეოდა, ქართველთა ტომის საგვარეულო ნიშანი ყოფილიყო.\*

„სახლი“ ვიწრო ცნების გამომხატველი სიტყვაა, მაგრამ ძველ ქართულში იგი კიდევ სხვა შინაარსის გამომხატველი იყო. წერილობითი წყაროების შესწავლის შედეგად, ივ. ჯავახიშვილს შესაძლოდ მიაჩნდა გამოეთქვა მოსაზრება, რომლის თანახმად ტერმინი სახლი თავდაპირველად აღნიშნავდა არა მარტო საოჯახო თემს, არამედ საგვარეულო თემსაც.

დიდი პატრონიმიული ოჯახი თუ მცირე ოჯახი, როგორც ეთნოგრაფიული მასალებითაა ცნობილი, ფართოდ იყენებს თავისი ვინაობის, გვარის ნიშანს, რომელიც ასევე საკუთრების აღმნიშვნელიცაა ხოლმე. განაყოფი ოჯახიც მიმართავს მისი გვარისათვის დამახასიათებელი, ადრინდელი ნიშნის გამოყენებას, მაგრამ იგი რაიმე სახით განსხვავებული უნდა ყოფილიყო სხვა ოჯახის ანალოგიური ნიშნისაგან. ამის ილუსტრაციაა შეიძლება სვანურ მაგალითზე. როგორც რ. ხარაძის გამოკვლევით დადგინდა, საოჯახო თემის სეგმენტაციის პროცესში ხანგრძლივი დროის მანძილზე ყალიბდებოდა ნათესაური გაერთიანებანი, ე. წ. სამხუბები (ლამხუბ.) იგი ინარჩუნებდა საერთო საკუთრების ზოგიერთ მხარეს, ეგზომაიას და გვაროვნული ურთიერთობის სხვა ნორმებს. ყოველი სამხუბი ინახავდა თავის პატრონიმიულ სახელწოდებას. ყოველ სამხუბს, ხოლო ზოგჯერ, მის შემადგენელ ცალკეულ ჯგუფსაც ჰქონდა საკუთარი ნიშანი, თარჯი ე. წ. „დაღარ“-ი, რომელიც სვანეთის ზოგიერთ საზოგადოებაში შემონახული იქნა ბოლო დრომდე. ამასთან ყველა ასეთ ოჯახს ჰქონდა განსაკუთრებული საკუთარი ნიშანი, რომელსაც ოჯახის უფროსი ადგენდა (რ. ხარაძე).

გვარისა და ოჯახების მიერ დამდის (თარჯის) გამოყენების ანალოგიური მა-

\* ამ მხრივ საყურადღებოა ბასკური ეთნონიმის „ესკუალდუნის“ წარმომავლობა. როგორც ა. ტაბალუა აღნიშნავს, ბასკურში ე, ევა იქით, წასვლას, ნახვას ნიშნავს, სკუ კი — ხელს. დუნ მიღებული ყოფილა დუნაკ-იდან, რაც ნიშნავს — მას აქვს. ესკუარტე აღნიშნავს დაუფლებას, ესკუნდუნ, — იმას, ვისაც ძალაუფლება აქვს (შდრ. ხელმწიფე) და სხვა. (ა. ტაბალუა), ბასკები, ლეგენდები და ფაქტები, თბ., 1979, გვ. 62-63). ამრიგად, ესკუალდუნ, სქემატურად, რომ განვიხილოთ, შეიცავს მიმართულების, ხელისა და ქონების აღმნიშვნელ სიტყვებს. ქართული „ხელისა“ და მისგან ნაწარმოები ზოგიერთი სიტყვის შედარებითი ანალიზი ესკუალდუნთან მეტად საგულისხმო იქნება ქართულ-ბასკურ ურთიერთობის თვალსაზრისით

გალითები დადგენილია ჩრდილო კავკასიის ხალხებში, განსაკუთრებით იქ, სადაც მესაქონლეობას დიდი ადგილი ეკავა.

ლ. ლავროვი კავკასიურ დამლებს ეჭვმიუტანლად საკუთრების მანიშნებელ საგნად სთვლის, რომელსაც ჯოგური მეცხოველეობის განვითარების პირობებში უაღრესად დიდი როლი ენიჭებოდა. დამლა, თარჯი გვარისა და ოჯახის ვინაობის მაუწყებელიც იყო და ერთი გვარის მატარებელ ოჯახთა ჯგუფის ღერბიც. იმავე ავტორის კომენტარით ქართულ (მეგრულ) დამლებში, რომლებიც არსებითად განსხვავდებიან კავკასიურისაგან, ჭარბობს ჯვარი, რომელსაც იგი ქართველობის ქრისტიანულ რელიგიასთან კავშირით ხსნის. ამასთან, ლ. ლავროვი აღნიშნავს აჭარული დამლების ფორმათა თავისებურებას. მას მხედველობაში აქვს „ნაროდი კავკაზაში“ გამოქვეყნებული ილუსტრაცია, თუმცა იქ არსადაა მითითება, რომ დამლები აჭარიდანაა. აღსანიშნავია, ისიც, რომ ილუსტრაციაში მოცემულ დამლათა შორის, ერთი გაშლილი ხელის აშკარა გრაფიკულ გამოსახულებას წარმოადგენს.\*

ფეოდალურ საქართველოში მიწის გამიჯვნისას საზღვრის მანიშნებელ საგნად ზოგჯერ „ქვაკაცებიც“ იყო გამოყენებული. ამ ძეგლის სასაზღვრო დანიშნულება „დასტურლამალის“ ერთ-ერთ თავშია მოხსენებული. ქვაკაცა, როგორც საკულტო და სასაზღვრო დანიშნულების საგნის დასაბამი, ისეთივე ძველია, როგორც ხელი და სხვა (ნ. ბერძენიშვილი).

ამრიგად, განხილული მასალა გვინვენებს, რომ საზღვრისა და საკუთრების აღმნიშვნელი საგნები და ნიშნები საკმაოდ მრავალფეროვანია. ესაა „ხელი“, შემდეგ ხელი და ჯვარი, ქრისტიანობის განმტკიცებიდან კი ჯვარი. ზოგ შემთხვევაში ქვაკაციც. ყველა შემთხვევაში საქმე გვაქვს ისეთ გამოსახულებებთან, რომელთა თავდაპირველი წარმოშობა და მათში ჩაქსოვილი შინაარსი რელიგიურ-მაგიურ რწმენებს უკავშირდება. მათი ძირძველი ფუნქცია საკულტო დანიშნულება იყო, ხოლო მფლობელობის შინაარსი მეორადი შენაძენი.

ხელიც, ჯვარიც და სხვა მაგიურ-აპოთროპიული ძალის შემცველია და თავანისცემის, ხელშეუვალობის სიმბოლოდ ითვლებოდა. ამ გამოსახულებათა გამოყენების წესს ვხედავთ საქართველოში საკუთრების ფორმათა განვითარების მთელ მანძილზე, ცალკე ხეთა დაპატრონებიდან ვიდრე მიწაზე კერძო საკუთრების აღმოცენებისა და მისი შემდგომი განვითარების ხანამდე.



\* იხ. В. В. Бардавелидзе, Р. Л. Харадзе. Общественный и семейный быт Грузии. Народы Кавказа, II. М., 1962, стр. 313.



# კრიტიკა და კუბლიცისტიკა

ვახტანგ ახვლედიანი

## ახალგაზრდული ხმები

ბოლო ორი წლის განმავლობაში გამომცემლობა „საბჭოთა აჭარამ“ რამდენიმე ახალგაზრდა დამწეები პოეტის პირველი კრებულები გამოსცა. სწორედ მათ ავკარგზე გვექნება საუბარი ამ წერილში.

**ზურაბ ფირცხალაიშვილის** სახელს უკვე რამდენიმე წელია უურნალგაზეთების ფურცლებიდან იცნობენ პოეზიის მოყვარულები. მისი ლექსების კრებულის სათაური „ქვიშის ქალაქი“ არც თუ ისე დიდი ხნის წინ მიტოვებული ბავშვობის ასოციაციებს იწვევს და დასაწყისიდანვე ერთგვარად ნაღვლიან განწყობილებაზე გაყენებს, მაგრამ ეს მხოლოდ ერთი შეხედვით. „არ დაგიკარგავს თუნდაც მცირედი სისხლი, რომელიც შენთვის დაიქცა და მისხალ-მისხალ ყოველი წვეთი ყაყაჩობად ჰყვავის კრწანისთან“, — მიმართავს პოეტი საქართველოს. წარსულის, დღეისა და ხვალის განუყოფელი მთლიანობა მონუმენტურ სახეს იძენს: დროის სივრცეში: „მე ამ ხელებით მოვძკე და ვთესავ სიყვარულს, შენი იმედის მერე, ადამიანთა თვალებში ვხედავ ხვალისთვის მზისკენ გაშვებულ ხელებს“.

საოცარი ექსპრესიით, ლირიკული და დრამატული ტონების მონაცვლეობით და ფორმის თავისებური სიახლით გამოირჩევა ლექსი „რევოლუცია“.

ზურაბ ფირცხალაიშვილის ლექსებში იშვიათად შეხვდებით წყნარ, იდილიურ განწყობილებას. აქ ყოველი სტრიქონის წერტილი თრთის რაღაცის მოლოდინში. ზოგჯერ, თითქოსდა, მელოდრამის საშიშროებაც იქმნება, მაგრამ პოეტის გულწრფელობა გხიბლავთ: „თუმცა არავინ არ მელოდება, წინ მეზიდება სული მთრთოლვარე, ვიხსენებ ღამის უტყვე მელოდიას და ხალხში ვმაღავ ფიქრიან თვალებს“.

ახალგაზრდა პოეტის თითქმის ყოველი ლექსი აზრობრივად დასრულებული ცალკეული სურათები თუ ჩანახატებია. აი, თუნდაც, ერთი მათგანი: „ხეებს მაინც დაეძარტა მისი, ძირს ფოთლები მიმოყარა ქარმა, შემოდგომამ ჩაიარა ისე, როგორც ასაკგადასულმა ქალმა. მერე ქარი გადიკარგა საღვაც, ფოთლებს მიწა სასაფლაოდ ექცათ... და ხელთ შერჩა გაოცებულ ქალაქს ხის ტოტებზე დაკიდული ზეცა“. საინტერესოა მედიტაციური ლექსი „მეფე ერეკლეს სიკვდილი“, განსაკუთრებით — „როცა პირველად აწვიმს საფლავეებს“. პოეტს შეუძლია ცალკეული, თითქოსდა განყენებული, ტონებით განწყობილებისათვის ფონის შექმნა: „ხეებს წვეთები ეკიდა წვიმის, ხეებს წვეთები უხმოდ წყდებოდა. სარდაფში იდგა სურნელი ღვინის, ნაცნობ ანეკდოტს ვიღაც ვეებოდა...“

ღვინის სარდაფში განმარტოებით მსხდარი ყმაწვილების თვალებში თანდათან შიშვლდება სამყარო: „და იდგა ერთი ორომტრიალი, ღვინო სუყველას ჩუმად ათ-“





რობდა... გული ყველაფერს ამხნევს, ტიალი, რაც ყვავს არ ჰქონდა, ის ბუს გაქცე-  
ნდა“.

მაგრამ ცოტა გაცვეთილია: „ვიღაც სქელუა მამულს ლოცავდა, და ვიღაც ცალყბად ამბობდა — „სალოლ!“ (ბევრი მამულზე ფიქრით მოთავდა, ზოგს კი მა-  
შული სუფრასთან ახსოვს)“.

პოეტის მიერ განცდილი სევდა შენს სულშიც იწყებს უნებურ თრთოლვას. ამაშია, ალბათ, ამ სტრიქონების ასეთი შინაგანი ძალაც: „ჩვენ ზრდილობისთვის ვუსმენდით ლოთებს და ქუჩისაკენ გვეჭირა თვალი, სად სევდიანი დღეების ქარი ერეკებოდა სევდიან ფოთლებს... ასე, მღუმარედ ვისხედით ჩვენთვის, დედ-მამის საფლავს აწვიმსო, შენ თქვი“.

კარგ შთაბეჭდილებას ტოვებს ლექსები „ვედრება“, „სიყვარული“, „ქვიშის ქალაქი“, პოეტური ხილვებითა და ფორმის შესაბამისი არქიტექტონიკით. ყოველ მხატვრულ სახეს აქ საკუთარი კონტურები გააჩნია. ზ. ფირცხალაიშვილის პოე-  
ტური აზროვნებისათვის უცნობია ბუნდოვანება, სუსტად მეჩვენება სამსტროფიანი უსათაურო ლექსი. „სიყვარულივით ლამაზი სახლი დამეულ ბინდში ჩუმად და-  
ვტოვეო“, — გვეუბნება საკუთარი სახლისაკენ მიმავალი პოეტი. აი, ამ პირველ სტრიქონზე და ბოლო სტროფზე მინდა გავამახვილო მკითხველის ყურადღება: „ოთახის კარებს შევაღებ ხვნეშით, მოწვეულივით მხედება სიბნელე, ვიღაც მკარ-  
ნასობს სიმარტოვეში, თუ შევიძლია, ასლა იმღერე“.

აკი დასაწყისშივე გვითხრა ავტორმა, სიყვარულივით ლამაზი სახლი დამეულ ბინდში დავტოვეო. საკუთარ სახლში სიბნელის დახვედრა ასე აღარ უნდა გაჰ-  
კვირვებოდა მარტოხელა კაცს, მით უმეტეს, თუ წასვლის წინ სინათლე თვითონ გამორთო. სტროფის ბოლო ორი სტრიქონი მხატვრულადაც არ ვარგა.

ახალგაზრდა ავტორის ლექსების საერთო განწყობილებაში ერთგვარი მელო-  
დრამული ნიუანსები შეაქვს უკვე გაცვეთილ სტრიქონებს: „და ბედის ჩემის მნათი ვარსკვლავი მონეტასავით გდია გუბეში! („სულ ერთი არის...“) ამ სახეს სხვა პოეტის ლექსშიც იხილავთ.

შუშუნა ხაჯიშვილის ლირიკული ლექსების პირველი კრებული „ფოთ-  
ლების ქოხი“ გამოირჩევა გულწრფელობითა და სისადავით. ლექსები მუსიკალუ-  
რია და ფერადი. ავტორს გამოძებნილი აქვს შესატყვისი ფორმაც. მისი ლექსები ადასტურებს, რომ ესთეტიკური მხარე მოთავარია ახალგაზრდა პოეტი ქალისათვის. მომხიბვლელია ლექსი „გემუდარები“: „შენს მსხვერპლად გაქრეს, შენ შემოგვევ-  
ლოს დიმილიანი ჩემი თვალები... რაც სიზარული მაჩუქე ქვეყნად, არ დამავიწყო, გემუდარები! ეს ყვაილები — მზით დანამული, წყნარი სოფელი, მწვანე ჭალები, ჩემი ქვეყანა, ჩემი მამული, არ დამავიწყო, გემუდარები!“ ე. ხაჯიშვილის ლექსებ-  
ში არ არის ზედაპირული ეფექტები, პათეტიკური ინტონაციები, პოეტური აზრო-  
ვნების ბუნდოვანება და ვერსიფიკაციული კეკლუცობანი. ზოგჯერ აქ ნათქვამის პირველყოფილი გულუბრყვილობაც მოგხიბლავთ უბრალოებით, პოეტური უშუა-  
ლობითა და მორცხვი განდობით: „რა ვქნა, შენ ვერ გათხოვდები, შენ ვერ გათ-  
ხოვდები, ვერა!... ერთად არ იქნება, ნენი, ოჯახი და ლექსის წერა... იქ სხვა გული გინდა, შვილო, იქით ბაღნა, აქით წველა... სიღინჯე და დაფიქრება...“ („ნენი, თუ გიყვარდე...“)

კარგია ლექსები „მე და შენ“, „ფოთლების ქოხი“, „თუ დიმილი გავიბედე“, „ბალადა ანგელოსსა და მზეჭაბუკზე“

პოეტი გვერდს უხვევს „მარადიულ თემებს“. ეს მისი საქმეა და ჩვენც არ შე-  
ვედავებით, მაგრამ ამ ციციქნა კრებულში მოთავსებულ ლირიკულ ლექსებში აპრი-  
ლის ასე მოჭარბება, ტყემლის, ატმისა და ალუბლის ყვაილების კორიანტელი,



ახალს ვერაფერს ეტყვის მკითხველს: „აპრილის თვეში, აპრილის თვეში, აპრილის თვეში სოფლიდან გასვლა?“, „აპრილის თვეში ატმის ტოტებში ატმის ყვავილის ძალა და ეშხი!“, „გამთავრებდეს აპრილის დილა...“ „ათიათასჯერ მოვა აპრილი“ და ა. შ.

საინტერესოდ მომეჩვენა **ბადრი თევზაძის** წიგნის გარეკანის მხატვრობა (მხატვარი ვ. ბესელია), მაგრამ არაფრით არ შეეპასუხება იგი სათაურს „ქარი უკვე ჩადგა“. რატომ „უკვე ჩადგა“, როდესაც ახალბედა პოეტი მხოლოდ იწყებს შემოქმედის ძიებითა და ბრძოლით სავსე ცხოვრებას? — ვფიქრობდი და თანდათან მივიწვევდი ახალგაზრდა ავტორის პოეტურ სამყაროში, მივიწვევდი და ვგრძნობდი პოეტური ასოციაციების მხატვრისეული გააზრების სიმბოლიკურ ხაზებს.

მართლაცდა, დაჭიმულია მ კრებულში სულის ყველა ნერვი: „არ დავიჩვილებ არასდროს ბედზე, დღეს სული ქართლის მსხვერპლად დირსყვავი“.

ან კიდევ: „სულში კარგა ხნის გარდაცვლილი მზე ჩამესახლა, სიცოცხლეში რომ სამარცხვინო დაღვივით ვფარეთ... შენ რომ გიყვარდა, იმ უიმღერებს მღერიათ ახლა, მე რომ მიყვარდა, იმნაირი დარია გარეთ“.

ამ სტრიქონების ავტორის სულში არ შეიძლება ჩადგეს ქარი (წიგნის გარეკანზე, უბრალოდ, ერთ-ერთი ლექსის სათაურია გადმოტანილი). მე მომწონს პოეტის ლირიკული გმირის პირდაპირობა, ქედუხრელობა, პრინციპულობა, და, რაც მთავარია, სამშობლოს სიყვარული. საინტერესოდაა მიგნებული ხალხური „მაშაჲ სად იყავ, შავ ბადროს“ მოტივზე დაწერილი ლექსი. ტექსტის რიტმულობა და კარგეული სილაღე სრულიადაც არ უშლის ხელს შინაგან დაძაბულობასა და კატეგორიულობას. საერთოდ, ამ წიგნში წარმოდგენილი ლექსები უმთავრესად ზნეობრივი და პატრიოტული ხასიათისაა. ისევ ანოტაციას ვუბრუნდები უნებურად. „მშობლიური ცისა და მიწის სურნელია მიმობნეული ამ პატარა კრებულში“, — გვარწმუნებს იგი. მაგრამ წიგნში ვერ შეხვდებით ბუნების პოეტურ ეტიუდებს, ჩანახატებს, სურათებს, გაზაფხულის ცისა და მიწის ფერებს, ტყემლისა და ატმის ყვავილების თოვას, ვერც შემოდგომა მოგზიბლავთ. პოეტს ადამიანის შინაგანი სამყაროდან დანახული სამშობლოსა და ადამიანის თემა აინტერესებს. ამ მხრივ განსაკუთრებით შთაბეჭდავია ლექსები: „წუხელ იმედად მოვიდნენ ჩემთან“, „შეშფოთება“, „დროის ტორტმანებს რაში“, „მე დავბრუნდები სულ სხვანაირი“, „ვადარჩენა“, „უზენაესო, საცნაურ არს, აღგვადე ხელი“, „რა ფრთხილი იყო ს ნაბიჯები“.

აქვე შევნიშნავთ, რომ ამ პატარა წიგნში რითმიანი ლექსების გვერდით ვხვდებით ვერლიბრსაც. საერთოდ, ბ. თევზაძე ლექსის ტრადიციულ კლასიკურ ფორმას ცნობს. ვერლიბრით წერა კი სულაც არ ნიშნავს ტრადიციის უარყოფას რადგან მთავარია არა გარეგნული ფორმა, არამედ პოეტური აზროვნების ორიგინალობა, მკითხველისათვის საგნებისა და მოვლენების თავისებური კუთხიდან ჩვენება, ახლებური ჭკრეტა, მხატვრული სახეების ინდივიდუალურობა. აი, თუნდაც „ფოსტიდან დაბრუნდა, შეაღო ჭიშკარი და თავის თმებისფერ, ქათქათა კიბეზე ტალახიანი ნაკვალევი ინატრა უცებ. საოცარია: ამ ქალს რაღაც უყვარდა სისუფთავე“.

მაგრამ ზოგიერთ ლექსს ხელოვნური ეფექტურობისა და ბუნდოვანების ნიშანი აზის. მოვიყვან „ერთი მდინარე მეორეს ერთვის“ ბოლო სტროფს: „უეცრად ვიგრძენ ჩემივე ჩრდილი — მზე ზენიტიდან ჩამოსტა თითქოს და ჩუმად ეტოვებ მორყეულ დიმილს, იმ ცოფიანი სტრიქონის სითბოს“. ამ ლექსში, ზემოთ, არავითარ სტრიქონზე ლაპარაკი არ ყოფილა, ამიტომ გაუგებარია, რომელი „იმ ცოფი“

ანი სტრიქონის ს. თბოზე“ მიგვანიშნებს ავტორი. გარდა ამისა, არა მკონია, რომ „ცოფიანს“ რაიმე სიტბო გააჩნდეს.

ზემოთ ვთქვი და კვლავაც ვიმეორებ: ბადრი თევზაძე მოაზროვნე, ქვეყნისა და კაცის ავ-კარგზე ჩაფიქრებული პოეტია. ეს ძნელადსავალი გზაა შემოქმედებაში. პოეტი კი მხოლოდ იწყებს...

**დავით ტაკიძეს** კრებულისათვის „სიმაღლე“ უწოდებია. „სამშობლოს სიყვარული და დღევანდელიობა, ძვირფას ადამიანთა სახეები, სიყვრული — აი, თემები, რომლებითაც საზრდოობს ახალგაზრდა პოეტის ეს პირველი წიგნი“ — გვამცნობს ანოტაცია.

მარადიული თემებია! ამ მხრივ ბადრი თევზაძესა და დავით ტაკიძეს აქვთ საერთო. თუმცა, ამ უკანასკნელს სოფლის სურათებიც გააჩნია („სოფელში“, „ამომართა, ამობრწყინდა ზეცა ნათელი“). კარგი ლექსია „პოეზიას“. იგი ამაღლებულია და ფერადი, მოგზიბლავთ გულწრფელობითა და უშუალობით. ადამიანის სულიერი სიდიადის შინაგანი გამოსხივებით საოცრად ტევადია ციცქნა ლექსი „სიმაღლე“. აი, ისიც: „თვალშეუდგამი სიმაღლე ჰქონდა ოსტატს, ხალხში კი მაინც ბეწვისოდენა ჩანდა. ყოჩივარდები აღამაზებდნენ ოთახს, ის კიდევ ახალ, ფერად ყვავილებს რგავდა. როცა სიკვდილი ადრე ეწვია ოსტატს და ძველ კედლებში როცა ჩამოწვა ნისლი, მარადისობის სხივი დაეცა ოთახს, და ღმერთზე მაღლა წამომართა იგი!“ ალბათ, შეამჩნევდით, რომ დავით ტაკიძე უფრო ფერებითა და გამეზობით ქმნის განწყობილებას, ხასიათს, სახეს, ბადრი თევზაძე კი ფსიქოლოგიური ნიუანსებით ძერწავს მათ. ორივე გზა კარგია, თუ პოეტური აზრის ორიგინალობა გააჩნია.

„მივევები აღმართს, გზა წვება მხრებზე, გაღმა ღრუბლების ღიბო ციალობს“. აი, ეს — ღრუბლების „გაღმა ციალის“ ნიუანსი ქმნის სწორედ ერთად ყოფნის დროს მაინც მარტოობის განცდას, რომელიც შემდგომ, ლექსის ბოლოში გამოიკვეთება: „ჩემთან ხარ ახლა, თითქოს მეხები, და მენატრები მაინც ძალიან“. („მივევებით აღმართს“).

დავით ტაკიძის ლექსებში იგრძნობა მუქი ფერების მოჭარბება. „მე ხულ ერთია, მივალ, ვმიწდები და შენზე მეტად ვერ ავმაღლდები“. „შემოვა ნისლი და მე, დაღლილი, ძლივს გამოვადებ ჩარაზულ კარებს, სადღაც მეძახის უხმო ძახილი და ვიცი, უნდა მივიდე მაღე“. „ზოგჯერ იჭვი მიღრღნის სხეულს“. „შენ კი მოდიოდი დაღლილი, თითქოსდა სამარის პირთან“. „დაასაფლავეს, მორჩა, გათავდა“. „ვინ ამაშორებს სეტყვას სახეში, ვინ მოჰკლავს ჭორებს, ვინ მოჰკლავს იჭვებს, ვუცქერი ღამეს ჩამქრალ თვალეებში და სტრიქონს ვანდობ ცრემლიან ფიქრებს“. აქ მოყვანილი სტრიქონები სხვადასხვა ლექსიდანაა ამოწერილი და უეჭველად ბევრია კრებულისთვის, რომლის მოცულობა სულ რაღაც ნახევარი საავტორო თაბახია.

**ამირან საბაზმა** აჭარული სოფლის პირველქმნილი სურნელი შემოიტანა პოეზიაში. კრებულში („შვიდფერი“) დაბეჭდილი ლექსები გამოირჩევა თავისთავადობით, მათი უმრავლესობა იდილიური ხასიათისაა. ფერებისა და გამეზობის საკუთარი ორიგინალური პალიტრა გააჩნია ავტორს. უხილავი ფუნჯის რამდენიმე მოქნევით ხატავს იგი ასოცირებულ სურათებს, ესკიზებს, სახეებს, განწყობილებებს... არც მარადიულ თემებს გაურბის პოეტი. ერთი შეხედვით, თითქოსდა სხვა ხასიათის ლექსებიდანაც გესმის სამშობლოს სანახების ყველა ფერისა და ბევრის სუნთქვა: „სად ყოფილვარ, რა მინახავს? მთიდან ნისლი დამინახავს, დამინახავს და

იმგვარი შე შევენება არ მინახავს... სად ვყოფილვარ, რა მინახავს? მუსის ძირში  
მძიხებია, ლექსის სტრიქონს რომ მიმაგრებს, იმ ბერძენის ძირებია“.

ა. ხაბაზის ლექსების სინტაქსი ბუნებრივია. ერთი შეხედვით, თითქოსდა უბ-  
რალო ფაქტები და მოვლენებია აქ, მაგრამ შთამბეჭდავია მათი მხატვრული გადაწ-  
ყვეტა, ხოლო ხმათა, ფერთა და სურნელთა კოლორიტი საინტერესო მოზაიკას  
ქმნის: „დღე იმზირება საწყალივით, ყანაში ფორჩხი წაქცეულა ორსულ ქალივით...  
წვიძები ცრემლებს ჰკავს, თვალთაგან მოთოვილს, ამოვა შეზობლის ქალი კაბის  
კალთაზე ლობიოს ფოთოლით... მამაშენს ვავხარო და, სიტყვას ვერ დაამთავრებს,  
სველებ-ხველებით მომეფერება ქინძისსუნიათ სელებით...“


პოეტური ხილვების ფანტაზია სოფერ გრაფიკულ სახეებად და ფიგურებად  
ჩამოიქნება: „და მთვარის შუქზე შავი ბუსარი – დაყუდებული ბერი სულმნათი“.

ან კიდევ: „სუსტი მაჟორი ქარის შავ კლავიშებზე დადის, და თეთრ კედელზე  
უცებ წელში გადატყდა ლანდი“.

კარგია ხალხურ კილოზე დაწერილი „ელიაობა“, უშუალოდ მოგნიბლავთ  
„მცივაო, გოგომ...“, ერთი შეხედვით მისტიკური ასოციაციების ფილოსოფიურ-  
მხატვრული გაფიქრებით – „ლანდების პანტომიმა“, კოლორიტულობით: „აჭა-  
რული დიალოგი“, „ავვისტო“ და სხვ. მუსიკალურია ლექსი „რა ხმებია ან ვინ  
კვნესის, რაზედ თრთიან სიმები“, მაგრამ მოძველებულად და უკვე ტრაფარეტულად  
იქცა წყალში, გუბეში, მღვრიე ტბორში და ა. შ. მონეტასავით თუ დინარივით  
ჩაკლებული მთვარის სახე. თუმცა ამირან ხაბაზისეული „გაბზარული დინარი“  
ოდნავ მოქანავე წყალში არეკლილი მნათობის ერთობ საინტერესო მონახაზს გვა-  
ძლევს.

„ახალგაზრდული ხმები“ ვუწოდე მე ამ წერილს. და რადგან ასეა, არც შეი-  
ძლება, რომ ერთნაირ რეგისტრში და ერთნაირი სიძლიერით უღერდეს ისინი. მაგ-  
რამ უკვე იგრძნობა რაღაც ახალი, ალბათ, ჯერ კიდევ მათთვისაც შეუცნობელი,  
ერთმანეთისაგან საოცრად განმასხვავებელი თვითმყოფადობა, საკუთარი ხელება,  
სიხარული, ტკივილები...





სალამობოდ მსახიობ  
ნინო საკანდელიძეს

კი ყოფილა დიდი ღმერთი,  
არტისტი და ლირიკოსი, —  
თეატრის დღეს დააწესა  
ნინობა ნინიკოსი.  
ხან სიცილი, ხან გოდება,  
არ აქვს როლის დანაკლისი,  
ოჯახში კი ელოდება  
მანუჩარ-მამასახლისი.

ნუგზარ ჯაფარიძე



გია ბალოშვილის  
მეგობრული შარუი

# შაქარ-მარილი

ჩემი სიღვრის ავადმყოფობამ მთელი ოჯახი ააწრიალა. ხან წელ-  
კავი მჭირსო, ხან ფილენჯი, შაკიკი, გრიპი, სურდო, ერთი სიტყვით, რა  
ავადმყოფობასაც გაიგონებს, ყველა, თურმე, მას სჭირს. ბოლოს გაიგო, მე-  
ზობლის ქალს შაქრის ავადმყოფობა აწუხებსო, მის ქმარს კი მარილებით.  
აიჩემა, მეც შაქარი და მარილი მაქვსო. ბევრი წუწუნის შემდეგ თავისი  
გაიტანა და ექიმთან წავიყვანეთ.

— რა გჭირს, დედაბერო? — ჰკითხა ექიმმა.

— ყველაფერი, — უპასუხა პაციენტმა.

— ყველაფრის მკურნალი მე არა ვარ, მამაზეციერს მიმართე... მაინც  
გარკვევით მითხარი, რა გჭირს.

— შაქარ-მარილი მაქვს.

— მაგი თუ გაქვს, ჩემთან რა გინდა, მაღაზია გახსენი და ივაჭრე —  
უთხრა ექიმმა.

ვალერიან შავიშვილი



### დიდი წარმატება

ბათუმში საგასტროლოდ იყო ზ. ფალიაშვილის სახელობის თბილისის ოპერისა და ბალეტის სახელმწიფო აკადემიური თეატრი. ამ შესანიშნავი კოლექტივის სპექტაკლებმა საზოგადოებრიობის შეუნვლებელი ინტერესი და საყოველთაო მოწონება დაიმსახურა. სტუმრებმა ბათუმელებს თავიანთი საუკეთესო სპექტაკლები უჩვენეს.

დასკვნით სადამოწე ი. ჭავჭავაძის სახელობის ბათუმის სახელმწიფო თეატრში მრავალფეროვანი საკონცერტო პროგრამა წარმოადგინეს ოპერისა და ბალეტის თეატრის მსახიობებმა. კონცერტს დიდი წარმატება ხვდა.

საქართველოს კომპარტიის აჭარის საოლქო კომიტეტის, აჭარის ასსრ უმაღლესი საბჭოს პრეზიდიუმისა და აჭარის ასსრ მინისტრთა საბჭოს სახელით ძვირფას სტუმრებს გასტროლების მაღალ დონეზე წარმართვის, ამასთან შესანიშნავი ხელოვნებისათვის მაღლობა გადაუხადა აჭარის ასსრ კულტურის მინისტრმა ბ. მახარაძემ.

ზ. ფალიაშვილის სახელობის თბილისის ოპერისა და ბალეტის აკადემიური თეატრის დირექტორმა, სსრ კავშირის სახალხო არტისტმა ზ. ანჯაფარიძემ საპასუხო სიტყვაში აღნიშნა, რომ ბათუმელებსა და ავტონომიური რესპუბლიკის მშრომელებთან გულთაღი შეხვედრები დაუვიწყარი დარჩება კოლექტივის თითოეული წევრისათვის, როგორც ჭეშმარიტი მეგობრობის გამოხატულება, ოსტატობის

შემდგომი ამაღლების მძლავრი სტიმული.

დასკვნით კონცერტს დაესწრნენ ამხანაგები ვ. პაპუნძე, მ. ბერიძე, დ. დიასამიძე, დ. მანჯგალაძე, გ. ცინცაძე, შ. ოქროპირიძე, საქართველოს კომპარტიის ცენტრალური კომიტეტის კულტურის განყოფილების გამგის მოადგილე ვ. ასათიანი, აჭარის ასსრ მინისტრთა საბჭოს თავმჯდომარის მოადგილე ა. ტაკიძე.

\* \* \*

ასევე წარმატებით ჩაიარა ბათუმში კინოსტუდია „ქართული ფილმის“ კინოშსახიობთა თეატრის გასტროლებმა, რომელიც საბჭოთა კავშირ-ბულგარეთის მეგობრობის სახელობის საქალაქო კულტურის სახლში გაიმართა.

### ცენტრალური ტელევიზიის

აჭარის ასს რესპუბლიკის 60 წლისთავს მიეძღვნა ცენტრალური ტელევიზიის გადაცემები. მოსკოვიდან გადმოიცა ფერადი დოკუმენტური ტელეფილმი „აჭარაში“. იგი გვაცნობს მწიური მხარის მიღწევებს ეკონომიკისა და კულტურის სხვადასხვა დარგში. მილიონობით მაყურებელმა ნახა აჭარის ბარისა და მთის რაიონების ცხოვრება – ნავსადგური, ზღვისპირა პარკი, სავერდოვანი ჩაის პლანტაციები, ისტორიული ძეგლები, მთის ყოფის დამახასიათებელი სიუჟეტები...

შემდეგ ცისფერი ეკრანი დაეთმო მ. კუხიანიძის სახელობის აჭარის სიმფონიისა და ცეკვის დამსახურებულ ან-

სამბლს, რომელმაც ოსტატურად შეასრულა საქართველოს სხვადასხვა კუთხის სიმღერები და ცეკვები.

აჭარის ასს რესპუბლიკის შექმნის 60 წლისთავს საკავშირო რადიომ მიუძღვნა ერთსაათიანი პროგრამა, რომელიც აჭარის ასსრ ტელევიზიისა და რადიომაუწყებლობის სახელმწიფო კომიტეტმა მოამზადა.

### უმსვენდრა კინორეჟისორსიან

ჩვენს ქალაქში სტუმრად იმყოფებოდა ცნობილი ქართველი კინორეჟისორი, სსრ კავშირის სახალხო არტიტი, სახელმწიფო პრემიის ლაურეატი სიკო დოლიძე, რომელსაც ქალაქის საზოგადოებრიობამ ბათუმის საქალაქო კულტურის სახლში შეხვედრა მოუწყო.

შეხვედრა გასსნა აჭარის ასსრ კინემატოგრაფიის სახელმწიფო კომიტეტის თავმჯდომარემ ლ. ბოლქვაძემ.

სიკო დოლიძის ცხოვრებისა და მოღვაწეობის შესახებ ისაუბრა კინომცოდნე გ. ბარამიძემ.

სტუმარს მიესალმნენ ბათუმის ხისლასამუშავებელი კომბინატის მუშა, საქართველოს სსრ უმაღლესი საბჭოს დეპუტატი გ. მაჭარაძე, პარტიის ქობულეთის რაიკომის მდივანი ნ. დუმბაძე, სულოს რაისაბჭოს აღმასკომის კულტურის განყოფილების გამგე გ. რიფვაძე, ი. ჭავჭავაძის სახელობის ბათუმის სახელმწიფო თეატრის დირექტორი ლ. ღლონტი, ბათუმის საზღვაოსნო სასწავლებლის დირექტორი ვ. ჭანტურია, პარტიის სელვანაურის რაიკომის მდივანი შ. თურმანიძე, მხატვარი რ. ფლენტი, ქედელი კოლმეურნე ქ. ტარიელაძე, შუახევის რაიონის ბარათაულის კოლმეურნეობის თავმჯდომარე ა. ჯაყელი, საქართველოს ალკკ აჭარის საოლქო კომიტეტის მეორე მდივანი მ. ბეჟანიძე, პოეტი ჯ. ქათამაძე.

კინოეკრანზე ერთმანეთს ცვლიდნენ სიკო დოლიძის ფილმების გმირები. რეჟისორი ეკრანიდან თავად ესაუბრებოდა დამსწრეთ თავისი ფილმების შესახებ.

საინტერესო იყო აჭარის თვითმოქმედი მხატვრული კოლექტივების გამოხვლა.

შეხვედრას დაესწრნენ პარტიის აჭარის საოლქო კომიტეტის მდივანი ნ. გუგუნავა, აჭარის ასსრ მინისტრთა საბჭოს თავმჯდომარის მოადგილე ა. ტაკიძე.

### უმსვენდრა კინორეჟისორსიან ასალგაზრდობის საღამო

„მაცოცხლე შენთვის, მამყოფე შენთან!“ — პოეტის ეს სიტყვები თავიზებურ დევიზად იქცა აჭარის ახალგაზრდა შემოქმედთათვის, რომლებიც საქართველოსა და აჭარაში საბჭოთა ხელისუფლების გამარჯვებისა და რესპუბლიკის კომპარტიის შექმნის 60 წლისთავისადმი მიძღვნილ კონკურსში მონაწილეობდნენ.

ე. ი. ლენინის სახელობის ბათუმის პიონერთა და მოსწავლეთა პარკის მწვანე თეატრში გაიმართა შემოქმედებითი ასალგაზრდობის საღამო, რომელშიც საიუბილეო კონკურსში გამარჯვებული ავტორები მონაწილეობდნენ.

კომკავშირის აჭარის საოლქო კომიტეტის მდივანმა ც. ტაბიძემ და კომკავშირის ბათუმის საქალაქო კომიტეტის მეორე მდივანმა ნ. გოგიტიძემ საპატიო სიგელები და ფასიანი საჩუქრები გადასცეს კონკურსში გამარჯვებულ ავტორებს — დ. თედორაძეს, ზ. საბაძეს, ა. ტროფიძეს, ზ. ფირცხალაიშვილს, ნ. დუმბაძეს, ს. აბაშიძეს, დ. ტაკიძეს, ა. საბაზს, რ. მსხილაძეს.

საპატიო სიგელი გადაეცა ი. ჭავჭავაძის სახელობის ბათუმის სახელმწიფო თეატრის შემოქმედებითს კო-

ლექტივს, რომელსაც ახალგაზრდული სპექტაკლის „მესამე თაობის“ დადგმისათვის პირველი პრემია მიენიჭა.

საღამოზე გამოვიდნენ საქართველოს მწერალთა კავშირის აჭარის განყოფილებას პარტიული ორგანიზაციის მდივანი პოეტი ჯ. ქათამაძე, ისტორიის მეცნიერებათა დოქტორი პროფესორი ი. სიხარულიძე, აჭარის ასსს დაშსასურებული არტისტი ბ. ინწკირველი, ი. ჭავჭავაძის სახელობის ბათუმის სახელმწიფო თეატრის ახალგაზრდა მსახიობებმა დ. აბულაძემ, მ. ბუჟანიძემ და ა. ქარჩავამ წაიკითხეს კონკურსში გამარჯვებული პოეტების ლექსები.

შემდეგ სცენა თვით ახალგაზრდა პოეტებს დაეთმო. დასასრულ ახალგაზრდა მსახიობებმა წარმოადგინეს სცენები სპექტაკლიდან „მესამე თაობა“.

საღამო მიჰყავდა აჭარის შემოქმედებითი ახალგაზრდობის საოლქო ცენტრის პრეზიდენტს ნ. ჯაფარიძეს.

## „ისკუსტვოს“ ფურცლებზე

საქართველოს სსრ მე-60 წლისთავის იუბილესთან დაკავშირებით, საკავშირო ფურნალ „ისკუსტვოში“ დაისტამბა ცნობილი ხელოვნებათმცოდნის ი. ოსმოლევსკის ვრცელი და შინაარსიანა წერილი. ავტორი აანალიზებს აჭარის მხატვრების ხ. ინაიშვილის, დ. გურგენიძის, მ. ხალვაშის, შ. ხოლუაშვილის, ა. ბაკურიძის, ნ. ნიჟარაძის, ო. დარჩიას, ა. ტროფიშოვის, გ. მეგრელიძის, ლ. სეიდიშვილის ნამუშევრებს, განიხილავს მათ სტილს, მხატვრულ ღირსებებს, სიუჟეტის აქტუალობას. ი. ოსმოლევსკი ხაზს უსვამს, რომ აჭარის მხატვრების ნამუშევრები, მათი მანერა საბჭოთა კავშირის მოწინავე მხატვართა რეალისტური სკოლის ერთ-ერთ საინტერესო ნაკალს წარმოადგენს.

ფურნალის ფურცლებზე წარმოდგენილია აჭარის მხატვართა ნამუშევრების ფერადი რეპროდუქციები.

## ფურნალისათა სტუმარი

ისტორიკოსისა და მწერლის ლევან სანიკიძის ტეტრალოგია „უქარქაშო ხმლები“, რომლის გამოცემაც ახლახან დაძთავრდა, ჩვენი ხალხის ძრავალსაუკუნოვანი ისტორიულ-მხატვრული ქრონიკაა.

ამას წინათ თბილისის სახელმწიფო უნივერსიტეტის კათედრის გამგე, ისტორიის მეცნიერებათა დოქტორი, პროფესორი და მწერალი ლ. სანიკიძე ბათუმელ ფურნალისტებს ეწვია.

შეხვედრა გახსნა გაზეთ „საბჭოთა აჭარის“ რედაქტორმა აჭარის ფურნალისათა კავშირის გამგეობის თავმჯდომარემ შ. ქურიძემ.

ლ. სანიკიძემ დამსწრეთ მოუთხრო „უქარქაშო ხმლებზე“ მუშაობის ზოგიერთი მომენტი, განმარტა ის წანამძღვრები, რომლებმაც განაპირობეს „უქარქაშო ხმლების“ შექმნა.

შეხვედრაზე გამოვიდნენ ისტორიის მეცნიერებათა დოქტორი პროფესორი ი. სიხარულიძე, დოცენტი ა. სურგულაძე, გაზეთ „საბჭოთა აჭარის“ რედაქტორის მოადგილე ა. დიასაძიძე, ფურნალისტები ნ. ჯაფარიძე და ა. პატიეიშვილი.

დასასრულ, ლ. სანიკიძემ ისაუბრა თავის უახლოეს შემოქმედებითს გეგმებზე, უპასუხა დამსწრეთა შეკითხვებზე.

## სცენისმოყვარულთა კალებით

ნამდვილი ზეიმი ჰქონდათ ხელვაჩაურის მშრომელებს. ახალგაზრდი კულტურის სახლთან შეიქმნა სცენისმოყვარულთა დრამატული დასი, რომელმაც გამართა პირველი წარმოდგენა — მაყურებელს უჩვენა ფ. ხალვაშის



### ვ. ფალიაშვილის ხსოვნის საღამო

პიესა „ვაზის ტირილი“. იგი დადგა საქართველოს სსრ დამსახურებულმა არტისტმა ი. ცანავამ, მნატვრულად გააფორმა აჭარის ასსრ ხელოვნების დამსახურებულმა მოღვაწემ ა. ფილიპოვმა, მუსიკალურად – ვ. ოქუაშვილმა.

სპექტაკლში როლებს ასრულებენ ე. შაშილაძე, ნ. ბერიძე, რ. თავართქილაძე, ზ. გვიანიძე, ნ. დევაძე, ბ. სურმანიძე, თ. კეჟერაძე, ვ. ველიაძე და სხვები.

სპექტაკლის დამთავრების შემდეგ შემოქმედებითს კოლექტივს ახალი წარმატებები უსურვეს პარტიის ხელვაჩაურის რაიკომის პირველმა მდივანმა ს. ინაიშვილმა, საქართველოს თეატრალური საზოგადოების აჭარის განყოფილების პრეზიდიუმის თავმჯდომარემ დრამატურგმა ა. ჩხაიძემ, ი. ჭავჭავაძის სახელობის ბათუმის სახელმწიფო თეატრის მთავარმა რეჟისორმა გ. აბესაძემ, სპექტაკლის დამდგმელმა ი. ცანავამ, პიესის ავტორმა ფ. ხალვაშმა.

ზ. ფალიაშვილის სახელობის ბათუმის სამუსიკო სასწავლებელში გაიმართა საქართველოს სსრ სახალხო არტისტის პროფესორ ვახტანგ ფალიაშვილის ხსოვნის საღამო.

სიტყვით გამოსულებმა აღნიშნეს ვ. ფალიაშვილის დიდი დამსახურება ქართული საგუნდო ხელოვნების განვითარებაში.

კონცერტის პირველი განყოფილება დაიწყო ანსამბლმა „ორნანომ“. მან იმღერა „შენ ხარ ვენახი“ და რ. ლალიძის „ლაშქრული“. ხალხური და ქართველი კომპოზიტორების სიმღერები შეასრულეს შ. რუსთაველის სახელობის ბათუმის № 2 საშუალო სკოლის გუნდმა, ქობულეთის რაიოსის ვოკალურმა ანსამბლმა „ნარინჯმა“, შინაგან საქმეთა სამინისტროს სასანქრო განყოფილების ვაჟთა გუნდმა, აჭარის სიმღერისა და ცეკვის სახელმწიფო დამსახურებული ანსამბლის ვაჟთა ჯგუფმა, განათლების მუშაკთა საოლქო სახლის გუნდმა.

# ძვირფასო მკითხველებო!



გრძელდება ხელმოწერა ჟურნალ „ქრონოსი“ 1982 წლისათვის.

შეგახსენებთ: ხელმოწერა მიიღება შეუზღუდავად და ერთი წლით იგი ღირს 2 მან. და 40 კაპ.

---

მთავარი რედაქტორი  
ალექსანდრე სამსონია

სარედაქციო კოლეგია:

აწივ ახვლედიანი, გიორგი ბაჩიჩილაძე, ზურაბ გორგილაძე, მამია ვარშანიძე (პასუხისმგებელი მდივანი), შოთა ზოიძე, დავით თედორაძე, გიორგი სალუქვაძე, ჯემალ ქათამაძე, ალექსანდრე ჩხაიძე, ფრიდონ ხალვაში, დავით ხახუტაიშვილი, ჯემალ ჯაყელი.

რედაქციის მისამართი: ბათუმი, ენგელსის ქ. № 21. ტელ. 3-33-71

---

გადაეცა წარმოებას 1.9.81, ხელმოწერილია დასაბეჭდად 10.9.81, საბეჭდო თაბახი 6, საგამომცემლო 5, შეკვეთის № 2781, ემ 02006, ქალაქის ზომა 60×90<sup>1</sup>/<sub>16</sub>, ტირაჟი 5.000

საქართველოს სსრ გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტის აჭარის ასსრ პოლიგრაფიული საწარმოო გაერთიანება, ბათუმი, ლუქსემბურგის, 20.

Государственный комитет Грузинской ССР по делам издательств, полиграфии и книжной торговли. Полиграфическое производственное объединение Аджарской АССР. Батуми, ул. Р. Люксембург, 20.



6687149



ფანი 40 კპპ.

ЛИТЕРАТУРНО-ХУДОЖЕСТВЕННЫЙ  
И ОБЩЕСТВЕННО-ПОЛИТИЧЕСКИЙ ЖУРНАЛ

„**ЧОРОХИ**“

ОРГАН СОЮЗА ПИСАТЕЛЕЙ  
ГРУЗИИ И АДЖАРСКОГО ОТДЕЛЕНИЯ

ИНДЕКС 78118